

列

朝

詩

集

列朝詩集

丁集第二

張宮保治一十四首

李太僕舜臣一首

黃少詹佐五十八首

龔祭酒用卿四首

駱編修文盛四首

田提學頊三首

田參議汝成五首

喬按察世寧九首

蘇侍郎祐五首

馮舉人惟健一十一首

馮光祿惟訥一十二首

任御史淳二首

顧長史銳二首

童庶子承叙八首

蔡總督經二首

孔榜眼天胤八首

王祭酒維楨六首

王少卿格四首

江副使以達一十首

尹僉事耕六十首

喻侍郎時一首

賈通判濂舉人濂五首

馮通判惟敏八首

靳侍郎學顏六首

蘇右都志臯四首

谷知縣繼宗一首

栗舉人應宏 三首

方舉人元煥 二首

劉副使效祖 五首

郭主事本三首

董漢陽穀 四首

方承天九叙 二首

胡按察直 三首

聞人銓 一首

鄭布政旦 四首

王御史獻芝 一首

張宮保治

治字文邦茶陵人正德庚辰會元改庶吉士授編修以贊善使交南以吏部侍郎掌院以南京吏部尚書入爲文淵閣大學士加太子太保世廟在內召輔臣入直撰科書忽忽不樂遂發病卒上銜之賜下謚曰文隱隆慶初改謚文毅歸有光其所取士也改謚時有光以中書舍人管內制故其詞甚美有龍湖詩集行世

萬壽節朝天宮習儀二首

曲檻通丹室長松鎖翠烟樓臺凌絕巖獻鐘聲發諸天瑞莢生堯日緋桃入漢年君王有明德萬壽應高玄
看佩移霄燭聞鐘候曉雞嚴千隊肅嵩祀萬聲齊風吹隨金仗龍宮隱

玉題回看天北極香案五雲西

廢寺

古寺饒蒼苔斷礎委蔓草秋高木葉深霜重池荷老日光穿雲來竹色不可掃世代成古今惻然傷懷抱

清溪阻雨

客愁已若此况聽雨聲多潮氣連滄海江光湧白波暝雲低野度濕鳥掠船過咫尺齊山色蕭蕭鎖薜蘿

秋日登城樓用南田韻

城臨孤壁迥樓出萬峯開域勢銜天闊江形抱楚廻野風吹日落霜雁切雲哀直北長安道憑軒首獨回

發茶陵別諸親舊

行行離故里洒淚別交親明發過湘水應爲更遠人雨侵山樹曉花落草江春何事懷箬組風塵白髮新

秋懷酬秦泉學士

花下踈鐘靜天涯獨客愁功名揚子關詞賦仲宣樓杜若滄洲雨春潮野

渡舟有懷吾共汝雙鬢又逢秋

江宿

移舟初極浦倚岸卽斜曛澹澹月臨水微微星出雲流螢散高影暗水聚
寒紋山雨夜深至淒然不可聞

草市廟

登臨猶不俛倚杖更山扉舊壁龍蛇落空堂蝙蝠飛雲香流別澗樹影動
深磯便欲招僊侶青天振羽衣

秋郭小寺

短髮行秋郭塵沙記舊禪長天依片鳥遠樹入孤烟野曠寒沙外江深細
雨前馬蹄憐草色藤月自娟娟

道場紀事

黃髮真人戴玉冠身騎金虎佩蒼鸞俯窺日月行丹極會禮星辰拜石壇
瀟影一庭仙掌淨鐘聲萬戶綵雲寒朝元初罷千官下碧宇沉沉夜未闌

登石鐘山望廬山

廬嶽亭亭翠萬重題來千尺挂飛龍石鐘山下江如鏡映出青天五老峯

雜詠二首

大明宮闕九天開，中使傳宣殿裏來。
紅玉雕盤宮錦覆，上公含笑賜金回。
望湖亭下水如天，曾是宣皇賜幸年。
玉輦不來鳧雁冷，一湖楊柳鎖春烟。

董庶子承叙

承叙字漢臣，沔陽人。正德辛巳進士，翰林庶吉士，歷官左春坊左庶子，以病乞假卒于家。有內方集十卷。庶子與茶陵張治、莆圻廖道南並以世廟初元入中秘，世廟以從龍侍臣遇之，張登宰執而童廖止于官僚，廖才名甚著，其詩尤蕪淺不及錄。

雨中送駕和研岡二首

春祀瞻陵廟，宸游出帝城。
豐隆扶翠輦，屏翳抗龍旌。
柳色迎鑾細，鶯歌向蹕清。
寢園佳氣合，馳道瑞烟平。
沙軟千官擁，泥香萬騎鳴。
精禋勞聖主，數傍碧山行。

法駕開雲幕，慈闈擁萬城。
杜烟隨采仗，谷雨落青旌。
春豫流鮮澤，皇游覽太清。
沾衣知寵渥，潤物感昇平。
山繞鑾輿淨，泉當帳殿鳴。
傳宣戒龍舸，還汎玉湖行。

臨清公署作

萬家樓閣抱城阿，武帝旌旗向此過。不見鳳笙吹別殿，空聞龍舸駐清河。
水寒沙碧生冰雪，華榭歌臺長薜蘿。共道于今游幸少，豹房虎圍月華多。

宮詞四首

曉向君王賜賞還，長街一字佩珊珊。白頭官監呼名姓，換入迎春第幾班。
不眠常問夜如何，殿角風鈴響漸多。記得一聲河滿子，低低燈下學人歌。
蛾眉掃罷去朝天，正值官家例散鮮。見說羊車隨意到，不教中使口宣傳。
三三兩兩不知愁，結束羅裙學打球。傍晚忽聞天樂近，分明只在殿東頭。

曉渡玉河橋

百尺飛梁煙霧生，雕闌玉竇綺羅行。御溝月露生秋興，駐馬垂鞭聽水聲。

李太僕舜臣

舜臣字懋欽，一字夢虞，樂安人。嘉靖癸未會元，除戶部主事，改吏部稽勳。
歷考功員外郎，養病得請補戶部，出爲江西提學。僉事召拜南國子司業。
轉尚寶司，在外在南比八年，始召爲太僕卿。因廟災，自陳未履任而報罷。
閒居二十年，屢薦不起。懋欽與章丘李伯華才名相頡頏，並繇吏部左遷。

並以京堂罷免皆爲嘉靖初權貴所齟齬伯華家居縱酒度曲頽然自
放懋欽壹意經術易詩書三禮左傳分日讀之每六日一易其指歸在爾
雅質以篆隸廣韻及陸德明音義各有注釋部分秩如也伯華後懋欽兩
科而致仕先于懋欽會則夜數易燭離別月不乏書有作必走使相示兩
人學業不同而志趣所合今三齊之士屈指先輩有名人必稱二李

過友人郊園

暇日薄言出郊原列碑羅爲將芳草歇亦是別君多卽檻看紅藥開尊面
綠荷晚來烟徑上率爾遂長歌

蔡左都經

經字廷彘復姓張侯官人正德丁丑進士以南兵部尚書總督浙直禦倭
軍務改左都御史趙文華視師言其畏異失機玩寇殃民逮至京論死追
謚襄愍國史於經之被逮力言其功爲文華嵩所譖冤死而東南之論殊
不然永陵史出江陵手傳聞異辭不可以不覈也

秋江晚望

沙頭雲樹鬱依依晚稻吹香紫蟹肥露白秋江鷗一夢月明寒樹雁雙歸

蓬窓剪燭孤彈劍草屋禁風靜掩扉滄海十年空短髮青山未返薜蘿衣

望九江城

隔江遙望九江城零落人家烟火生此日不知雲鳥陣昔時曾動鼓鼙聲
三軍已拔洪州幟萬里空勞鎮國兵西土鶯花今寂寞北陵回首泪縱橫

黃少詹佐

佐字才伯香山人正德庚辰進士選庶吉士授編修出爲廣西提學僉事
棄官歸養東宮立召爲左司諫遷侍讀諭德國子祭酒母喪服除拜少詹
事兼翰林學士推吏部右侍郎言者忌之劾罷贈禮部右侍郎謚文裕才
伯鬚黜以奇謫名及入翰苑博綜今古著書凡二十二種究心于理學經
濟而修詞挾藻深然爭雄菰苑嶺南人在詞垣者瓊臺香山後先相望而
察公實聚惟敬皆由才伯門下於是南越之文學彬彬然比于中土矣才
伯有漫興詩落句云倦游却憶少年事笑擁如花歌落梅自注云欲盡理
還之論王元美云此公作美官講學恐人得而持之故也今刻泰泉集不
入此注故附記之

曉溪鼓吹曲二十二首有序

正德十有五年秋宗室以寧殲于九江歸于豫章就俘將于何人皇帝
猶自將討之以將軍泰爲副游擊將軍裕副人忠前驅所至無不電驚雲
駭者七萃之士靡不懷歸臣佐謹撰饒歌冀有聞焉
朱鷺姚以般從以孔蓋車班班北至榆林南踰淮之水鷺之日千里鷺飛
得飛止茄下游魚頰其尾皇帝飲酒悅樂壽無極

朱鷺一章十一句

思悲翁象子雄美人夢翁也從天以來下悲翁之來神靈兩子朝以飛暮
何於處倚嗟嗟松栢蕭蕭泰陵樹

思悲翁一章十句

艾如張羅畢以羅雀飛避旃將誰何雀以飛羅羅之鉅錫何以爲嗟將問
誰又何以爲嗟此者誰卿道不鼓絕聲白雲上天日月其明

艾如張一章十三句

上之回大驅馬汗霑野草百里藉行以北美人從不駕舍行以南美人泣
不旋駕左平虜右寫亦豫章率服威武誰與敵

上之回一章十四句

擁離在朱巷珂馬避之誰者往
前有官殿談蕩蕩箭火飛從天門道
傍謳者野游盤萬年行樂誰不歡

擁離一章七句

戰城南分戰疆運握奇陳八方
鎧甲紛員裹土黃龍江之水洪湯湯
馬得飲之人不敢嘗誠囚鄉晨解其縛
犒以錢刀暮用爲樂願爲忠臣死報國

戰城南一章十二句

巫山高高若何淮水遠之不可以過
驪驄父馬錦障泥我欲渡之徘徊而
驕嘶陽臺有女居迷樓愛而不見煙
雲愁冑有蟻蝨戶有蚰蟻嗟我行役
今還歸

巫山高一章十三句

上陵以遊遨下津駐旌旄問君從何
來來從朔方渡淮濠軫獵爲君車駕
以赭白馬鼓聲琅琅漏初下手格飛
禽血四洒戶寐而訛絕行者宮監肝
駭走且僵玉盤薦食君莫嘗當天鳴
鏑射兔獐須臾白日出東方

上陵一章十三句

將進酒君莫辭何以侑之虎撥思薦
嘉穀陳雅詩群樂旣剪江無螭時邁

其德隆天基

將進酒一章七句

君馬黃臣馬玄狹斜相逢不敢前黃馬馳玄馬逐後歆沙前歆玉副以江許翼兩張翩翩倏如流電光周有穆滿今聖皇君臣布德周萬方

君馬黃一章十一句

芳樹生蘭池華葉何芬敷鸞鳳去之栖者烏惜我西秦氏家有蕩子焉爲夫烏乳且哺生有雛嗟嗟蹇爾胡乃無帝何爾惜金僕姑

芳樹一章八句

有所思思我母慈身上錦襦襜母身清寧壽以眉日夜要襖之於今化爲緇嗟我乃多携離水流東海婦何時嗟我會面安可知晨雞鳴鳴不已東方明星光動地照我驅馳走千里

有所思一章十三句

雉子班行可思雄求山梁雌從之羽短何繇飛流宕原澤中雉子雉以邀翁孺知之思美其膏白龍化魚躍彼豫且視子所止乃非丘隅謂之載之我有車雉子去我將安所如

雉子班一章十五句

聖人出龍翩翩美人出以管絃千旌萬騎雄哉紛四家從以部領軍舞劍
浮白觴我鎮國陳秘戲樂復樂

聖人出一章十句

上邪下狹山童不可獵射竈向江江水竭願皇垂拱開明堂鋪仁獲政和
陰陽千秋萬歲長樂康

上邪一章六句

臨高臺望泗與淮言采其芑于水涯誰其殖之感我懷齊戎東南逖以北
無以逸欲臨萬國生民何依依我德皇祖在天敬哉有赫

臨高臺一章九句

遠如期駕馬以出門咫步不可知林有虺水有蜮短狐封狼肉人以爲麋
萬里吁可悲有林之杜喬其枝皇人壽穀今旋師

遠如期一章十句

石流江怒鳥龍萬斛不可以渡江怒石流萬斛鳥龍不可以浮神怪驟突
衛皇蹕皇潛以躍躍復出於萬斯年保貞吉

石流一章九句

務成昭惟唐堯欽明秉德群后朝建禮樂
粲粲歌慶等頌軼在廷豐不彫茅
茨土培以道遙望雲就日誰敢驕

唐堯一章七句

玄雲油油北風肅肅震電曄曄拔大木
雪霰須臾及牛腹驅車隨鑿走折
輻開弓射天中鴻鵠酌金叵羅奏蕃曲

玄雲一章七句

伯益虞有虞智周百物會用三驅無爲而治
永終譽皇帝孔武徒手搏彫
虎去其爪以樽頰腓皇于後寔率舞符臯之勇駭萬人山川寧鳥獸馴

伯益一章十句

釣竿何珊珊不如罟網賢鰓鯉何徒從
不如鮪與鱸網罟一舉獲者千彼
鮪與鱸潛深淵嗟鱸與鮪終棄捐金瓢
進御烹小鮮兆離驩呼壽萬年

釣竿一章九句

詠志六首

栖遲衡門下向夕絕來軟輕風蕩微月
玄景振清響遊心觀物化閒庭恣

偃仰蒼蠅以翼鳴營營在蛛網鴻雁隨陽飛一覽八紘廣

朱火照玄夜耿耿懷平生雲漢經中天爲章竟何成蕭蕭風雨歌引領晨

雞鳴褰帷納素月悠然鍾我情

大道久已隱中情末由寫所欣青陽動庭槐綠盈把仲尼亦何歎野虎率

曠野出門望長川誰爲問津者
上山採芙蓉日暮傾筐歸軻軻陳王道脂車向梁齊龍戰方擇肉志願空
令乖理人爲之牧嗟哉名實違布穀春無畬促織秋無衣悠悠感物變惻
惻懷烝黎

昔余客幽燕步上黃金臺駿骨日以輕昭王安在哉樂生功未奏荆卿爲
禍媒風吹易水波蕭蕭有餘哀誰知百代後東閣凌天開豈令蹇謬上零
落同蒿萊

荒哉陽臺夢無情成匹仇苟非精神合滔滔爲斷流漢廷富群策一言相
千秋金石勒盟誓倏忽嬰罪尤河清尚可俟漢廣不可求言樹設草花庶
用忘我憂

翩翩雙鳥雁，嗷嗷雲中飛。娟娟蛾眉女，札札流黃機。棄置不成匹，歎息減容輝。問女何所歎，良人悵有違。萬里遙相望，何由接音徽。蕙樓鑿素月，蘭鏡曖虛幃。身非驂與服，安得同車歸。清河尚可竣，會合何可希。臨岐奏此曲，淚下誰能揮。

秋懷

瑟瑟陵上松，琅琅峽中泉。迴風相遇合，淒清成管絃。端居撫時運，閔默何由宣。野廬盡縣磬，飛輓猶開邊。初月菴虛弓，流火無炊烟。明河不可觴，白榆不爲錢。吾民亦勞止，旻天胡乃然。

臨江道中

正德己卯

蕎麥花開山翠飛，腰鎌翁孺愁相依。金川道上風浪急，玉笥山前煙火微。長鯨已墮黃石磯，大將猶擣龍虎旂。翩然揚袂者誰子，陌上酣歌緩緩歸。

曉發盧溝望京城有感

庚辰

大車殷地揚塵起，小車軋軋鳴不已。蒼涼似是長安日，嗚咽元非隴頭水。玉輦南行築將臺，九重宮闕何崔嵬。盧溝橋上關千曲，不似行人腸九迴。

北風篇贈文衡山待詔

輕陰漠漠飛朔鴻雪崖冰柱連煙空銀釭入夜照瑤瑟坐擁青綾聞北風
北風浩浩吹南極飛蓬滿天堪歎息銅龍錯落誤昏曉朱鳳威垂失顏色
騷騷屑屑斷復連據梧細聽寒不眠鯤鵬變化搏碧落虎兕叫嘯愁蒼烟
有時悠揚入寥廓妙韻奇音相間作碧梧翠竹競竿籟漢女胡姬合絃索
又如鮫室鳴杼機萬靈洶湧乘潮婦老蛟怒挾片雲立海水瀟瀟皆倒飛
吾聞風自土囊起搖蕩青蘋千萬里蘭臺詞客謾雌雄大塊何心乃如此
憶昨與君同燕娛瓊簾繡幕圍彤爐坐中酬勸不知算門外寒威何處無
出門勢欲捲平地幽棲咫尺何由至褰衣似怯寒浪湧刮面不數錐刀利
歸來大笑行路難豈知跬步成關山百年鼎鼎貴行樂何用跋涉摧心顏
君今未得揚帆去歸夢飄蕭滿烟霧浩歌一曲江南春北風吹落三花樹

淡交行

瓊樓十二中天起弱柳崇桃鬪青紫魚鱗初開鶴蓋來平頭奴子皆珠屐
主人愛客名謳出象瑄鳴絃滿人耳臙睛膾鯉騰羽觴文笙繡帳春風裏
當筵意氣何所如以漆投膠差可擬舞能陽阿花作陣歌殘子夜霞成綺
豈知戈戟在談笑回看堂上生荆杞雨雲翻覆噫吁噫前有張陳後蘇史

君不見君子之交淡如水

碧梧丹鳳圖為黎侍御一卿題

鳳兮鳳兮爾來當何時知爾之德萬古長不衰不然上天縱爾九苞羽安
用豈邈為君不見桃蟲當日飛為鵬吞令原上啼鴟鴞寫几几音曉曉室
家恐為陰雨漂偃禾風定杲日出岡上碧梧寒不凋爾於此時來和鳴叶
簫韶成王優游君誕喜泰阿為爾歌且謠鳳兮鳳兮披圖對爾起三歎久
矣不夢周公且咸陽官前多枳棘何用屑屑悲秦漢

南征詞六首 正德己卯

鳳野傳清蹕龍旌遍絳霄風雷隨鼓角日月擢金貂躍馬宜春苑呼鷹織
錦綺何如穆天子空賦白雲謠

月照牛山迥風飄鳳吹長從臣黃製袷歌妓錦為粧玉輦栖蘿幌金鞭問
竹房夜關調虎撥知是秦霓裳

翠網張瑤浦黃旗灑碧流殷勤供廟薦蕭洒事宸遊御氣通鮫室祥煙化
蜃樓魚龍應自喜何敢負王舟

簇仗迎春至行宮向曉開日邊千騎合天上六龍來玉笛吹楊柳瑯鞍唱

落梅共看毵拂笑歧路滿塵埃

柳暎金陵暮花搖玉帳春江淮明砲火闐闐動梁塵秘戲徵西域迷樓擺

北辰三千歌舞地誰似掌中人

桂海停舟楫蓬山獻圖雲屯七萃甲風遶九關符進酒龍衣濕藏闕豸

繡呼鷄人那復報乘月射平蕪

阻水寓蕭氏樓上作

朔風蕭蕭吹雪霜登樓獨坐生悲涼青山知我吏情澹明月照人歸夢長

雲影有時連去雁水聲何日到垂楊側身天地頻回首誰道江湖遠廟廊

秋穫喜晴

農事初成樂事繁卽看雲水接平原巾車道上黃迷隄社鼓聲中綠滿尊

十里斷霞明雁鷺半林斜照散雞豚豐年有願絲憂國擊壤今聞到處村

送領少參進表之京

殊方長走畫熊車蔽閣松牕月色虛喜見西山歸戰馬愁聞南海進明珠

風生闕闕陳金鏡雲擁崇恩拜玉除後夜若逢牛斗使前星應有鳳凰書

庚子三月八日奉命充經筵講官有感賦十韻

春風環珮集群仙回首瀛洲二十年院柳綠垂鸞駕外宮花紅入鳳池邊
曉承綸綍開經幄夕佩蘭英拱御筵青瑣赤墀聊復爾璇題珍館故依然
三階瑞氣纏黃道六籍榮光出翠川祖武直從高帝始人文真羨孝皇前
座陪北斗霑堯酒永樂中請詣官燕賓同尚書簾捲南薰協舜絃天順中延諸學士于便殿命官進樂
長樂賜來霞錦艷上林牽出露桃鮮慶歌正值光華旦下拜同瞻咫尺天
遙望帝城珠樹裏金華涼月夜娟娟

凱歌詞三首

孝陵松柏貼青霄鳳輦龍旗久寂寥百歲遺黎應感歎神孫英武似先朝
錦鸞白馬出新河簇隊吳娃善凱歌譜得昇平新樂府內家休按舊笙和
請番覲寄太侏儻重譯于今聖得知已有茅封及邊帥更將天姓賜胡兒

宮怨

上陽宮殿倚雲霞天外時聞度翠華魚鑰重重鎖窗戶夜來春雨到梨花
旅夜

沉水烟消膩燭黃疎帷浮動月蒼蒼栖鴉不避霜風惡繞樹數聲秋夜長
厓山懷古

南閩不廢祥興朔西蜀仍聞藝祖孫會與英雄消積恨直從龍鳳定中原

西清詞四首

碧殿崢嶸燦秦清颺臺時送步虛聲流鈴擲火飛章地一片雲遮翡翠城
輦道陰森萬柳齊水晶簾幙動晴霓六龍行處金螭合冉冉紅雲開苑西
紅葉飄飄出御溝銀屏金屋不知秋侍臣鵠立空翹首日色曛隴滿鳳樓
減却雲鬟帶玉冠紫烟衣薄露光寒步虛聲裏琪花落羸得君王轉盼看

算春朝陵西遊次張石川韻四首

東風閣雨漫經春日暖陵園綠未勻多少柳綿隨燕子宮監猶望屬車塵
胡馬長窺百草凋神官休道紫臺遙日斜堪望交河戍風急如聞瀚海潮
隧道前頭御路平春來雨露不勝情路人曾見官家過翠幔紅粧逐輦行
天壽山前雲出虹玉泉長在柳陰中五風十雨多禾黍野老閒來說孝宗

孔榜眼天胤

天胤字汝錫汾州人嘉靖壬辰進士廷試第二人以王府親例不得在內
補陝西提學僉事仕止浙江右布政使有文谷集行世

春盡將巡永嘉早發錢唐迴寄憲府諸公

方此軫離居復當春候
改落英空曉霏垂條謝
暄靄牽跡阻澄江流後
縱滄海迴緬武林雲知
予片心在

寒食放吏齋居悄然

龍忌殊鄉國雞栖感歲
時雲天沈旅况風日倍
離思杏雨春城暗蘭烟
晚徑遲奉芳欲有贈淹
蹇意空持

夏夜永嘉館

下馬送春色端居延夏
陰流光坐自歎日暮不
成吟客路連滄海歸心
滿舊林沉憂何所似波
湧大江深

夜坐

寥寥郡邑夕悄悄客心
幽露氣因風發花陰帶
月流城高聞鼓角地爽
識邊州去國懷多曠兼
茲永夜愁

秋懷

木落雁南渡天高秋色
深涼颺賦夕露踈雨散
朝陰水冷魚龍息山空
猿鶴吟將因理歸駕貞
此歲寒心

送秋渠出巡

方此驚春駛如何動使車惠風流草際新雨到田家綠蔭垂堤葉紅牽殿
木花可因吏事迥不爲惜年華

國清寺

寥寥人境外別有一林中蘿幌晴峰色花鍾夜窸空涼泉漱初月幽木寫
遙風雖未成永託淹留足微躬

石梁

神嶺劃如關亘空綿一梁虹衢玉京路煙道羽人鄉逆水藏金澗懸蘿暗
紫房尚遲飄錫度臨眺佇斜陽

奠祭酒用卿

用卿字鳴治懷安人嘉靖丙戌狀元除修撰歷諭德終南京國子監祭酒

聞鳥

入戶聞啼鳥芳園三五家竹陰苔沒砌庭靜蝶爭花籬菊春芽苗亭槐午
影斜憑高遙送目夕照數歸鴉

湖上晚歸

十里菰蒲水連叶桑柘圍湖天平石境漁火出山門采蹟遺僧舍蘇堤接

遠村飛星斜過水立馬已黃昏

望海寺

海上石山山上寺寺中惟有一山僧自耕數畝荒田地獨守寒廬夜夜燈

題画

獨向江頭坐釣磯浮嵐空翠點春衣臨流回首看歸鳥高樹無風山葉飛

王祭酒維禎

維禎字允寧華州人嘉靖乙未進士選庶吉士授簡討歷修撰論德陞南京國子監祭酒以省母歸未上嘉靖乙卯關中地震與朝邑韓邦奇三原馬理同日死允寧長大白誓請知九邊要害扼腕時事慷慨用壯又好使酒嫚罵人多畏而去之爲文慕好大史公貯衡抵掌沾沾自喜論詩服膺少陵自謂獨得神解尤深于七言近體以爲有照應開闔關鍵頓挫其意主典主比其法有正插有倒插而善用頓挫倒插之法者宋元以來惟李崆峒一人及其自運則籠笨棘澀滓穢滿紙譬如潦倒措大經書講義填塞腹笥拈題豎義十指便如懸錐累人捧腹良可一笑也先夫子讀槐野存笥集大書批其後云寬哉千餘年杜氏惜哉二十載王君此二語者不

知何所自來而學士家迄今皆傳道之

別汪仲子

還子無苦顏羈人寡懽趣宛馬東道來西風常反顧予也塞鄙人謬習從
章句會值好文時凌風偶鷲翫天路豈不廓翱翔非所慕華嶽雲臺邊翳
翳遠松樹其下盤茯苓其上棲白鷺歸與依吾鄉延年而保素

孝烈皇后挽歌

範內留芳訓扶天有駿功仙遊知跨鳳聖念爲當熊玉珮虛無裏蒼雲悵
望中宜春花照眼淚灑舊時叢

陳子龍曰當熊句蓋指曹妃宮嬪之喪

寄東氏妹

萬里游真倦向來依故廬寧親迎衛女設饌釣河魚奔詔身仍遠思家意
不舒班昭應有念早上巧兄書

康陵陪祀

塞上猶傳八駿名帝丘今望赤霄平千峯雲起旌旗影萬木風多劔槊聲
玉殿香煙浮俎豆瑤輝星斗燦冠纓雍歌聽徹人歸盡獨立春宵百感生

沙河道中用王太史韻

平日平郊遠色分皇家千障抱諸墳沾花車騎香田露過水冠裳潤帶雲
編壁斜翻丹鳳勢迴沙細擁白蛇文詞臣預喜瞻冰地寶篆穹牌七帝勳

小至院內對月簡諸同宿

海東滿月上金規風後寒光湛玉輝出檻新梅渾失影當階老鶴淡無姿
宵深霜露侵偏劇節變星河望欲移坐待嚴城樓觀曉擬看雲物共登危
略編脩文盛

文盛字質甫武康人嘉靖乙未進士改庶吉士授編修官史局五六年分
宜當國條然自遠以使事還朝分宜目而誰之即日移疾歸遂不起所居
在餘英溪之下自號兩溪即樂府所謂前溪也蔡子木叙其詩以孟貞曜
爲比貞曜亦武康人故云

雪霽

旭日散晴暉西山雪意微茶初烹石鼎客已到柴扉啣雀檐前下輕雲谷
口啼村醪聞已熟莫惜典寒衣

訪友途中滯雨

長河波浪渺無津疋馬西風日曛客舍況逢三日雨故人猶隔數重雲

山容慘淡當窗見鳥語啾啾近水聞信有路難行未得旅愁鄉思益紛紛
旅中聞雁

西風鴻雁惜離群露下天高彷彿聞方訝北來衝遠塞忽驚南去入寒雲
千山落葉還秋杪一卷殘書且夜分無那餘音更嘹唳倚樓鄉思益紛紛

元宵宴康彌峰太史宅次韻

東風池館雪消遲雪色燈光映酒時夜半醉歸河上路馬頭明月正相宜

王少卿格

格字汝化京山人嘉靖丙戌進士選翰林庶吉士爲永嘉所惡出知永新
縣遷刑戶二部郎陞河南僉事分巡河北上南巡至衛輝行宮火逮杖削
籍隆慶初叙籍著舊授太僕寺少卿致仕嘉靖初唐應德屠文升輩倡爲
初唐詩汝化亦與焉顧華玉撫楚薦名士久廢者撰典都大志汝化與王
廷陳顏木分任之書成不稱旨而罷罷官年才強仕卒時年九十有四奉
詔存問者至再嘗遊峨嵋遇道人騎飛霞還山遇雪叢翁授吐納服食之
術晚年猶尋如戟腰帶倍人楚人以爲神仙能度世云

病后遣興

負杖出衡門登城望絕巖林疎鳥未繁山寒草猶淺去水有來舟故原見
新墾牧笛誰家村樵唱春風坂忽聞雁度初因念客行遠緩步歸茅廬惆
悵不能飯

館試秋夜聞砧

蕭瑟秋風散晚涼誰家清夜搗衣裳丁丁遙應疎鐘響數數還如落葉忙
明月有情留小院征鴻無數挾輕霜不堪客夢湘雲遠獨對寒燈思渺茫

漢宮人

秋入披香玉露濃晚粧初罷鳳樓鐘恃恩醉却昭陽酒誤把紅繩戲睡龍

驪山溫泉

咸闕無雕輦驪山尚浴泉湯池同野壑水殿抵寒烟月冷新豐路沙沉渭
浦田行人謾投足誰識濯龍年

田提學頌

頊字太素龍溪人正德辛巳進士嘉靖中歷兵禮二部郎中湖廣僉事貴
州提學副使乞歸以文章自喜多所著述

寄玉谿舅

廉水扶乘北石城勾漏西吏情甘散地春色在扶藜柳葉斜侵屋江魚逆上溪飄飄犯蠻府淚應暮鴉啼

荅傅木虛卜居西湖

荇藻綠不歇芳湖秋可憐天低四野樹日落萬山烟明月虛岑榻疏花明釣船時聞有過翼遙寄卜居篇

聞道

聞道迷陽寇東屯信不虛風雲隨戰伐天地日丘墟列峒分旗鼓行營沓列書哀哀荷及者汝業本樵漁

江副使以達

以達字子順貴溪人嘉靖丙戌進士刑部郎中再遷福建僉事湖廣副使供親學政罷歸于順與陳約之李伯華諸人善其論詩專推何李且謂獻吉之文力已出歐蘇上叙張惟靜集則云杜文不逮詩韓詩不逮文而惟靜兼韓杜之所不能蓋亦浸淫于俗學好爲誇大而不知所以裁之者與十四夜都司席上餞光祿屠公分賦四首

幕府侈高會長筵列朱纓浮觴無緩筆一曲三四行豈不誠權娛之子懷

遠征握手一爲歎乘爛循欄檻攀條摘荔枝葉何青青

瓊玖相要結光輝比明月佳期倏弦望昭廣匪圓缺雲裾振丹陛章甫滯
諸越忘年感綢繆揆予傷薄劣所期峻明德離合茲與括

猷懋端在茲達人驚修軌黃鵠狹四海那能獨銜羽周容諒匪度馨折噴
餘子不見處禪中生死蝨與蟻此理難戶說持贈知者幾

相知良獨難相見復何期朱明曜南流浮雲莽西馳蕭艾變芳草青黃悲
素綵衆人憫好修貞心重隨時矢歌不能長愛子千金軀

奉贈大中丞應臺傅公巡撫陝西

雄關九道開邊庭翼然天表尊神京大半安危屬全陝固原節制兼中丞
烽火遙通黑水外氣運幸值黃河清上聖宵衣屈群策推轂肯使邊臣輕
中丞氣與衡嶽會八九雲夢胸中盈衣繡曾爲直指使按劍宿備洮岷兵
況復威名甘與肅部落不問知旌旌比年借寇撫江右坐見列郡甦疲疇
一朝經畧付西事詔書授鉞仍專征知公爲謨自宏遠耀武耻勒燕然銘
豈必降王盡河隴要使悍卒知朝廷大抵足兵先足食各邊芻粟寧克盈
吁嗟屯政廢不講崔葦千里誰共耕先朝究運本自耗臨變糴買良非經

古來邊助有飛輓報中豈得無常程番夷金牌久寂寞夷馬不至茶能行
國家利權不在手賈豎返得操奇贏中丞雄畧世罕伍遠老之後劉麻城
茲行報國存至計少小不用誇長纓尊前從容白羽扇指揮坐側單于情
妖氛一洗旄頭落漢月萬里邊笳寧中國行當召司馬西賊久已問磔荆
至尊社稷公等在杞人鼓腹謠昇平

得曾汝誠書

憶別何耿耿此懷誰得開故人千里外隔歲一書來道直存封事時危屬
草萊不知游子恨翻作逐臣哀

病起讀書臺小坐

病起怯登臺傷春獨坐來鳥鳴移白晝花落點蒼苔盡日重門掩焚香一
卷閒知無奇字問不是草玄才

上清祝聖逢孫默齋使君感贈因期同陳午江枉顧山中

憶別無今日生還有歲年那期千里合相見一潛然往事秋雲外幽懷落
葉前何時與同好方駕枉林泉

予放歸至浙中暫憩湖上適馮子仁得宥至自嶺南城中邵仲德

仲才兄弟載酒相就感今道故愴然傷神輒窮竟日之歡復訂來春之約

相逢先各問容顏喜極翻疑夢覺關我舞君歌三歎息北來南去一生還殷勤勸酒非爲別歸到寧親更出山湖主不妨頻二仲與君重醉碧雲間

南塘泛舟

細竹橫塘晚更幽暖風纖月画船遊斜穿綠嶼輕烟散忽送清尊碧樹稠寂寞魚龍窺醉語留連花鳥放春愁杳然身世蓬瀛在不道人間有十洲

卜居

白水青山此卜居水光山色澹幽虛門前亦種先生柳地僻能來長者車日落兒童隨杖屨夜深松月上琴書偶因消渴文園是浪得虛名谷口如

田參議汝成

汝成字叔禾錢塘人嘉靖丙戌進士授南京刑部主事歷禮部祠祭郎中出爲廣東僉事謫知滁州遷貴州僉事轉廣西右參議罷歸叔禾在儀制肇舉南郊籍田親蠶西苑省畊課桑諸大禮各有頌述歸里盤桓湖山窮探湘西諸名勝所著書凡一百六十餘卷而西湖游覽志炎徼紀聞爲時

所稱

貴竹對雨寄焦學憲

遠道難託新羈多怯魂
况茲風雨夕四塞山城昏
坐令昭曠懷頽然抱幽存
尚冀晤才彥清談蠲鬱煩
高山邈旌節何用展寒暄
孤鴻去容與遐心矯騰騫
君心諒無拒跂予竚歸軒

西湖遊覽

蘇堤如帶束湖心羅綺新妝照碧潯
翠幕淺寒憐草色華筵小簇占花陰
凌波人渡織纖玉促柱箏翻疊疊金
月出笙歌斂城市珠樓縹緲綵雲深

山居雜興二首

芙蓉窈窕月朦朧草閣遙憐玉殿風
曾從龍舟西苑裏正聞蓮漏百花中
珠簾閃霧掃波綠寶扇開雲射日紅
恍向九霄重浪跡卻忘身世一飄蓬
時以禮部祠祭司郎中特旨賜遊西苑

澗戶岩嵒儼未移青山憐我似前時
書林得聚珠千筐社飯新分雪一匙
陰蟻戰來規陣法午蜂衙罷憶朝儀
河清海晏逢休曆刺有豪懷付酒卮

嘉興晚發別陳子常

江南春盡落花天
桑柘籠煙水滿田
野店酒香新雨後
斷橋人渡夕陽邊
騷懷清澗聲歌嘯
世路崎嶇只醉眠
傾蓋逢君成坐久
片帆乘月下吳川

尹愈奉耕

許字子莘代州人年二十舉嘉靖壬辰進士爲人豪宕不羈性嗜酒喜談兵嘗爲州守廢免家居生長邊陲通知邊事痛恨武備廢弛邊臣玩愒作樂語十一篇申明邊防虜勢之要害以告當事者作爲歌詩沈雄歷落秋風上谷諸篇有河朔俠烈之風分宜當國見而才之自知州起廢數月中遷兵部員外郎中出知河間府河間畿輔重地虜數入犯募壯士製戎器旌旗營壘爲之一新吏部希分宜指稱其知兵破格改用擢河南按察司真備僉事仍予四品服俸令管領民兵朝論譁然給事中張萬紀抗疏劾奏上大怒械繫下獄雜治遣戍遼左自是遂終身屏棄不復用矣國家急處拊髀思將帥之臣當取文武大畧不應以便文瑣節繩約拮據分宜得君當國能知子莘而不能違物議以收其用議論多而節目繁何以羅出群之材備翔獍之患耶子莘塞語末有審幾一篇謂漢之患在外戚唐之患在藩鎮而本朝當以備虜爲急以有宋爲殷鑒痛乎其言之也分宜

能知子華能用胡宗憲其識見亦非他庸相可比余故錄子華之詩而并
及之以告世之謀國者

秋興八首

萬里長風落樹柯乾坤今日未投戈空聞海國標銅柱轉見河湟起白波
是處清霜埋戰骨幾人明月聽漁歌天涯憔悴三湘客獨抱遺騷怨薜蘿
銅龍春闕曉光寒金水橋橫白玉欄見說漢皇求大藥故邀王母到長安
黃金夜獻文成竈青鳥朝翔太乙壇不是歲星陪帝輦蟠桃誰奉殿中歡
薊門千里接雲中虜騎清宵警報同合陣幾窺青海月鳴鞭爭下黑山風
幾冬戰士衣仍薄荒歲孤城廩欲空南國十年輸輓盡防秋諸將慢論功
十萬鳴弦報吉囊野心狼子是花當連姻故自輕中國分道頻看入漢疆
推轂丈人空肉食操戈遺孽尚蕭牆不應于羽修文日歲歲三關有戰場
萬山環合蔚州城紫塞連雲朔氣清禾黍歲時供上谷烽烟日夜接神京
九宮迤邐通軍壁高壘崔嵬列虜營稍喜摧鋒章節帥能將俘獲謝蒼生
王喜城邊古廢丘金波泉湧夾城流時危異姓能安漢事去諸劉獨拜侯
鼙鼓幾遭豺虎急山川曾入犬羊羞石郎可是無長慮直割燕雲十六州

威名萬里馬將軍白首丹心天下聞
遼水旌旗餘殺氣泰山松柏已高墳
條侯自靖軍中變賈憲會銘塞外勳
獨倚凌烟思將略莫天征雁下寒雲
少小家居古北平熟聞邊事憤輕生
雙旌夜渡桑乾水一劍朝衝可汗營
排闥未陳憂世疏棄縵空有憤時纓
滄江臥病今虛晚鴻雁秋風旅夢驚

上谷歌八首上楚中丞

魏貅十萬陣堂堂自古安危繫朔方
東下鼓聲連碣石西來亭障見河隍
分兵久戍勞克國借箸前籌賴子房
聞道暫留諸部落拔營今已遁遐荒
大寧無路援開平極北孤懸獨石城
遙憶先皇親躍馬長驅絕塞苦提兵
寒流汨汨交樵徑野戍荒荒列漢旌
千載土人談往事伯顏山下有英聲
露轉桑乾白日昏防秋邊壘萬星危
先聲幾發金吾騎力戰猶傳鐵裹門
豪傑此時須甲冑封疆何地不乾坤
似聞西鎮分人我蛇勢常山請更論
永寧山外黃花鎮隆慶州傍土木城
千里風煙開紫塞萬年根本是神京
分工幸築沿邊壘深入宜防間道兵
見說虜酋窺伺久花當誰識近年情
飛狐倒馬紫荆連此去朝廷路一千
虎豹向來嚴鎖鑰犬羊今日盛烽煙
時名受賑當關將歲德臨分破虜年
願假精兵渡遼水莫令疲病久戈鋌

新河洗馬晚蒼蒼風急城孤古膳房分道往年頻失利築垣今日見周防
轉輸幾實飢人腹鋒鏑新扶戰士瘡乳哺廟謀應不後坐看窮敵繫吾桑
陽河西帶鎮寧流順聖川南是蔚州比歲凶荒猶在眼向來荼毒幾曾收
靈關昔出紅沙嶺直峪斜通白草溝封殖紫荆端在此倉場芻粟可深籌
戍樓霜重角聲殘策馬朝登十八盤紫氣正當天北極彩雲時見漢長安
誓將鎖鑰標銅柱應有麒麟畫鐵冠況是六飛巡幸地至今鷄谷尚鳴鑿

白楊口

白楊黑風俱暗天葛峪美峪遙相連一聲殘角送烽火十萬行營空暮烟
悲秋遊子倚短劍極目長空思著鞭壯志未酬人欲老寒林落霧心茫然

紫荆關

漢家鎖鑰惟玄塞監地旌旗見紫荆斥堠直通沙磧外戍櫓高並朔雲平
峰巒百轉真無路草木千盤盡作兵誰識廟堂柔遠意戰門烟雨試春耕

過曲陽謁嶽廟

恒山結秀自吾鄉祠殿千秋起曲陽飛石不傳秦歲月斷碑曾勒漢文章
望連牟那三關近勢壓滹沱九曲長天子只今憂北伐願封玄塞作金湯

春懷三首

時世宗 辛 承天

春深悶舉尚屯兵萬里防胡拱漢京不爲翠華臨遠道豈應金甲廢深耕
轉輸坐見司徒急經畧親看相國行莫訝至尊忘北顧頗懷遠附聖人情
征歲關山亦喪師猶能不失漢旌旗可憐虎帳分符日偏是冰虜塞甲時
百草自長驕騎疊黃雲空壓李陵碑書生無計當戎右一劍真思報主知
聞道降胡說虜情春來擬絕漢軍營洋河川北雲常黯碣石山頭月自明
將士僞張時政危朝廷賞罰在持衡憑軒北望堪魂斷況是天門萬里程

贈張西屏

月明熊耳照潯池千里思君可奈何
碁局擬從清夢著詩篇遙向白雲歌
時危身世風霜苦日短江湖感慨多
莫道塞翁常失馬後車還許載漁蓑

易州道中懷古

春風匹馬經行地落日黃金亦故臺
敢謂燕昭無伯畧誰憐易水見雄才
青雲不動龍山合綠樹無聲雁影迴
千載天涯淪落客敝袍孤劍有餘哀

五日

天涯亦有窮愁日病裏翻多故國思
鵬凍嶺梅難索笑春遲宮柳未舒眉

浮灰不送囊中賦，弱線還添髮上絲。強自登樓望雲物，四方憂隱尚邊陲。

南巡八首

世廟幸承天作

節護承恩出漢宮，行軍使相陞辭同。九邊雨露旌旗溼，萬乘雲烟警蹕雄。
蟒服盡頒中帑賜，虎頭誰覓賀蘭封。朝陵不是瑤池會，按轡真存細柳風。
正陽高閣照重瞳，武庫前驅駕六龍。旗影忽看天際外，鑿聲時在柳陰中。
金根雷動官車轉，雉尾雲屯帳殿崇。執銳媿無承義志，從橋實切丈夫忠。
傳聞大駕渡滹沱，聖德當天水不波。曲逆曉烟迷朔岳，常山春雨見陽和。
萬家雞犬荆門近，千里鶯花輦路和。無奈腐儒憂伏枕，銀蟾綠草思中多。
天上黃河白晝來，春風龍艦錦帆開。龜魚躍浪承顏色，蕭鼓綠絲堤落杏梢。
照影昔呈希世瑞，橫流今見濟川才。十年垂拱寬民力，却笑宣房起霖霖。
袞衣算入飛龍殿，明祀朝歆純德山。不爲弓刀留漢水，豈應松栢慘愁顏。
翠華映入飄仙洞，紫氣浮空擁穆關。父老不須南望切，掃除霜露便應還。
朱昌夜佩漢軍符，張武乘時亦丈夫。自是王門多將相，不關六合定須臾。
租蠲雲舍民逢歲，晏錫蘭臺酒既濡。聖主功高漢文帝，承天原不比中都。
一騎飛塵入建章，六韜新老共焚香。開函宛見天顏喜，草奏先書聖嗣康。

趨命迫呼盈省闕有時顛倒著衣裳更聞慈慶祈冥福歷夜垂堂慮更長
綠髮傷春画省郎十年簪笏戀明光長貧曼倩精神懶多病相如藥餌忙
憂國屢揮南望淚思家空斷北歸腸何時得奉公車問應有封章錦瑟傍

鵝鴒峪

鵝鴒峪鵝鴒飛書生盡地談兵機一身耻費千重圍千重圍戰不止力漸
竭兮鼓聲死胡兒馬上羨大刀南向抑揄貳嘴指

修邊謠

去年修邊君莫喜血作邊牆牆下水今年修邊君莫憂石作邊牆牆上頭
邊牆上頭多凍雀侵曉霜明星漸落人生誰不念妻孥畏此營門雙画角

戰城南

戰城南鼓聲沸胡陣如蛇前最銳三衝五合令轉嚴仰面看天斜日墜胡
去不苦追胡來不發矢大開陣角臥中軍凱吹如雷四壁起

雲州謠

黃霧塞雲州川止有獨石無新邊無新邊虜同便堪憐小校能迎戰頭二
刀臂雙箭西軍來若雷電漢廷飛將何足羨

榆林驛

天上白榆樹千秋紫塞陰
隔林觀獵騎時有射鴈心

出塞曲

楊鶉萍劍鵲調弓獵罷陰山落日紅
鐵騎不嘶沙磧草牙旗飛掣枯桿風

皇帝巡幸承天歌

二月鑾聲重楚巡
策動猶及鳳城春
周迴南北六千里
信有人間八駿神

贈譚青原侍御

鐵冠稜稜斧在握
繡衣使者行燕朔
月冷居庸夜渡關
霜清碣石朝橫角
聞道愁雲暗朔天
黃沙白磧可人憐
雞鳴山下多胡壘
卒那峰前亦漢川
尚想蒙塵悲已巳
空懷擊劍勒燕然
可登石可勒平生志
在伊吾北
三敗蓋稱曹沫功
一匡再見夷吾力
古稱御史官之雄
震搖山嶽在爾躬
埋輪張綱有奇氣
抗疏李勉誠英風
慷慨况曾親甲冑
撫循更是屬疲癯
片言挾纊士盡起
目中久已無諸戎
所嗟恩寵未久及
早囊白簡催歸急
袞職雖知藉補多
邊民日望曉塵泣

項羽墓

四方爭逐鹿三戶可亡秦何事新安卒同成焉足塵捐金行反間撞斗失
謀臣今日留坏土應慙負劍人

古意

賤妾長留此良人久戍燕無由秣陵泪一洒薊門煙野日明官道寒雲暗
晚天相看秋欲暮又是別經年

贈李蘆溪

君罷齊東幕來尋塞上山春風新早帽夜雨舊柴關心事乘罇外生涯杖
屨閒賦歸歸即好休嘆髮毛斑

韓信廟

背水仍留陣良弓早見收無心來附耳有面竟封侯落日荒祠道西風澗
水秋君臣終始義爲爾淚長流

楊六郎廟

尚有楊郎廟其如朱祚何傷心空戰伐極目且山河雲鳥人能說腥膻恨
不磨除兇昭代烈應慰九原多

寄剡馬關崔將軍

苦憶當關將，頻年樹漢旌。風生三岔口，雪滿六郎城。李牧仍酣戰，馮唐未
著名。隨雲望倒馬，空有故人情。

簡劉沙溪

結髮曾燕邸，強顏復楚冠。風波鏡水陸，雨雪備炎寒。舌為多言刺，腰從屢
折寬。萬行艱苦淚，惟向故人彈。

過汪中山舍人園亭二首

薇省辭官日，瓜田養晦時。好奇恒拜石，習草故臨池。嬌鳥歌春燕，名花放
蜀葵。况逢風日麗，不禁出遊遲。

碧嶂青霄外，文梁錦席前。洞穿巖下窻，亭插沼中圓。琴韻朝醒酒，碁聲午
破眠。因君忘去住，不問北征年。

贈鄒漸齋

白雲沒西日，我當東南征。念子在路途，執手久屏營。娟娟園中女，寶瑟理
新聲。揚眉爲誰妍，修辭薦精誠。覆水不再傾，放鷹難自明。君其珍令德，努
力須時平。

西城道中短歌

柳條當風戰猶力桃李無言混荆棘
乾東帶斷水流昨日荒城作寒食
君不見戰士經年挂鉄衣一身重
犯數重圍紇干山下營初散
牟那峯前檄更飛年年烽火爲生計
誰道沙場春事稀

胡人牧羊圖

邊庭四月始知春沙草初青柳復新
金鑄未須窺漢月氊帷時亦靜胡塵
黃髮小胡花插首腰下寶刀光
吹射日斜驅燕入東林草美泉香
誇富有君不見虞庭千羽兩階陳
白雉黃熊入貢頻聖王有道四夷守
沙場開殺射鵬人

漂母廟二首

鹿指秦庭四走蛇橫楚澤中
分何事老姬具眼一瓢獨飯將軍
負劍豈無國士行吟何處長安惆悵
城陰古廟風吹淮水瀟瀟

過邯鄲縣

秦兵百萬氣連雲
危邯鄲震欲焚
千載尚留城市在
土人爭說信陵君

蔚州歌四首

虜騎臨城氣益橫
共言乘勢犯神京
將軍便可封秦塞
壯士能無請漢纓

俺蒼黃毛不記名犬羊無賴本輕生見說胡兒能躍馬自誇得看蔚州城
南山陡絕石門峪西嶺斜通亂石灘敢勇近聞堪一戰莫教容易近長安
井陘荒城日易曛阜平山下剩黃雲羯奴飲馬桑乾水愁殺關南義勇軍

喬按察世寧

世寧字景叔耀州人嘉靖戊戌進士由南京刑部郎中遷四川僉事湖廣
提學副使庚戌歲參政河南虜犯京師調募紛紜無不立辦擢四川按察
使以憂歸累薦不起景叔短而髯溫然長者也其所建造鑿鑿副名實生
有異稟日記數千言強學好問至老不倦有丘隅集行世

行役

行役何倉皇登涉念徒御白日息虞淵行子在中路杪秋多悲風搖落不
可顧我非草與木胡爲被霜露不辭霜露侵但恐歲云暮

關山月

關山一片月揚彩射金微胡馬中宵動天街七疊圖將軍橫塞角少婦擣
邊衣爲有刀頭望長看破鏡飛

楊花落

坐待梅花盡，征人獨未歸。
宮粧臨鏡懶，春信到邊稀。
斷縷驚龍管，餘香入鳳幃。
持將花比貌，空有淚沾衣。

入寒

沙海烽塵息，將軍奏凱還。
九邊傳露布，一夜到甘泉。
天子開麟閣，都人望馬鞭。
定知金市裏，甲第在今年。

經始皇墓

雄圖不可見，墟墓亦無憑。
寶藏應先發，泉宮後一稱。
只餘雙嶺月，長作萬年燈。
山下東原道，人人說霸陵。

擣衣

城上秋風水，葉飛城中思。
婦擣寒衣誰憐此，夜腸空斷獨恨經年戍不歸。
落月隴雲傳玉壘，心隨關月到金微。
相思更有殘機錦，願逐長安一雁飛。

寄王太史元思謫戍玉壘

學士兩朝供奉年，上林詞賦萬人傳。
一從玉壘長爲客，幾放金雞未擬還。
聞道買田臨港口，能忘歸馬向秦川。
五陵他日多豪俊，空望城南尺五天。

江干曲二首

送君曾水上臨水卽相思不似錢塘水潮來有信期
江上與君別日來江上看知隨江水去猶自立江干

喻侍郎時

時字中甫光山人嘉靖戊戌進士知吳江縣以治行第一徵拜御史分宜
初得幸抗疏論列得報開秩滿遷應天府丞轉太僕以右僉都御史督西
輔六郡以右副都督漕進提督陝西三邊軍務拜兵部右侍郎協理戎政
以人言引去起南戶部侍郎卒于官好爲古文辭追琢詰屈中州人稱爲
喻氏學云

稷山

飛沙凌亂撲征帷朔氣遙連白虎旗水急漁船留凍浦山空獵網挂寒籬
觀風只到羲和塚訪古還過后稷祠聞說單于侵內郡將星不見使人悲

蘇侍郎祐

祐字允吉濮州人嘉靖丙戌進士除吳縣令拜監察御史出爲江西副使
以副都御史撫山西入爲刑部右侍郎又以兵部左侍郎總督宣大罷歸
侍郎詩麗豪伉浪奔放自喜今人不復諱其風格徒以其聲調叫號近于

雄渾遂謂關塞之篇不愧橫槊何相者之舉肥也魯土孫觀爐評曰格不高而氣逸調不古而情真又謂其二子青出于藍蓋齊魯間之論如此

井陘道中

迢遞經恒野崎嶇薄井陘晚風吹雨過山色入雲青車路愁方軌旗亭可建瓴太行直地險擬勒北山銘

袁州對雲何荀亭侍御

宜春臺邊同暮雲宜春城下雪紛紛初隨鳴雨喧相集轉入飄風靜不聞銀燭並迴搖乍暝金尊獨對散微曛因懷驄馬江城夜客況曾經可問君鳴雨飄風一聯謝茂秦極賞其詩律之細

子告婦入倒馬關作

南風吹雨傍關來關上千峯画角哀老去尚憐金甲在生還重見玉門開鳴弦謾引思婦調虎節空懸上將才聖主恩深何以報車前部曲重徘徊

李牧祠下眺望作

泉源水竇入春分鳥語花香遲客聞成鼓寒沉龍塞月夕烽晴照雪山雲年來近野多戎壘時過迴陽幾雁群險絕頗憐今昔地莫教空說李將軍

擬古宮詞

水殿涼生獨不眠，風來忽謾鳳笙傳。尋常明月娟娟夜，似向今宵分外圓。

附見二子

蘇通判濂

濂字子川，祐之長子。六試鎖院不利，以恩廕補官。仕至通判。濂之子主簿，案有詩見李北山齊魯集。

遊大明湖

風物湖中好，家家白板扉。浮雲去水近，返照入林微。潮落漁磯淺，江寒雁影稀。晚來砧韻起，是處搗征衣。

園居

壯年不遇主，歲月忽侵尋。買藥到城市，讀書隨樹陰。窓虛啼鳥近，門掩落花深。舊日逢方士，曾傳戲五禽。

時事

群盜憂方切，繁霜況暮春。封疆誰鎖鑰，天地漸風塵。處處鳴弦日，家家望雨人。時危身尚棄，空有淚沾巾。

寄北山李符卿

客裏逢秋倍憶鄉，裁詩遙寄雁南翔。
東山樂事携紅袖，西閣才名溢錦囊。
舊雨故人空在望，新豐美酒共誰嘗。
猶聞聖主思耆碩，曾問先朝尚重邱。

絕句

新筍抽林與屋齊，亂紅飛過画闌西。
流鶯不管春來去，坐向綠陰深處啼。

蘇舉人澹

澹字子冲，祐之仲子，六七齡隨其父宦吳，渡江能爲賦，二聯登虎丘，能爲詩，四句其自叙，謂年三十尚在舉子列，嘗有感慨之句中，立謂其青出於藍，且尤過之，有蘇仲子集澹之弟審理潢詩，頗驕穉，潢子某亦能詩。

算秋夜宿紫荆關

驛路飄黃葉，關門薄紫荆。
上都瞻處近，北斗坐來平。
塞冷胡笳斷，原荒野燒明。
終軍雖老大，還欲請長纓。

算春雨中集惟時西園

西園花事歇，一雨淨芳菲。
不是鶯相喚，誰知春欲歸。
池魚翻晚碧，檻筍茁新肥。
待得清和候，重尋芍藥園。

鹽河聞雁

客子起常早，月明殊可親。
一聲沙背雁，匹馬渡頭人。
顧侶鳴偏切，悲秋興轉真。
蘭閣夢迴處，應憶客邊身。

弘慈寺別沈元戎

蕭寺送行頻，蟬聲入座新。
夏塗驕釀雨，關樹遠通津。
門外長安路，樽前出塞人。
願分雙寶劍，萬里靜胡塵。

春茸東園獨酌

郭外幽亭客到稀，一尊聊爲賞芳菲。
雨添新水浮萍出，徑裊餘香蛺蝶飛。
畝畝自歌衰鳳曲，江湖誰占釣魚磯。
醉中轉覺閒居好，小徑柔桑信步歸。

莊上閒居

苦柏叢篁與屋齊，野雲常宿藥欄西。
鷗情久定看春雁，鶴夢初驚怪午雞。
葉溜每令山犬吠，月明常賺夜烏啼。
隔橋景物應如待，日引幽人過鹿谿。

夏日閑居

繩床瓦枕興偏賒，靜檢芸編玩物華。
蝶夢欲殘香散靄，鳥聲不斷樹籠霞。
林墟乍迸翁孫竹，籬落齊開姊妹花。
便託瑤琴奏清賞，南薰早爲過山家。

三月晦日病中戲成

怕病偏生病傷春更送春燕鷺休告訴我亦有情人

清明日偶述

梨花寂寂燕飄零藥檻蘭畦嫩葉生處處兒童吹柳笛扶持春事到清明

背面美人二首

袍得琵琶下玉除湖山背立溜犀梳傍人欲見春風面但道蕭郎有寄書

釵軀烏雲髮欲蓬回身環珮響丁東背人不是無情思自古紅顏畏画工

馮舉人惟健

惟健字汝強臨朐人副使裕之子也裕字伯順以成籍生于遼東受學于
醫閻賀欽正德初舉進士仕爲貴州按察副使生四子惟健嘉靖戊子舉
人未仕而卒惟敏亦鄉舉而惟重惟訥同年進士兄弟四人三人皆有集
以才名稱于齊魯間獨惟重無聞焉而宗伯文敏公琦則惟重之孫也魯
王孫觀煇撰海岳靈秀集論三馮之才則首推汝強云

擬四愁詩 并序

漢張衡奇意於君作四愁詩然實一愁止耳北海馮惟健賦命蹇坎守道

自信皇皇京國于時父守石阡母弟僑于青妻子還閬陽朝夕懷念不寧
厥居乃若所愁真四愁矣故擬而賦焉然衡託物之興遠余述事之意多
期于道實不論工拙覽其作者可以流涕矣

我所思兮在衡陽欲往從之湘水長父兮驅車五馬良爲國經營筋力強
坐紆籌策馴鸞羌指揮軍餉收夜郎出門四顧誰相將瞻依斗極懷君王
思之不見心煩傷

我所思兮在青州欲往從之路阻脩澗濰東下何悠悠滿園布穀鳴鳩鳩
母兮縑絲妹結紉弟兮刈麥行西疇道逢鄉人寄衣裯展衣拂袖雙淚流
思之不見心煩憂

我所思兮在豎閭欲往從之路崎嶇淒淒霜露臨丘墟鹿場町曠依吾廬
妻兮抱子愁獨居昨聞邊關飛羽書胡兒殺人如匹雛將軍斂兵不敢驅
思之不見心躊躇

我所思兮在燕京欲往從之塵盈盈青樓有女宛清揚晨理機杼織未成
我欲贈之雲錦屏羅綺結成雙鳳形懷之中夜步前楹長歌宛轉誰爲聽
思之不見心煩冥

歸讀書處作簡汝成弟

城南苔舍復相違，身外浮名有是非。若得羽翰遺世網，定應猿鶴老柴扉。
泉鳴花徑時垂釣，日到松梢自曝衣。王子夜深乘月色，山頭吹把玉簫歸。

贈麻南莊隱者和岳雲石韻

燁燁瑤芝玉洞開，冥冥紫氣自東來。拂衣海上携龍杖，抱膝雲中養鶴胎。
送少宗伯東洛楊公還朝

舟揖懷明主，笙歌慰遠微。蒲輪聊奉命，龍節照滄池。日月丹霄迥，蓬萊絳闕曾。
上台旋斗極，東海運鳴鵬。虞室夔龍重，周廷禮樂興。銀臺開玉匯，天閣秘金滕。
九廟旂常集，諸陵劍舄登。劍門祥霧隱，豐沛瑞源澄。金粟雙峯並，崑池八駿乘。
臣鄰瞻赫赫，賓從盡兢兢。獻納當朝望，都俞氣象增。殊儀須景伯，正色待長升。
綰扇隨車轉，朱明麗蓋昇。松亭餘舞鶴，石磵按垂藤。地境雲光瑩，天齊雨氣蒸。
歎隨林鳥變，思共莫烟凝。牛角悲歌甯龍門，喜御膺十年還。戴鵝千里共擔簦，勲業寧金馬，身名豈玉繩。塵鋒頻自拭，鍛翻尚堪騰。
敢謂吟梁甫，誰能著茂陵。雲門讀書處，日暮倚峻嶒。

姑熟道中三首

獨眠山館夜微鐘度江口牽帷語僕夫起視天霽否
煙起樹亦暝水生江岸窄夜來別故人風雨最蕭瑟
冥冥雨不絕噤噤啼征鴻寒江煙霧裡小艇一漁翁

馮通判惟敏

惟敏字汝行惟健之弟也領山東鄉薦知涑水縣改教潤州遷保定府通
判汝行善度近體樂府盛傳于東郡王元美謂李尚寶先芳張職方重劉
侍御時達此調皆可觀而惟重獨爲傑出其板眼務頭擡搶緊緩無不曲
盡而才氣亦足以發之余所見梁狀元不伏老雜劇當在王漢陂杜甫春
游之上詩雖未工亦齊畧間一才人也

禽言六首

鳳凰不如我竹實醴泉真瑣瑣何不委形濁世中飛鳴飲啄無不可鳳凰
不如我

得過且過風雨冥冥巢欲墮飽煖當時不自知炎涼此日方參彼得過且
過

歸去樂荒烟一望山花落夜月原頭血吻新斜陽枝上聲如昨聲如昨長

相語微禽丁寧或可據獸蹄鳥迹難久遊故國關山不爾禦不知爾家樂
不樂祇是此中風雨惡吾非有翅不能飛喚爾醒時吾亦歸

報殺報穀透犁好雨夜來足不愁田中惡草多但願年年風雨扣夜來雨
急風聲惡聞道村南一尺雹老翁歸來語老妻村中報賽烹鴨雞

訟開溝溝水東西流麥場穰穰聲漸急黃犢橫奔汗如泣重雲殘鷄四望
集頃刻那能辨原隰天之未雨溝不開枝頭啼鳥爲誰哀

向前還好可惜今年種田少早知今年勝去年卽死不賣山南田欲向靈
禽類借問禽言殊遠惟知近能知歲事報陰晴不知官租重與輕

聞柝

野柝鳴沙岸漁燈照白波淒淒風不定隱隱夜如何歷亂鄉心碎依微客
夢多江聲還自擊展轉動悲歌

上巳日作時落第客京師

三月三日東風惡滿城桃李都搖落乍隨飄颻入重雲還自低回委深澗
長安道上東復西曲江池邊路轉迷飛空不解作紅雨著土豈得爲香泥
風聲如雷塵如墨行道之人長太息春光猶有三之一千樹萬樹無顏色

花開花落會有時抵死不分狂風吹但願周流御溝水寧辭遠別上林枝
滇濛頽洞滿天地倉皇未識東君意不遣紅英點翠苔玉堦那得留餘媚
君不見昨日花開枝葉青折來插之雙玉鉗畫堂不省紅塵到裊裊花氣
芬中庭又不見樓頭小婦深閉門晨起竟日寂無言捲簾欲放飛花入撲
面驚沙總斷魂

馮光祿惟訥

惟訥字汝言惟敏之季弟也嘉靖戊戌進士除宜興知縣調魏縣三遷爲
兵部員外出爲按察僉事提學陝西兩浙累遷江西左布政所至皆有聲
詩以病請老特進光祿寺卿予致仕汝言仕宦三十年圖書詩卷外無長
物擬漢魏六朝詩記自上古以迄陳隋網羅放失殊有功於苑有馮光
祿集行世評其詩者以爲博洽多記自出爲鮮

聞警二首

八月塞門開單于獵雁迴五原秋草盡萬騎羽書來秦隴瘡痍後疆場戰
伐催黃雲迷處所羌笛暮生哀

平生投筆吏慷慨學孫吳不分龍庭騎年年入武都輕兵下隴坂間道襲

休辱談笑著綺綉煙塵更有無

春日侍讌高唐齊東二王卽韻應教

昔聽梓山詞今看蘭坂花春雲間珠圓初日照彤霞改服游新苑移尊對
遠沙應劉今日賞不是魏王家

出榆關逢徵兵使人作

聞道雲中將先秋戒鐵衣虎符千里至龍騎五營歸夜月明雕戟山風曳
画旂誰憶滄海外雜虜駐金微

春日陪孟東洲憲使公重過宋氏園亭

竹色青於染春生朱玉家衆山當戶出一水抱城斜積雨翻高柳輕寒動
早花風光正如此莫惜醉流霞

秋日同參伯邵公遊鳳凰山

鳳凰高閣俯晴空萬里鸞叢此路通遠近川原秋色裏參差草樹夕陽中
尊前舞袖翻霜葉天外清笳咽塞鴻回首舊遊成夢隔獨將遲暮歎征蓬

送杜明府謝政還遼

仙郎逸氣橫朝野傲岸不落風塵下那丹六百輒免官王陽九折能還馬

羈心浪跡日悠悠楚水吳山十度遊
秋風君度紅羅積知我題詩白鷺洲
至都始見峻伯留宿解舍識喜

可憶毘陵夜雪船亂帆相背各風烟
探囊詩卷行堪把計日心期又隔年
乘燭更疑成別夢當盃翻怯近離筵
同遊自昔多豪彥獨對狂歌倍黯然
毘陵舟中夜別萬吳二明府次俞汝成韻

渡口雲深樹色蒼孤舟寒雨共離觴
憑君莫話從前事只是無言已斷腸
再別徐少初明府一首

悲歌昨夜惜離群九曲腸隨別路分
江雨未休春寂寂那堪今日又逢君
千里江程一夜過毘陵回首隔烟波
莫嗟此後音書少只恨從前笑語多
韋蘭觀兵

金城關外雪嵯峨龍尾山前湧白波
春風一夜流澌盡漢使明朝欲渡河
又寄河東清溪諸殿下二首

寒城雪盡曉氛氲萬樹猿聲不可聞
東望梅花消息斷思君一寄隴山雲
天涯歲晏雪霜繁又見春風落塞門
一望秦川腸一斷欲持芳草問王孫

新侍郎學顏

學顏字子愚濟寧人嘉靖乙未進士累官吉安知府歷太僕光祿卿拜副都御史巡撫山西入爲吏部左侍郎移疾乞歸爲人樸貞樸直博學慕古有集行世同時歷下有劉汝松谷繼宗者皆舉進士有詩名谷亦能填詞而詩俱未工

效黃魯直

一旬三饋漿十日一櫛沐迫而後能應希聲猶不足被褐詣論公共爾一孟粥澹然出世情了了無縛束因舉趙州話白兆一椽木惝目不解蒼彼已兩無觸作別不作別黃葉埋經屋

草橋卽席寄以騰

舊國春深草似煙年年此際對離筵繞閣柳外歌三疊已識尊前路五千劔閣啼猿梅雨夜錦江駐馬麥秋天從今莫問西來雁縱有風翰不到川燕京草春歌

東京歌

三月楊花滿御溝可憐春色亦東流行人不用多惆悵鴉年年喚白頭濯龍門外車馬流誰人不道入青樓盧家少婦鳴箏坐逢着春光不解愁

渭城曲

春風送客渭城西折柳亭前落日低
驄馬漸隨塵影沒黃鸝飛上戍樓啼

聽陳東阜彈琴

逐客經年滯楚鄉蕭條兩鬢已秋霜
逢人唯奏思歸引易水燕山總斷腸

任御史淳

淳字元朴堂邑人正德庚辰進士監察御史

出塞曲二首

十八羽林郎飛騰事朔方青萍玄錦鞞
赤兔紫絲韁沙漠今巢穴燕然古戰場
玉庭須遠遁衛霍在邊疆

葵壇臨玉塞報主荷金戈漢節當關重
胡笳出塞多氣吞玄朔壘兵洗白洋
波休信單于款謀窮僞請和

蘇右都志舉

志舉字德明固安人嘉靖壬辰進士知瀏陽
進賢二縣遷刑部主事歷郎中出爲兪事
副使皆宣府潼關涇邠衝邊要地庚戌虜警
會推雁門兵備歷陞布政使以右兪都御史
巡撫遼東陞右副都御史右都才情富麗沾

沾自喜好作長短句有寒村集

雪夜襲虜

朔風利似刀朔雪密如織四山號虎兕萬卒無生色號令等風霆直擣龍沙北夜半緝叶韓天明傳蓐食

盱眙山館

山館雨初歇村園菜正肥摘花引寒蝶冉冉過籬飛

送楊虛樓還任饒陽

澹煙疎雨禁城秋彰義門前古渡頭欲把相思付流水蘆溝日夜總悠悠

初夏寄題隆興寺禪房

蒲萄引蔓聚開花臺殿參差日影斜一客不來雙燕語老僧閒欲曬袈裟

頓長史銳

銳字涿州人正德辛未進士官終長史北人云涿郡有才一石人得

其二銳得其八

銅雀妓

西陵芳艸合松柏半爲薪宮殿飛銅雀下飲漳河濱檀烟冷餘燼總帳網

流塵白頭歌舞妓來教晉宮人

西巡曲

飛輪擊水日三千咫尺長安在日邊試向茂陵高處望未央前殿立銅仙

谷知縣繼宗

繼宗字嗣興歷城人嘉靖丙戌進士官知縣富於篇什以倚待立就爲能故可傳者絕罕

同楊都督登醫無閭

海門日出上無間疑是驪龍抱夜珠萬里太行天壑角千年遼左北門樞
猩紅嶺外稀來雁鳴綠江頭有巨魚鎖鑰只今憑衛霍朶顏密邇費踟躕

粟舉人應宏

應宏字道父潞安人弱冠舉于鄉累試南宮不第耕讀太行山中高子業
解司封歸道父擔簦相造雞黍定交子業作紫團山人歌贈之云紫團高
山槃青雲粟家兄弟殊不群陳州一出驅五馬令弟二十窺三墳陳州者
道父之兄應麟字仁甫者也道父山居詩六卷子業爲之序仁甫自有集
而子業有兄川詞舉進士亦有才名其集皆未及錄

龍山別業卽事

葦屋空林竹翠微柴門無事柳依依隔年藥物頻宜日近午茶烟欲上衣
山郭歲時流水舊野堂風雨到人稀興來獨步多尋賞爲問茅君理息機

宮詞

鳳凰樓下散宮花金錯裁成五色霞空有青春寄刀剪不如紅葉到人家

吳姬行

吳姬十五遊燕趙少小離家那得知歌向尊前將進酒低回却憶採蓮時

方舉人元煥

元煥字子文臨清人嘉靖甲午鄉貢以行草擅名山東王元美以爲疎野
粗放備諸惡道暑書稍勝亦無佛處稱尊中立載其歌行一卷大都豪放
亦類其書此二詩李伯承所取也

園居二首

真心無住着水石澹幽居風物花含早陽春鳥弄初病減燒丹竈情欣種
樹書地偏非僻俗林臥谷神虛
兀兀坐長日行園怡晚晴畦蔬經雨足山木到雲平野老水上語輕風林

際生年來知抱甕猶聽轆轤聲

劉副使效祖

效祖字仲修濱州人寓居都門嘉靖庚戌進士授衛輝府推官以戶部郎擢副使備兵固原坐內計罷官年才四十以賦詩自豪篇什流傳禁中皆知其名穆廟遣中官出索其詩都人傳其事以爲本朝所未有也

九日獨酌

南山遙對菊花開欲採無人爲舉杯縱說柴桑貧謝客何曾不許白衣來

折楊柳

楊柳千條拂地垂春風送客妾心悲誰家年少輕離別偏把愁聲笛裏吹

塞上曲二首

龍沙近接古檀州多少從軍倚戍樓寒夜不堪愁絕處西山片月挂城頭

朔風吹雪渡沙塲傳道單于獵白狼北望征塵何處是暮雲無際草蒼茫

燕京歌

元會初分庭燎光君王親御紫霞觴不知五夜春多少白日猶聞爨炬香

郭主事本

本字道克曲阜人嘉靖辛卯舉人南京浙江道御史調臨汾令終戶部生
事中立云博雅多才百年中闕里之奇氣工五言詩得陶華骨法

結屋

貯木二十年一屋未必就風雨日薄蝕土花起皺破捐棄弗忍言龜勉始
結構因浙復三載石兩穿寒溜枯棟三兩橫客來不敢留越人生須蓋藏
輾轉事釘釘握粟出經費厨人生怨詬自笑鳩爲巢未了先白首休哉孫
五郡去官借車廐至今清白聲猶不媿屋漏

哭楊焦山繼盛

滾滾數行淚遠爲楊焦山反復讀諫草五內皆潛然自昔如絃直繫繫死
道邊機事淵海深孰能察其端天聲震西北地軸搖東南日月復薄蝕山
煙谷成淵問地地不語顛天天不憐孤愁何所極繫於天地間

過以禎西庄

杲日明西野綠蔭連松篁清風徘徊至滿座納虎涼門窓見鳧嶧蒼翠飄
嵐光時聞讀書聲伊吾禾黍場東隣有壇杏雨過生微香

董漢陽穀

穀字碩甫海鹽人舉人仕至漢陽太守父澹字復宗自號蘿石翁以能詩聞江湖間年六十七往師陽明晚究心內典援匡廬故事結蓮社于海門精廬又號白塔山人碩甫亦好著述有碧里雜存等書

金山寺

孤絕江心寺煙波接渺茫浪花浮石磴帆影落僧牀金碧輝天界歌鐘起下方月明潮落後倚檻聽鳴榔

雲山圖

衆綠獻秋色寒山生夕容林間靜茅宇雲外響村春落日行文豹澄江飛斷鴻遙憐徐孺子一榻坐千峰

塞上曲

搖空白浪見玄菟徧野黃羊是福餘最苦遼陽城下戍月明清淚下吹蘆

右遼陽

臨清柳枝詞二首

春早持齋一月餘羅衣初試覓香車丁寧夫婿嚴齋禁頂上歸來始破除結束腰肢細可憐女奴相送上鞦韆風光又是清明近墮却金釵記去年

方承天九叙

九叙字禹績錢塘人嘉靖甲辰進士除兵部主事守山海關知承天府以
伉直忤巨奄罷歸爲人高朗善論事家居結社湖上有方承天遺稿

賦得燕燕于飛

小院百花香輕簾雙燕翔影隨春陌近聲入午風長
趁蝶迴雕砌銜花赴彩梁空閨復暮徒切画眉長

涉江採芙蓉

六月江南天家家出採蓮並舟青雀近分歌綠水連
看花誤是面摘葉戲成鈿夕陽歸渡口更覺晚粧鮮

胡按察直

直字正甫廬陵人嘉靖丙辰進士官按察使

臥病省署作

掩閣烏同寂升堂鶴共遲亂花封印篋飛鳥掣文移
公事癡能了陰符懶未窺散衙饒暇日春院綠陰滋

龍洲書堂新霽客至

芳洲綺樹接江城曲巷回軒霧細生
葑柳牕中銜宿雨遊絲水面帶新晴
林花點草粗成字山鳥呼朋自有名
臥病一春羅逕滿君來時復掃柴荆

聞鶯懷鄒繼甫

旭日高槐啼欲斷午風深竹弄還長
莫言絕域如天外猶有鶯聲似省廊

聞人

論

陽棧接高天白雲山下看花落雨餘
雨風吹寒食窵縱目黃山外停驂紫

陽棧嶺

漢間斜陽過廣惠始覺有人家

鄭布政且

目字希周歙人嘉靖癸未進士歷官浙江右布政使王寅曰方伯家敦倫
理朝勵官箴有德之才炳爲辭藻若花明沛上宴香起洛中塵河影城頭
隋秋聲塞上生熨道黃雲上蠻村白草傍簪道千盤臨戍堡山城百雉入
邊州皆出渾淪不落輕靡

夜歸溇海道中

杳杳空原莫蕭蕭旌旆行長風吹海晴新月傍人明河影城頭隨秋聲塞
外生客懷頻倚劍時事正論兵

曉發洱海夕次瀘川

天高野曠盡煙收風急霜繁落木秋箐道千盤臨戍堡山城百雉入邈州
諸蕃樂歲休戎馬孤館頻年望斗牛夜半角聲吹激烈紛紛涼月照人愁

塞上曲

西望山前落葉秋桑乾水上行雲愁笳聲晚夜吹城樓胡騎直過新聚落
吳兒初識古盛州

子夜歌三首

昨夜月團團郎在何處邊安能作百丈日夕牽郎船
聞郎往瀟湘裁書寄雁去郎行無定踪書寄知何處
欲織雙鸞終日才成匹寄君作香囊長得繫時脈

王御史獻芝

獻芝字世瑞新安人王寅曰世瑞乘驄京國風采凜然折節憐才心如不
及平生之詩不多乃有妙品若到門嶠古松龍鱗牛身死對佛插高峰寒

翠妙空裏末代詩人豈可易道

翠峰寺

尋幽入仙源
遙聞鐘聲起
到門蟠古松
龍鱗半身死
對佛插高峰
寒翠妙
空裏是時秋
已深黃葉滿
流水老衲笑
相迎焚香問禪旨

列朝詩集

丁集第三

陸永新粲 一十七首

屠諭德應竣 九首

覽提學尊尼 一首

王僉事問 九首

王山人懋明 二十一首

顧布政夢圭 一十五首

潘治中德元 三首

莫布政如忠 三首

方侍郎弘靜 四首

徐奉化獻忠 五首

胡苑卿安 三十首

茅副使坤 三首

張尚書特徹 七十三首

覽陸秀才采 五首

表僉事袞 一十四首

華讀學察 一十五首

施縣丞漸 五十六首

姚山人谷 四首 覽唐詩 一首

周太僕復俊 三首

包御史節 六首

張雲南祥翳 一十五首

徐宮保學謨 四首

余 文獻 二首

程主事烈 三首

許給事相卿 四首

豐主事坊 二十九首

楊經歷文卿八首

廖希顏五首

杜員外垠一首

袁知府表三首

李車駕時行三首

黃副使中三首

陳副使子文一首

何運使御五首

徐永寧榔二首

陸永新梨

梨字子餘一字澁明長洲人嘉靖丙戌進士選翰林庶吉士七試皆第一當授官復試第一張桂方驟貴爲翰林子餘劾諸庶吉士不徃揖乃密疏中之內批授工科給事中及張桂繼相子餘以試事選朝抗疏劾其奸上感動爲罷二相無何用霍詹事韜言召還二相謫貴州都勻驛丞稍遷永新令父之念其母乞歸里居凡十八年論薦皆報罷霍亦有疏薦子餘子餘曰天下事大壞于愈人之手尚欲以餘波汚我耶子餘疎眉目美鬚髯面骨稜稜起嗜學無不通尤悉本朝典章扣之若引繩貫珠纏繞不可窮也詩不多獨出機杼不落窠臼文尤雅健典則自成一家少授春秋所著春秋左氏鐫附注胡傳辨疑皆可觀

狙上翁

廣武城邊列旗鼓重幢拔山氣如虎手提老翁坐高狙漢王嫚語項王怒
狙上老翁心獨苦心獨苦兒不聞兒言但索杯中羹兒自生豹自死三軍
縞素爲何人幸有君臣無父子君不見當日陰山沙磧中胡兒鳴鏑親射
翁

畫虎行

山人視我畫虎圖遊我爲作畫虎行我生城郭不識虎向來浪說真無憑
自從謫居傍夷落時驚夜嘯風生壑似聞行旅遭搏食往往白骨撐叢薄
朝來擊鼓驅獵徒於苑中箭人謹呼兒童奔走我亦俱近前諦視摩其鬚
初觀據地疑未死金睛閃閃血紫却歸更與展圖看意態猙獰死相似
画手爾何人誰遣爲此筆丹青淺事何足問物理試思堪太息我聞太平
世野獸恒避人吁嗟猛虎今爲群渡河無復逢劉昆黃公赤刀俵鬼竊裴
旻李廣俱漸滅書生徒手無寸鐵對画空令雙臂裂還君画爲君歌道上
虎跡今轉多

邊軍語

邊軍苦邊軍苦自恨生身向行伍月支幾斗倉底粟一半泥沙不堪煮盡
將易賣辦科差顆粒那曾入鍋釜官逋私債還未足又見散銀來糶穀去
年糶穀揭瓦償今年瓦盡兼拆屋官司積穀爲備荒豈知剗肉先成瘡近
聞防守婺川賊盡遣丁男行運糧老弱伶仃已不保何況對陣臨刀槍宛
宛嬌兒未離母街頭抱賣供軍裝閭閻哭聲日震地天遠無路聞君王君
不見京師養軍三十萬有手何嘗捨弓箭太倉有米百不愁飽食且傍杓
欄遊

擔夫謠

擔夫來來擔夫來爾何爲者軍當差朝廷養軍爲殺賊遣作擔夫誰愛惜自
從少小被編差垂老奔走何曾息祇今丁壯逃亡盡數十殘兵渾瘦黑可
憐風雨霜雪時凍餓龍鍾強驅逼手搏麥屑淘水餐頭面垢膩懸蟻虱高
山大嶺坡百盤衣破肩穿足無力三步回頭五步愁密箚深林多虎跡歸
來息足未下坡郵亭又報官員過朝亦官員過暮亦官員過貴州都來手
掌地焉用官員如許多太平不肯恤戰士一旦緩急將奈何噫吁戲一旦
緩急將奈何

胸岡行贈遲戶部兼簡馮汝恭伯仲

君不見胸山之岡矗立于萬重高者盤踞如虬龍下者偃蹇踣踞如貌熊
中起雙尖屹相向青天突兀安屏障靈棲仙宅信孤迥碧峒紅泉亦清壯
東州遲侯愛山者茅堂窈窕岡之下饑颺綠屋靡雨垂老鶴啄堦松雪灑
時登巉巖入幽絕萬壑陰霞條興汝天風蕭蕭日欲墮野色蒼然上眉髮
一從獻策金門去寂寞岡前舊遊路竹戶留詩碧藓封石牀散帙紅霞護
榻來持節下三吳樓船伐鼓凌江湖酒邊向我誇故山令我耳熱歌鳴嗚
遲侯爾勿言且復共飲酒我生夙抱山水癖往曾楚粵窮林藪抵今潦倒
意未衰決策東行定非久胸岡之遊亦何有泰岱雲松落吾手海門虹月
躡飛梁蓬閣烟濤坐虛榻因君寄語大小馮肯同躡屩追從否

賦內閣芍藥

金門柳色繁深綠上苑春餘雜花撲天桃已歇穠李衰紅藥纒堦正芬郁
此花初種自宣皇百曲雕闌七寶妝融風窈窕昭陽殿暖日輕盈白玉堂
玉堂學士看花早賦成芸閣留詩艸卷幔頻看碧霧流揮毫正耐紅雲繞
憶昨宣皇居法宮太平樂事君臣同宸遊每出濯龍裏曲宴偏臨翔鳳中

是時南苑飛霓旌爛熳仙葩綺繡明臨風宛轉如衿妬俯者如愁仰如訢
半沾微雨妖紅濕太真泣凭闌干立至尊一顧六宮回茜裙霞帔俱羞澁
華萼樓頭雨露偏芳容贏得美人憐君恩爲與分春色詔許移來種閣前
閣前複道連金谷翠輦經過幾迴矚內家敕進賞花詞昭容傳制黃門促
沉吟此事六十載當日繁華宛然在緗憶金輿絕幸臨黃扉紫禁留風采
不羨揚州寶帶圍長安紅紫競芳菲五侯七貴同邀賞寶馬香車疾若飛
爭似名花出天上霧閣雲窗儼相向浪蝶遊蜂未許窺酒徒詞客空惆悵
江南三月足豪華繡幙圍香富貴家亦有幽姿在空谷風雨憔悴天之涯
燕山遊子江南客獨對名花感今昔草木何知人自憐逢時亦復升沉隔
世間榮辱偶然事不獨此花何歎息

送待詔文徵仲先生致仕

文星南指斗牛遙先生拂袖歸江臯平原蒼莽晨車發霜天突兀玄雲高
憶昨先生登玉堂千鈞筆力開混茫手翫翠虹霓翰飛赤鳳凰陰崖絕海
垂絢練文章不獨詞林羨琴瑟眞諧清廟音璋已備明堂薦却從綸閣
夢雲林山水長懸故國心燕山東望渺吳越艸堂何處開風月茶磨峰前

綠樹低行春橋畔花如雪杖屨入來續舊游顧吟溪山增秀發先生雅志
追古人有道何嘗羨賤貧平生氣與秋冥迥未肯低眉事要津山巔水際
從自得龍騰鶴起誰能馴我師太常更清真一官白首從明經熾糟湖諫
書三上排紫園釣竿歸抱漕湖濱共爾完名死雙璧況也意氣同膠漆又
夫要自能勇退人生富貴何終極我曹胡爲空役役蟲臂鼠肝爭得失君
不見林屋山人名世才幾幾年爲客鷄鳴臺消夏灣前回樓起木奴千
樹烟花紫主人不來誰對此君歸儻爲寄雙魚好共相邀弄雲水

游大酉洞天

疇昔覽山經名蹟稱大酉乾坤遼闊吳楚長倚劍青冥只翹首誰云萬里
今獨來快意茲游信非偶主人亦清真同余紫霞想旋披榛莽度巉巖細
窺陰洞琅玕長削身初下覺黯黑却立斯須忽與期千年古壁玉爲色垂
乳晶熒翠猶滴仙人去後石函空綠烟銷盡藏書室金燈閃倏知有無瑤
艸紛蕤亂朱碧吁嗟此奇觀乍到神欲竦盤渦倏竇深不測鳴流洩瀨驚
奔頊臨厓拄杖聽猶疑白晝或恐風雷動我從放逐西南阪裝糧備入名
山游桃源偈側嶽麓小眺遠未得開雙眸終然靈境諧夙好造物似爲躋

人謀根盤路轉更礪砢石田如掌琪花韞奮衣欲往心譊然水深泥滑愁
無那何當秉炬破幽暗淨掃雲牀相對坐高秋晴日儻更來待余爲啟青
銅鎖

太息行贈平湖謝贊府

太息復太息悲風動河梁浮雲翳中天白日不回光謝子廬江來修髯宛
清揚伏闕三上書雅道陳虞唐九重天聽高臣愚不自量臣有肺腑言譬
彼俗醫方和緩倘見收足使疲瘵康退謁相國門持書立堂皇卑之無高
論笑爾書生狂歸來逆旅中哀歌不成章顧余伸前議意氣何慨慷聽之
重爲歎淚下沾戎裳紛紛肉食者悅仰隨班行而子飯菜羹抗言一何張
坐令吾徒慚暗嘿中自傷嚴冬霜雪集子行返南疆薄宦棲遠邑別路悠
且長握手爲子言努力慎所將明明闕皇闈元化方日昌嘉謀會當酬良
賢善深藏勢位無崇甲名節要自臧空言顧何施今德有遐芳

憶家君

林若樵云貞山先生七歲時作

白髮人千里朱門月半扉燕山雲去遠澤國雁來遲無夜不成夢有書空
道歸遙憐北風勁弄便寄寒衣

寄葛太守子中

憶爾投荒日依依戀翠華亦知行萬里不是爲丹砂郡古留銅狄堂深繡
土花何須憂瘴癘意遠卽烟霞

送祝參政之雲南

高官仍外省地遠更南荒十月繁霜白千山落葉黃虎應窺日沒鳥亦倦
天長夷落知迎候單車見祝良

秋水亭

夷門秋水亭梁王古臺下臺前舊堤路盡日無車馬

送陳太僕察謫教海陽二首

世情應笑賈生疎諫草誰傳太息書惟有潞河南柳色暖風吹上逐臣裾
天涯芳樹綰離旌遷客遲回戀聖明曉夢依稀度閭闔尚隨殘月聽流鶯

送汪僉事之湖南

騶馬長鳴飲碧流花銀鑲帶鸕鷀裘行人大別山頭望雲外雙旌下鄂州

長門怨

金星承恩事已非玉顏憔悴度春暉無因得似宮前柳時有長條拂御衣

陸秀才采

采字子玄給事中子餘之弟都少卿玄敬之婿也少爲校官弟子不屑守章句年十九作王仙客無雙傳奇子餘助成之曲旣成集吳門老教師精音律者逐腔改定然後妙選梨園子弟登塲教演期盡善而後出性豪蕩不羈困于塲屋日夜與所善客劇飲歌呼東登秦岱賦游仙三章南踰嶺嶠游武夷諸山年四十而卒

遊仙

明車拂天罡白日駐軒蓋招搖舞青霞芝髓滌玄薤仙者四五人黃眉笑相避玉虬偃靈風瑤鞭靜垂帶謂余來何遲羞以盤龍膾雙紫鴛鴦游戲蓬池內靜婉歌未窮兩師蕭歸響望望紅羽旂追之了無際

感事

東城有佳人豔色動隣里家貧寡脂澤不爲蕩子喜終年守荆扉空復憐稚齒煌煌青樓倡妍華詎容比珠綺盛妖惑車馬日如市世事誰不然美玉淪泥滓所以抱石翁含悽自沈水

春游虎丘

聞闔東風楊柳柔萬家絃吹水西樓蘭綈夜逐桃花浪明月歌殘下武丘

十六夜與朱都二子酌月承天寺二首

藍若延佳賞蕙肴留好賓共聽聯袂曲不見折香人僧掃苔間坐雲生頭

上巾石牀渾失寐清照一吟身

絳氣浮芝宇芳風襲芟衣仙游傳鳳吹龍臥淨雲霏片葉浮霜小九鴻貼
漢微此時瞻眺遠直欲攬支機

層諭德應峻

應峻字文升平湖人嘉靖丙戌進士太保康僖公勲之子也選庶吉士出
為禮部主事乙亥詔選官僚以禮部祠祭郎中改修撰進侍讀陞太子諭
德以病乞歸卒年四十三王元美白官諭輝燄奕奕奄忽永終德謝冉牛
因起斯人之歎才同盧照遂借赴水之徵嘉靖丙戌吳士與館選者四人
姑蘇陸浚明袁永之錫山華子潛樵李則文升也已而並除他官浚明永
之以譴謫久廢子潛文升復由郎署改授館職未幾文升病免而子潛亦
被言乞休此四君進退之大略也浚明之撰述希風經濟子潛之岩居寄
託冲雅永之文升並以詞藻角勝永之矜局雕繪響附李何文升之才長

于永之長歌縱橫翾翾自喜顧其音節激昂往往揣摩北地而未必發源
于古人也一時風尚漸摩入人之深如此爲之歎息

高陽行青山先生謫傳保定保定古高陽也于是門人屢應坡爲

作高陽行

君不見高陽酒徒氣若虹酒酣仗劍謁沛公褒衣側注反遭罵詈儒瞋目
稱而翁軍門拾謁使者入塵矛雪足來趨風儒冠自昔爲入下豪士勦勦
走中野公卿半屬舞刀人塵埃誰是彈冠者侯門幾幾仁義存金貂白玉
多殊恩九達車馬若霆擊中臺咳吐如春溫丈夫風雲不自致寧能啗嚙
齷齪趨華軒菁山先生真崛竒文章重世光陸離懸黎結珠世莫識陽春
白雪和者誰憶昔予爲門下士諸子森森並蘭峙白晝行歌秦駐雲醉後
清心越溪水卽今已及十餘年人事升沉豈堪紀鳳儀未上金門書呂生
尚曳東郭履逢掖雖負鴻漸翼失勢青雲未能舉去年有詔收駿骨霜蹄
十蹶始一起先生豈是百里才驥伏鹽車垂兩耳幾年臥游湘水東洞庭
雲夢清若空青醴管管止業棘白露晞殿摧孤桐長安春半氣猶烈上林
木木柳條折潞水方舟不得行匹馬蕭蕭踐水雪高陽客舍行人踈糜珠

斧桂爲晨舖天寒首猶芽未茁夜深懸巖時相呼鶴袍諸生半僵臥玉署
談經能聽無君不見黃金我我千尺臺昭王樂毅俱蒿萊漸離擊筑已絕
響荆卿易水歌空哀吁嗟乎人生得失何須數尊前俛仰成今古時來北
關擊金魚鱗去南山射益處

送林僉憲汝雨兵備潁州

虛庭落日明嘉林薰風吹我堂上琴故人言別赴河潁使我不覺生離心
援琴欲奏商聲沈感時懷昔多哀音憶昔與君同侍輦奏書朝聞夕稱善
扈聖親登太乙壇承恩數奉甘泉宴須臾雲雨各西東北風栗烈南飛鴻
君度石梁看曉日予隨蘭省臥秋蓬故人才高人所羨飛藻如烟燁如電
建節鸞臺日月懸橫經彤署星辰爛寒霜飛空淒北堂三年入謁來明光
此時正奏甘露至金莖不動天風香露乳聯珠瑩飛雪松雲晝開暮還結
故人新自故鄉來應飽瑤華弄松月夜談坐聽填填雷驚霄碧玉翻空摧
閉門共讀祥異志出門向人還語誰九達車馬朝來會共議明堂艸書對
近臣新冊定陵功常侍總承開府貴君不見人生得失難自量天道盛衰
寧有常朱陽受節蘭蕙芳零露夕變兼葭蒼時來立取封侯印老去猶爲

五車言身丁三
執戟郎又不見披裘採薪登后車
空篋在御朱桐虛歲歲南山叩哀角
年年東觀著遺書
君行梁臺度潁水
梁苑蒹葭夕烟起
汴水微茫畫不分
惟見邨原暮雲紫
鳳城東山龍作盤
萬年陵闕天南端
黃河千曲淨迴練
蒼崖百疊鶩高鶩
此中騎士俱羅虎
故人有文兼有武
嵩少雲生拂羽旂
淮海風清雜鉦鼓
煌煌絳節坐臨戎
俎豆長垂曲鉉功
縱使沙塲親校獵
絕勝芸閣賦雕蟲

太乙壇歌

太乙壇高凌紫氛
宮中夜夜延神君
金盤千尺瀉朱露
莖臺五色飛龍雲
揄鐘鳴鼓邀百祥
回旌駐蹕瞻景光
石檢親封綠文闕
河圖著紀赤符昌
九華燈明列星爛
八變樂終萬靈見
至尊端笏禮中天
北斗垂芒指前殿
皇皇圭璧奠甘泉
奕奕樓居通列仙
侍祀獨有東方朔
登歌新協李延年
白茅授冊侯五利
青鳥銜書作前使
貝闕徘徊河漢沉
絳節繽紛王母至
武皇北面來相迎
稽首至道聞要精
能驅三尸鍊五魄
可以閱世爲長生
帝聞斯言再拜受
宴罷言歸樂無有
祈年何必汾水陰
無爲自享南壽

送陳約之謁祀孝陵

萬歲橋山路三春草木青乾坤黃鉞在風雨翠華扃北極通群帝中天
百靈當時貌虎佐一一屣青冥

甘露寺次韻

甘露千年寺羣公攬轡過樓空吳楚盡江湖雨雲多歷氣連蒼海琳宮隱
碧蘿更聞幽絕處白日走龍羅

病中柬張郎中泉

閉閣經時思悄然綠階芳草欲芊芊啼鶯日送千門曉官樹晴含萬井烟
東第綺羅淹白晝西園桃李照芳年何時試共張京兆走馬章臺垂柳邊

遊城東觀

病起尋遊強杖藜琳宮寂寂枕迴溪繁花向日俱宜笑幽鳥逢春各異啼
雲滿客衣庭樹合氣薰山酌芷蘭齊郊行亦有桃源在明日重來路不迷

春日過瀛海公第有感

千家樓閣映朱軒猶見沙堤接禁垣有劍只慚吳季子無人重過趙平原
花明戟戶春常寂鳥識雕楹書自誼試看五侯歌舞地玉臺金埒鎖黃昏

再和嚴用公詔賜直學有作次韻

台垣奕奕紫庭西地近蓬萊瑞色齊雙觀月臨鳩鵲迥五樓春見鳳凰棲
層霄夜永傳仙漏中使時臨揀御題爲識履聲天上聽錦袍猶有異香携
袁僉事表

袁字永之吳縣人嘉靖丙戌進士選庶吉士會有詔翰林官並除郎署授
刑部主事改兵部上官未幾兵部火下詔獄謫戍湖州會赦歸以薦起補
南職方員外郎出爲廣西提學僉事歲餘移疾乞休尋卒年四十六永之
七歲卽能爲歌詩讀書中祕博習國朝典故歸田後讀書橫山別業著皇
明賦寶吳中人物志甫脫縶而卒伯兄表仲兄聚皆博學多藏書子尊尼
字魯望嘉靖乙丑進士授南禮部主事歷考功升山東提學副使好學能
書有集十二卷

大駕視牲南郊

大路調仙馭朱旗列禁城帝牛三月繫田燭九衢明日並龍旒出山將綵
旄迎橫汾甲漢詠禋祀秉皇情

大明門候駕

虎旅驅中道鉤陳警六飛園丘群望畢宣室受釐歸旭日迎芝蓋晴雲拂

羽旂笙歌前路擁拜舞接光輝

白柳至平樂書所見四首

象郡極蕭條賓州頗沃饒
趨虛多醜女互市半良獠
箬屨擯御黃花粧紫
荇嬌螭軒叨使者異俗采風謠

滕峽韓丞績崑崙狄帥功
左江仍略定八寨未全通
舞劍痕家健轡弧達
舍雄盧蘇誰養寇何事枉姚公

鬱白方言似潯梧瘴氣賒
蝮蛇晴掛樹射蠟畫舍沙
屋覆湘君竹山紅蜀
帝花夷堅收未盡博物待張華

昭平灘險惡最險是龍頭
藥弩絃齊鼓銅刀鞘屨抽
紅巾翻把監白晝競
釣舟倘得山韓將孤群豈足憂

楊花

點點飄仍聚盈盈密更稀
輕窺朱幌入亂繞玉窗飛
雪作漫天舞春從杏
地歸章臺無限恨零落竟誰依

燕

最愛堂前燕高飛忽復低
趁風穿柳絮冒雨掠花泥
簾影朝雙舞梁塵晚

並棲綠窗離思切腸斷各東西

秋興二首

金陵自古帝王都太祖開基孕寶符王氣千年盤日月山河百二擁荆吳
宮城曲抱秦淮水寢殿平臨玄武湖寂寞遺弓龍去遠宸遊今日自歡娛
仙仗行宮舊內居花間往往駐鸞輿徒聞漢帝橫汾曲不見長卿諫獵書
天子射蛟開水殿奚官牧馬遍郊墟蒹葭首宿秋無限悵望烟雲萬里餘

長干曲

停橈暗相語妾在長干住郎亦秣陵人便可同舟去

西廂詞

秋雁集復飛寒潮明更滅日暮風起時蘆子花如雪

金陵歌

夾岬垂楊起画樓秦淮烟浪接天流朝朝桂漿來江口夜夜蘭燈集渡頭
花發臺城苑殿荒六朝遺事使人傷翠華想像宸遊處碧草萋萋路長
附見袁提學尊尼

春暮

乳燕流鶯相和鳴曉風吹滿送春聲
桃花落盡千溪煖柳絮飛殘幾樹輕
紫陌青驄回首恨朱簾粉面斷腸情
少年已去如無及爲語游絲莫說羞

華嚴學寮

察字子潛無錫人嘉靖丙戌進士與吳人陸粲表表層層同館並有才
名選庶吉士當軸者不說出爲戶部主事進車駕郎中再召入爲修撰遷
侍讀學士掌南院以給事御史論罷家本素封罷官里居修其業而息之
田園第宅甲于江左食不三豆室無侍媵其儉約韋布如也詩名巖居稿
王道思序之以謂意象之超越青韻之凄清不受垢氛而獨契溟濛若木
居草茹隱遁棲息者之所爲言非世人語也王元美亦稱之曰刊洗浮華
獨見本色清淡簡遠遠勝玉堂之作

過烟水莊

垂楊蔭平田湖畔多苗畝茫茫烟水中結茆成隱居閉門閉白日密竹臨
清渠行隨溪上雲儼枕牀頭書客至時命酒與來兼捕魚願言托幽跡卒
歲同樵荒

晚至湖上僅初和韻

山中讀書能來慰
登湖濱綠陰暗溪路
草堂靜無塵平生滄洲意
烟波夢垂綸石梁度落景
花清藏餘春閒情狎魚鳥
悠然適吾真雲天澹晴
霽空水明衣巾未遂乘桴願
徒懷江海人

登觀樓晚坐和僅初韻

晚色登秋林霞明映山翠
食舟事風興與氣醒
綫醉空霜日夜繁坐見木
葉焮天高宿霧收白雲出
平地初日照重巖寒流響
虛隨景物清心魂冷然起
遐致

秋夜送戶部家叔登黃阜

離亭對衰柳落日送行客
秋聲在孤嶼興來恣探陟
臺殿澄夕陰明燈照禪室
夜靜山月高潭虛映空色
水鏡清道心超然垢氛滌
浮雲亦何意聚散隨所適
風葉逐歸蓬霜空起寒笛

秋日觀稼樓晚望

日出天氣清山中帳幽獨
登高一眺望風物淩以蕭
流水映郊扉炊烟散林屋
秋原一何曠薄陰翳叢竹
時間鳥雀喧因念禾黍熟
悠悠沮溺心千載猶在目

五月望夜與諸君山中再酌和儻初韻

仲夏苦晝永薰風起將夕回景海上來照此山中客坐令微暑消兼使衆
累釋興至時命觴露下復移席因枕水竹居遂同魚鳥跡盤遊豈忘返
物聊取適臺空人影踈夜靜潭氣白參差樹杪峯歷歷辨咫尺超然悟真
境萬物一虛寂

山臺晚望懷儻初不至和姚山人韻

初日照臺上興來成獨遊天高宿霧盡木落空山秋
曉色侵殘嶺新寒上故裘吳門隔烟水悵望空悠悠

惠山寺與子羽話別

看山不覺暝日出禪林幽夜靜見空色身閒忘去留
踈鐘隔雲度殘葉映泉流此地欲爲別諸天生暮愁

呂禹城見過

直道多見黜故人俱罷官偶來棲隱處一盡平生歡
日暮鳥飛疾雪晴山氣寒相過寧厭數晚論交難

與儻初再過任大理別墅

漢南讀書處秋晚數經過
寒照隱城樹蒼烟深壁
蘿窗明山翠近地靜葉
聲多叢桂空巖春徒懷
招隱歌

夜宿田舍

郊居觀穫罷
暝色滿荆扉
歲事山田薄
人家節屋稀
荒原寒照斂
獨樹暮禽歸
夜靜然燈坐
高窗黃葉飛

與僮初過思問艸堂

繞屋藝桑柘
何年此卜居
山齋客到後
村杵飯香初
已是相過數
猶言喚會疎
坐看新月上
黃葉散寒墟

夜訪金秀才

獨夜山陰客
停撓江月斜
溪深聞犬吠
葉盡見人家
荒徑存生事
寒燈映異華
坐看霜氣白
宿雁滿平沙

答同年李仁甫寄點蒼山石

故人消息阻河關
萬里題絨淚欲消
雲寄道心將片石
月隨清夢到蒼山
詩成却笑窮途拙
身退猶憐老未閒
悵望昆明池艸色
春風南雁幾時還

寄同年陸給事

著書經歲掩蓬扉江左才名重陸機宅近寒塘黃葉滿窗開遠岫白雲飛
山中春艸輕朱綬夢裏焚鍾鼎爾爾自惜登荒投竄後至今朝省諫書稀
王僉事問

問字子裕無錫人嘉靖壬辰進士擢第後歸里讀書六年然後廷試釋褐
除戶部主事改南職方以便將父歷車駕郎中擢廣東按察僉事行至桐
江徘徊不欲去筮得甘節之卦賦詩十二章投劾而歸父歿遂不起築室
子湖濱寶界山焚香讀易興至則爲詩文或行艸書數紙或點染竹石花
鳥不矜研削用自娛說年八十乃終子璽亦舉進士以武定州守遷稽勳
郎子裕趣令之官璽月日爲治裝計故爲事失期而要諸父老故人前謝
子裕子裕乃聽之亦用清望官至太僕卿子裕自言願屏居三十年讀盡
天下有字之書誤述以畢志強仕歸田四十年杜門掃軌卒行其志同時
華子潛爲五言詩步趨韋杜而蕭問踈放冲然自得則子裕之詩有餘味
焉惟其有之足以似之豈不然哉

楊村驛與鎮山乘燭言懷

北路饒長風方舟成奄泊遲遲迤路亭瀾瀾活水曲辛勤洲渚間委心在

行役俱抱虛曠懷已志在空谷幾和無停軌已事如轉瞬女虛猶爲謬而
泥犯人哭嘉德爲我憐良晤行可續勿忘秉燭言晤首以自勗

將至徐作

平生秉微尚況是多疾弱冠弄柔翰名忝薦賢籍駐歸班生虛無事纏
胸臆閒居五六年門無車馬客親友勸我出結束赴朝列驅車入市門悲
鳴衢路側回回歷三春僂俛就茲役於心已不較亦復滯文墨幸存昔賢
軌吾願自此畢

恭謁孝陵

皇祖仗黃鉞奮起逐天狼腥風一以蕩功烈冠百王明明二三臣規畫參
世綱關石與和鈞仰成維後皇神京控六服松栢儲學岡一朝鼎湖升珠
襦永斯藏玄居肅休穆瞻禮度弗遐小臣守末位願言觀耿光

與諸從游登燕子磯

西曹日休暇出郭借所飲朝雲結輕陰微雨灑樓冠歷石乃澄霽始憚昭
曠觀隔浦淨風烟上流明百嶺回眺都城壯皇圖正全安列堦廓一營軍
輝靜江干將軍肆高會虎士有餘閒智者見日中君子防未患吾無東山

略能不懷素餐

關軍後坐憑虛閣

崇壇建牙旗虎帳羅千將甲士旣森列車騎亦騰驤廻翔雲鳥合翕忽風雷張軍容雖具陳疇爲選其良閣中見雙闕省署鬱相望憶昔定鼎年我武正維揚亦有能熊士勇略靖百疆今時且寧謐所志在張皇秩卑力不任憑欄虛感傷

元夕

南國有時雍共此清夜娛傾城出遊觀士女寒莊衝燈火九霄通綺統三市俱就中誰最奢五侯聲價殊過門誇結乘入市耀先驅邀賓高堂上酒漿盈玉壺燃燈如日照耀紅氍毹歌曲繞飛梁舞者名都姝中厨薦豐膳握下秣華駒清漏漸向盡但樂不知徂

宴徐將軍園林作

白日照名園青陽改故姿瑤艸折芳徑丹梅發玉墀主人敬愛客置酒臨華池階下羅衆縣堂上彈清絲廣庭薦庶羞艷舞催金卮國家多閒暇爲樂宜及時徘徊終永晏不惜流景馳

涇上觀菊

涇上一老人愛菊如愛稼踏葉到林丘散襟茅茨下青柯吐芳英采采漸
盈把睠言五色姿陽春似相假晚節良可親予懷自舒寫有物苟會心那
辭在荒野歲晏不可留柴車風云駕奕奕車馬客誰解閒行者

甘節堂作

思彼京洛間田實勢莫倫托婚椒蘭殿甲第上千雲晝日再三接廣衢
朱輪傾城威來趨碁履填高門委心事罄折願假一顧恩一舉起窮廢榮
枯立可分誰爲脫屣人清風振高旻長誦婦去來甘心守柴藩江東與粟
里千載此道存

抱一廬釋志

上古一真人容若春華敷憂樂通四時動止常于于登高靡爲慄入水不
能濡問之胡能爾涵神同太虛下士晚聞道山中來結廬苦茆蔽風雨斬
荆榛爲樞變形寄虛榻闔戶動旬餘寒梅倚清豔素心自如如情知無因
觸悠然返其初

湖莊觀穫

清川泛舟與輕颺動微波霜氣日夕寒歲暮
巖阿適觀湖上媿子婦紛
取禾廳婁盈筐箱比屋廩嗟峨醕酒燕鄉社擊缶笑以歌仰荷皇澤早
得謝鳴珂絕軌車馬途何由逢轅軻優游養餘齒但願豐年多

南莊觀穫作

酌酌涇上田粒養歲所需龜勉事朝夕聊爾謀一盂歸來已十年取足不
願餘澤澤稼事勞念爾苦沾塗予也觀厥成嗣彼荷篠徒四體不常勤而
有此康庾長日茅茨下擊缶歌易易上以供柔盛下以奉親娛以惠我周
親布德邇比閭

緒嶺下弔施子羽

逝者終已矣存者日以衰秋風感人情胡能不悲思胤子至我前楚楚有
令儀謂從嘉祥月奉君掩蘄裡托體青山阿夜臺闕音輝昔君常相近今
者隔泉閨隴下一杯酒酌君詎能知

南莊示子姪

歸來南城隅幽懷似堪寫言有二子俱豈謂儻侶寡庭花發故叢新雛鳳
舊瓦日抽架上書方春已徂夏出戶更蕭散矚目向平野人耘舍北田鳥

泛青蒲下喬木陰古臺長日自休暇吾自愛吾廬非因傲世者

齋中聽談琴師彈歸去來辭

間齋白日靜時至變鳴禽凱風來自南飄飄吹帶襟談師本道流窗下拂
素琴歷歷七絃上冷冷發清音唯有歸來曲可以寫吾心

夏日洞虛道院樓上示諸生

炎月苦不輟暇日登茲樓高棟多涼氣戶牖闢四周俯檻見方塘淵然與
心謀游魚不驚人藻下自沉浮自予棄簪組簡牘寡所投承謝車馬客澹
然無世憂溽暑自昏劇吾意良悠悠偕汝二三子常得來宴游

禪悅院與葉殷二生

暇日自娛樂步入西山中山木敷清華群卉亦青葱僧堂書逾靜閒齋來
清風吾子事幽討墳典歷三冬豈止別同異亦復求其宗聖家設堦組纓
下盡才雄莫負今所學肉食但懷榮吾衰久無夢晞髮滄海東

樹下課諸孫

茅茨寄荒徑獨有嘉樹存藏書子能讀復以訓諸孫義孫（名）新（名）頗將孝
理敦道孫誦大學路孫初學言言念里中兒爾復但知恩漸次長驅傲恥

儻難具論寒性厭華綵嗣引希後昆植爾守純素顧名思默潭

山中贈友人

情性各有營繫予在山木昔出暫相違今茲返桑里鱸鱖正鮮肥扁舟自能理與君衙門下行歌互相倚下渚亂鳧飛湖中夕風起

涇上與田父言

歸來茸舊廬場圃向東阡聊爲卒歲謀耕鑿自年年充腹不願餘短褐庶自完涇水饒灌溉自足涇上田田夫就餉罷樹下來憇眠震霖甘雨後話歲共忻然

自述

老氏之流沙莊生遽然臥寥寥宇宙間疇能體純素大道本無垠陰陽互爲戶有欲觀化樞無名探氣祖心生如有因亦復爲心誤少小涉人塗躔躔半生度終將契玄虛愧此衰年悟

溪上送陳生游湖湘

故園足棲遁况值秋風時溪鳥日來去竹露光參差與君心境閒可以彈素絲大雅久不作高音諒難知飄飄岐路間日暮寒猿悲車輪無停聲漸

蓬空谷姿

早起聞雀聲

朝聞寒雀喧薄暮亦來歸鳴啄自無患叢竹欣相依涼風吹衡宇明月照素帷寄傲此窗下太息往事非今茲已息交門外車馬稀慰我開居夕歲寒良不違

洗桐

梧桐生高岡奉養胎夏陰挹取葉上露爲予洗其心有時藉稿君閒情寄徽音何以報爾德激泉濯朝林永日影相對勿使塵澆侵

往山舍值雨不得至

輕舫遲出溪玄雲黯如墨牽彼溼水涘霖霖涼樹積湖口跂予望瀟瀟浪花白鬱哉西山岑雲林坐相失悵然命迴棹乃與初志別契契終有懷撫事重歎息

寄贈華鴻山學士

憶昔步微省羨君專白麻自君解龜後並藝東園瓜湖上偶相見閱茲三歲華阻廬依巖竹自比顏闔家閉門常覓句幾度落藤花

湖上

山水多清賞，幽情更間適。歸來慰夙心，湖中趣非一。窮月微苦風，蘆葉鳴浙浙。儵魚水上潛，羃穴丙尾集。裘笠在扁舟，偏宜釣寒雪。

呂道士樓悵然有作

洞府湛清虛，樓居鎮常寂。髣几檢道書，露臺點羲易。倏爾四十年，重來感陳迹。落日照軒楹，分明覩疇昔。玄侶故相知，常得分講席。向予展殷勤，往事猶記憶。爾顏向衰槁，黃白竟何益。別去一潸然，遙天度雲碧。

送陳鳴野還稽山舊廬

溪上與君飲，卽從溪上歸。溪雲向暮生，飄飄隨君衣。淼淼越江渡，遙遙想容輝。草玄心自苦，常掩子雲扉。

贈山陰陳海樵

十年製一芥，三日採一薪。白石自堪煮，赤松爲爾隣。入市嘗聞卜，移家非避秦。獨乘遼東鶴，高揖謝時人。

山中卽事與陳山人

月下獨乘舟，訪君南陌頭。松門尚未掩，移棹向中流。吟弄歸艸堂，君去予

自寢明日携酒來選期石上飲

山中徒寒

居人忘歲年忽聞寒風發晚起衣裳單呼兒理新衿香秬應時刈壤室初
置甬一飽仍偃臥山中意已洽

落葉

枕上聞朔風夜半聲策策曉來繁林空落葉卷庭石乘運固其然芬菲豈
自惜悟彼婦根言獨與至人說

山行阻風宿湖口

早從泛舟役湖水白瀰瀰山程無喧呼沿河摘芳芷風水無常期扣舷亦
自喜向晦焚膏油獨臥深葦裏

與揚世卿徐顧二生至寶界山居

遙水映微旭濕雲猶在山幽居隱深谷空濛烟樹間歲序忽復變樵歌常
自聞與子不忍去躊躇暮方還

雨中懷陳山人

冥冥濕雲流漠漠飛白鷺寒生湖上村雨暗山中路瞻彼空谷人纏綿結

中慕悵望松嶺東沮洳不可度

自山中泛湖歸

登踐窮幽深下山日已晚餘照留青蘋
歸雲度蒼嶽對此生遠心返棹意
自緩川塗風浪平沿流弄清淺

洞虛錢道士樓居

涼風動高梧登樓挹清暑於心無所營
永日自閒處流雲生遠空當晝忽
微雨江禽帶濕回枝上相對語

雨後喜楊世卿至

夕陽移成暑一雨遽微涼琴書忽無緒
繩牀幽夢長草徑暮生霽客來還
命觴簾帷逗踈影竹日含蒼蒼

始至山家

斜日暈西嶺林影初在地鷗散曲湖陰
鴨眠莎艸際風急露蟬沈徑紆竹
門閉豹脚飛幽房山獫賈中吠

江郊

江郊四月時蠶老麥始熟隔竹啼青鳩
遠邨出黃犢臺上夏陰濃護田溪

水綠徑畔無人行，鳴雞上墻屋。

觀束薪

山椒露未晞，松約多樛枝。林疎古苔出，錯愕雲根傲。坐此觀捆載，落日樵腹饑。歸爨秋籬下，薪濕烟火遲。

悵陳山人不至

寂寂復寂寂，山深無行跡。有客期不來，值此風雨夕。齋中闕晤言，陰蟲鳴四壁。出門還入門，黯黯燭光滅。

雪泊溪上

乘輿晚出溪，雨雪暝前路。遂違青山期，繫船溪邊樹。柁櫓時一鳴，歸漁投凍浦。晤言夜未央，蕭蕭燭花吐。

東郊見故人

筇與出東郭，青陽應初候。融氣薰林臯，靈風在襟袖。行至野田中，角角聞雉雉。偶見支願人，執手歎耆舊。

早秋溼上作

茲晨暑氣平，溼上自容與。返照入柴扉，蟬聲在高樹。溼水靜不流，蘋花發

西渡五湖秋色中欲乘扁舟去

越女辭

盈盈越川女川上採蓮花花深隱紅妝輕風吹臂紗花葉亂零亂隔浦弄
明霞日暮獨歸去雲門是妾家

吳姬

少小入金宮
鞞如芙蓉姿
明晨趨蘭殿
暮歸華清池
零露淒皓腕
弄波月上時
芙蓉卷秋水
幽芳良自持

秋陌

蕭蕭彫枯楊
城門飛黃葉
客子衣裳單
陌上饒風色
艸短思故園
芳歇聽鷓鴣
悲傷搗衣婦
亂砧響寒月

臨高臺送喬景叔之金陵

臨高臺瞻帝里
五侯七貴歌
鐘起陌上黃塵飛
塞天大車央
央續車前朝
遊聞鷄坊暮
入長楸裏
少年寶劍青
絲囊錦帳如雲
百餘里
臨高臺歲將
暮西風川上
旌吹向維揚
渡金陵艸色半
青青檻外長江
百丈清
白鷺洲前官舸發
石頭城下暮
潮平回眺維
城中萬事子
何有身上鷓鴣裘
可換

新豐酒爲予買却清江槎逢君須及白門花江上蓴鱸秋更美早看君去
倍思家

白苧辭

吳姬將白苧裁爲歌舞衣燭花銖銖夜凝輝玉織停絃寶瑟希舞筵絡繹
錦匝圍掌中參差燕雙飛吳王正擁西施醉月落江波未放歸

翠翠辭

翠翠復翠翠雙飛亦雙止西風吹老芙蓉枝水冷河清魚不起朝從南海
去暮仍珠樹歸娟娟波心影飈飈身上衣今日沙頭忽不見點上吳宮美
人面

閨情

月隱雕櫳光有無刺繡沉吟棲鳳孤空牀淒淒湘簾冷愁心斷續隨金壺
妾容誤比春花色朝來擷錦暮飛雪留將鉛粉待君歸金鵲臺前不自識
樊川馬州堂雪霽歌

太白樓前風獵獵驪駒營中凍旗立岱嶽晨光結作霞綠野雲開雪在沙
司馬碧油寒未起日射轅門虎士喜新從淮蔡破虜蹄擬將銀甲天河洗

露黑歸野田苗稀黃雀飛今年縣官復徵稅城下相逢只垂淚

海鶴行贈陳少嶽兵憲

九月十月天有風江門萬里吹雲空霜寒草枯野火滅雉兔飛穴原田中
韞上蒼鷹卸繚繞目睛滾粟勢力雄橫霄電翻曙色下捎平爾吻血紅
君不見汾陽令公今在朝兩河兵甲不敢驕又不見白衣將軍世莫比纔
脫兜鍪勞夜徙何況區區東嶠夷朝食卽爲齏粉期仍將大勇存恩信載
戢干戈包虎皮

官軍來

白鶴鋪前沙日黃湖渚草長倭走藏柘林舊賊驕不去新船正發南風狂
寶帶橋西蛟起舞白石山邊逐虜虎湖南六郡多旌旗賊勢西來疾風雨
城頭戍鼓聲如雷十城九城門不關封羊宰牛具宿酒日夜祇望官軍來

副兵行

銷鏡鑲鑄刀兵何家丁男縣有名客兵貪悍不可制糾集鄉勇團結營寧
知縣官不愛惜疾首相看畏占籍奔命疲勞期會繁執戟操場有餓色星
火軍符到里門結束戎裝蚤出村將軍令嚴人命賤一身那論亡與存保

正同盟衛鄉里何期遠成英淞水極目沙塢白骨堆向來盡是良家子

楊山人尋仙歌

鬢髮盡白雪垂肩玉顏拋花如少年人言世事不對坐中往往愛逃禪
一朝尋仙遊五嶽踏穿芒鞋不停脚朝登快閣挹流霞暮宿雲房搗靈藥
會言曾見裴慶父棄妻走入真人府臥處岫深三尺餘每入空山騎饑虎
陌上忽逢銅鼓張一片青氍單掩陽暝啼巖洞抱龍宿腥涎滿身間異香
大嶽人傳大造化夜走深山及奔馬人問真言一字無只把圓圈手中画
後來作者張雪樵雪山枯坐影蕭蕭自云參透元宮事已見三花頂上飄
龍宮主人楊伯雨尙精煉形如處女百尺梯橋萬丈潭携至希夷講經處
七星巖下張光明施藥端來眼倍青怪松無枝洞底黑日自鞭龍上太清
大聶小聶見最晚氣爽神清意誕散半榻山雲下卷書相過一飽黃精飯
歸來招予早避名人間寂寞道初成盤陀石上踞跌坐固守虛無專養嬰

洞虛道院訪鶴山道士

洞虛清寒十二時絳樓飛幙鎮長垂庭中撼撼卷風葉玉露彫落青梧枝
身騎飛龍逐流電聞君文法通明殿萬里雲霄鶴一聲夜靜啼來月如練

彼倭行

去年倭奴劫上海今年釋騷臨姑蘇橫飛雙刀亂使箭城邊野草入血塗
五郡陳紅王外廩洪武以來無一警自從妖嘯失農耕伐鼓敲金窮且瞋
四月五月圩木平吐丁悉索驅上城官軍豈無一寸鐵坐勸彼倭來橫行

潘海癡

潘海癡髮離披行年五十而無雌踏伏燒營賊皺眉口不要賞索備醢三
千廣兵帥者誰錯金刀頭市上婦射雉城南夜黑歸大呼城門將吏欺歲
給巨萬奚以爲

芳樹

園中芳樹靚粧春駐拂檻臨池雜俎新佳辰常與東風遇樹下雙鬟雪霧
綃濕紅新暉蓄薇露珠箔銀牀獨自棲陌上才人暗相許祇愁花信妬風
多曉來忘却啼鶯處

固窮居士歌

居士幼哭父失聰長拙生理以善楷法游於貴卿之門嘉靖己未年六十
爲作是歌

固窮居士黔婁風髯毛毯兩耳聾人言世事不可對耶俞一笑輕責公
邑中昔日連雲第荒井今朝艸不雜落日蕭蕭院壁空凄風入欄花委地
因窮居士心悠悠暇日常穿敝袴遊人生取足一飽耳何必營營執筭蓋
贈俞憲部謫武昌

送子南遷路悠悠遍歲除遙看掛帆處常是聽猿初漢口故人遠荆門古
樹踈茲行獨有詠須寄武昌魚

蔚林州

舊編蒼梧郡今通南海軍峒中風轉惡嶺外氣全分怪蟒呼人姓陰蛟吐
瘴雲夷歌起樵牧幾度隔墟聞

雨夜懷歸

秋雨入幽壑墻陰稿亂蓬旅人淮水上端夢雨聲中水隴稻梁熟山園橘
柚紅竹深開詔徑還與去時同

久雨新霽訪施子羽洞虛道院

迢遞思君子春晴坐絳紗回風淒徑竹積雨滯林花落日過仙院吹笙隔
紫霞相逢不盡意一倍惜年華

與客夜登開利寺觀鵝亭

野寺寒雲外，僧傳晉永和。逢君非有約，踏月偶相過。廢沼水枝淺，荒亭霜氣多。懷思倚欄者，書罷獨籠鵝。

山中晚歸

早從溪上發，暮仍溪上歸。每共漁樵話，莫言儔侶稀。高松延霽景，殘日下山扉。回眺徑行處，蒼蒼在翠微。

漁舟

出郭盡漁家，家家飛棹花。溪鯖酣漲水，村罟上浮槎。近墅戎戎亂，衝波片片斜。予非羨魚者，相伴立平沙。

過府博舊舍

不見侯門護，言過水曲居。門仍舊時竹，壁有故人書。稚子能留客，閒庭只種蔬。登堂一灑淚，尚憶夜相於。

大司馬統師至姑蘇久早霖雨適降

方召佐周宣，王師動以天。式瞻靈雨降，恰在福星前。殺氣窮桑海，華滋潤
羊田山。農有謠頌應，並凱歌傳。

謁功臣廟

濟高崇廟貌階下禮元公佐聖恢皇造同心績武功喬封垂帝德歲薦啓
祠宮會覩過周歷棲神萬樹中

宿莊嚴寺與僧

落日荒江外春風野寺中逢心無定着萍跡任西東近墅鶯猶澁繞隄花
欲紅惟應把明燭一宿與談空

九里溼懷陳山人

搜搜風塵後重來溼上官門歸寒木次秋盡葉聲中歲序忽復暮幽懷誰
與同恩君西竄下蓬戶掩深松

聞警

皇家設險在居庸薄伐誰當上將功胡騎盡從青海至邊烽遙傍黑山紅
薊門羽士頽新竹遼水徵書下朔風聞道移營向山後可令堅壘白竿東
顧影自歎

幾番夢裏脫根塵覺後翻嫌再有身今夜月明還在地任渠明滅影中人

春山獨步

春深原樹綠初齊
山擁芙蓉水漫溪
獨自攜筇上山去
小亭猶在萬峯西

贈吳之山

城拆聲悲月未央
江雲初散水風涼
看君已是無家客
猶自逢人說故鄉

春日江上別梅屋

敗葺桃開楊子津
蔡家洲上獨傷春
客懷欲向愁中盡
又折殘花別故人

施縣丞漸

漸字子羽無錫人以諸生歲貢授海鹽縣丞尋罷去歸老蠡川田舍子羽釋年從從父之官平樂過楚紀行詩有云巴雲青洞庭郢水寒夢澤又有千里月明來楚峽五更猿斷憶巴城桃花浪澗三江水楊柳絲長百尺樓之句邵文莊激賞之曰風雅之流也平生安貧樂志爲詩不驚浮華刻意磨洗評者以爲如春竹積雪寒松浮翠又如寒雅數點流水孤村其卒也華學士爲詩哭之云憐君家徒四壁立中歲罷官常不給生前獨行殊寡諧歿後遺文更誰輯蓋其詩與其人約畧相似云

示兒陽得

喟然寶琴書白日閒
如此共以蓬蒿身
相去南北里高樓多遠心
流雲過

如木有意不能言悲來但思爾

晨起行園治蔬

處痾情方愆覽籍亦焚結止跡丘樊間喜與荷鋤列晨星沐未遑周茸幸
餘力夙英始斂華密露若瑩雪齋趨感離歌鵬鳴及幽月萋萋瓜畔空厭
厭豆畦歇觀化有消虛徵情旣伸屈庶幾東陵隱豈伊公儀哲永此藿食
資耕鑿藏吾劣

初夏田居偶言

乞身去賤吏縈慕非所關此形諒偶寄乘委須其選出間理初務務畢仍
自閒類器惜無酒開尊聊怡顏高舍迎新枝輕雲投前山俛仰一如此勿
云時命慳

齊中雨歇自述

高窗晦積雨連晨娛篇映耽慵情方宜嗜寂意尤密風乘闥條變溜濕階
蔬蕩宿陰漸已收幽禽時唧唧隱几欲忘言斜光透雲日

晚步池上

弄翰乘暇日池上步迢迢寒魚翻在藻落葉亂鳴條流序忽如此寸心久

自要蓬飛定有止意遠不嫌搗常念沮溺並躬耕越獨超

贈金山智公

四顧水皆繞所居幽出塵齊鎮不到岸漁火自來隣心共寒潭徹經翻貝
葉新住山知有道一叩了無因

冬日游天竺寺

緣湖始忻往遐覽歷幽尋山到不容路雲藏猶有林塔前寒湖落榻下白
雲深積雪千峰裏寥寥然空世心

靈谷寺善上人誦經處

釋子豈不見持心世絕無悟因諸部入定似一身枯林霜凝香氣山光積
坐跌寥寥然斷塵伴惟與法王俱

病移南窗下作

南窗堪處嘿病裏率天真靜閱莊生傳罔觀物外身踈槐千點雨返照滿
衣塵何事常留此東林謝主人

答王仲山見訪溪上田居

同歸五湖住一水見君家漁父迷初路居人認落花饗食多種菽爲圃却

宜瓜共是裘羊侶往來忘歲華

自耶趨歸荆溪口作

父客不得志束裝歸舊山休爭逆旅席早覺主人顏意比溪雲懶形同秋水閒
蜀中相共笑揚子又空還

父雨齋中志靜

深似山中住偏多風雨時
替稀出谷響葉暗到門枝
老氏但柔氣愚公寧有知
迳然習已父不自覺春遲

自白氏別業歸齋中

自喜茅齋僻經時
艸木深見人稀
倒屣抱膝或長吟
踈雨喧庭雀
閒窗澄夕陰
會心方在窠
碌碌豈知音

暑中閒述

宿雨未爲深晴光已滿林
微風松際歇涼雷竹間沉
地僻容身散交疏少
物侵常嫌子桑戶
今日廢衣衿

冬日溪行尋唐荆川太史

野水將孤楫晴天霧半收
寒禽自向日殘葉尚如秋
好道寧辭晚謀生豈

解愁思君時一見猶免失東丘

再和補葺新正三日同往山中值顧憲副

孟月逢春早時芳欲滿林偶同長者席況似谷中音斜日下清磬高雲過
客襟迴舟傍微月猶聽隔溪吟

元夕齋中獨坐

獨憐今夜靜紅燭對人清戶窗凝香氣窗虛納市聲華燈自闢彩滿月却
嫌明一步踈欄下春星縱復橫

早春齊君漫興二首

此地寓來僻清渠正繞虛數畦聊學圃一徑不容車園列壁間岫書翻几
上魚謀生已無術元不慕相如
靜裏心常覺塵中人豈知柴門獨掩後春艸復生時澤國爲漁晚江湖好
道遲總能談寂寞祇費子雲辭

賦得江帆送蔣氏婦儀真

掛席發秋早微風已滿檣中流片影去遠水一舟將溽雨忽來重江雲相
滯涼知投孝廉宅三徑接蒼茫

道院暮春有感作

物境俱玄寂，客心常少歡。非因無酒賞，祇是到花殘。夜雨深林葉，春鶯平
釣竿。歸棲幸堪托，終日懶衣冠。

揚州道中送李司訓還金陵因赴任河內

初見卽如故，愛君無世情。官惟舊經術，家祇一蓬衡。鄰樹千重雨，江門幾
日程。還過大梁市，試爲訪侯嬴。

秋日與華從龍俞汝成汎湖上

相攜出井邑，輕舟汎秋水。樵響滿晴山，游鶻緩原起。濯足湖上流，浩思方
如此。

和葛吳二明府夜集俞汝成讀善圖

去市未爲遠，到門終是幽。小池塔下滿，嘉木雨餘柔。影高盃近春，香各
運浮不妨車馬客，暫此共林丘。

春日齋中遣興

信是陶潛宅，疑柱爲園已就荒。術疎堪借隱，名賤豈相妨。日暮閒心曠，春
陰藥徑芳。流年愧遠氏，一使是非忘。

辛丑初春再至南都

客衣又見染緇塵，纔到京門是早春。
舊寺逢僧已隔歲，同隣問友半歸人。
寒輕遠岫烟中綠，水滿平湖雪後新。
自歎不如沮溺輩，却忘畎畝去尋津。

送倪郴州

遠郡皆言不易爲，如君才術總相宜。
彈琴自可安忙俗，策杖何須事外夷。
一水湖湘連網罟，滿田禾稻映山埤。
到來幾許登臨興，五嶺人歸說與知。

訪子裕戶部漆塘新居

湖上青山隔市塵，又聞樵採滿荒榛。
閒雲無主還歸壑，桐葉成陰少住人。
高士偶來輕漢綬，桃源從此是通津。
知君不厭裴羊跡，斜日松間一掛巾。

閉齋自述寄王駕部

始知蓬藜蔽門深，豈是幽居避物心。
舊業盡荒秋雨裏，一身閒臥碧溪陰。
園空三徑人稀到，名在諸生老半侵。
幾度憶君相共語，高山無伴只囊琴。

秋日園居

一逢秋日已凄其，却臥園廬有所思。
高士遊方婚嫁畢，仙翁賣藥世人疑。
寒蟬斷續猶知晚，旅雁浮沉亦後期。
流水不將心事遠，閒湍空自向東馳。

蘭溪唐君錫將訪人江上夜會華明伯席作

瞻昔相聞已有情，
場來一見各心驚。
笑言千里不自意，
霜露滿衣猶欲行。
江口雁飛逢歲暮，
渡頭人去趁潮平。
看君到處多迎送，
定向王生叩論衡。

唐推所著時務論示余

初夏偶作

道院春歸寂，不知過林新。
葉接隣枝青，山藥長已忘。
約別聖花殘，祇悔遲。
勝事每同幽士往，
高車絕少故人期。
翻嫌貧賤閒如此，
芳徑時來聽鳥啼。

送萬君應召之京

如君爲政豈謀身，
當寧知名有幾人。
解權猶餘五湖興，
匣琴方見一官貧。
楚山偏是淮南綠，
舊友何如帝里親。
却望清班隔塵世，
秋風茆屋更誰論。

雨夜灑陽野泊寫懷

野水悠悠歲易闌，
客舟行處亂峰攢。
山中一雨諸溪滿，
湖上孤村獨夜寒。
世事已將樗共朽，
浮名猶是雁求繁。
莫因旅食空彈鋏，
今日侯門少問餐。

春日過長蕩湖野望

不因修禊過秦山，
誰得澄湖一望閒。
頓覺塵心空水上，
偶逢漁父語沙間。

幾多沃野桑麻蔽半是荒畝雁鷺還日夕微茫僧問渡雙峰寂歷掩禪關

京邸感興

到來園柳已菲菲客舍經春未改衣學道豈能辭衆笑隨人終媿失初機
窗間曉漏臨丹闕戶外晴嵐對翠微僻興止宜耽寂寞獨繙書史度斜暉

病臥縣齋呈諸僚長

豈是官卑易去留未能高蹈媿林丘公庭積夏常虛訟弱質逢秋已製裘
雨帶潮聲偏傍枕山連雁影恰當樓世途轉覺蕭疎甚始信稽康薄宦遊

歸田自述二首

佐邑無功自効歸尚疑趨府創裳衣下流應笑難爲吏僻路於今亦有機
與客解嘲前日謬逢僧授偈一身非臥來轉覺人群遠惟有閒窗鳥雀飛
未論薄俗賤爲儒自顧無如返舊廬瓜美寧思故候祿身閒徧讀外家書
林逢秋日收香艸門傍寒江市白魚歲晚誰同濠上想惟餘惠子共躊躇

寄唐荆川

雪裏從君今早秋不羈踪跡轉沉浮身同逆旅家常隔道徧名山訪未休
野寺老僧傳近作江潭黃鶯識孤舟相逢每怪經年別此別經年半白頭

列傳集卷十三
立秋日居田園有感

霏霏輕露薄朝暉又見涼颺一葉飛氣早疇官已應聞天移星火欲流輝
黍苗徧野勞歌少把菊成畦生事微誰謂門閒可羅雀秋風轉覺雀來稀
寓居寺閣晚坐遣興

高閣東林出翠微萬家烟樹晚依依涼風入院僧初定片月臨窗鳥獨歸
學道但令知我少逃空始覺足音稀社中何用求玄度又住深山自息機
憶山中舊游

還將踪跡共飄蓬不但離家似客中春水看來隨意遠林芳約後幾時空
說詩豈解令人笑繕性多慚與俗同聞道山間更幽寂每尋鳴鶴造支公
南山隈

一因搖落後悵望秋天空向晚尋歸徑村村夕照中

網集潭

朝向湖上去暮從湖上歸漁家自成市晒網及斜暉

漫興二首

門外清渠吹葛衣偶來觀物上漁磯秋風頭未鳴鷺起始悟山人未息機

久不逢人道姓名從來愚谷寡將迎教兒莫漫除秋葉庭葉自深人自行

臘月望對月次答汝成

葉盡林阜影正圓歲闌相對總凄然年年獨臥齋門下只是清輝照舊顏

春雪猶積林樹扶疎可愛因憶城中諸友

日晏論文雪滿林春寒還似歲殘深遙知郭裏無人見獨對高原生遠心

贈歐道士賣茶

靜守黃庭不煉丹因貧却得一身閒自看火候蒸茶熟野鹿銜筐送下山

秋日望山中寄舊僧二首

秋原落日見青山遙識僧居杳雲間指點却疑身已到滿窗雜葉上人閒
身懶常親扣朝鐘每聽楞伽是夢中今日別來應共笑猶懸舊榻待秋風

聞吹簫

夜半聞聲莫問誰急將幽怨向人吹秋風不與閒心會祇有窗前明月知

題倪元鎮小画

片石叢篁豈在多丹青只論意如何若能咫尺看千里卽是瀟湘壁上過

中夜有感

牽牛西轉雉樓高殘月亭亭午夜潮客久不知顏鬢改一聲城角起岌峩

海上

泰山青截海門斜萬篋凌秋疊淺沙聚落蕭疎耕讀盡湖來潮往是生涯

王山人愁明

愁明字僅初長洲人蚤歲英爽讀書經目輒誦哀撮舊聞多所撰述人稱
爲經笥爲華學士子潛所知僑居錫山華贈詩云達人能固窮朝夕恒晏
如願言日相過多聞時起予又云客子本大雅主人亦好文藝讀以養賢
無勞事耕耘此足以觀僅初矣同時有姚咨者字舜咨隱居錫山教授鄉
里與僅初俱客于學士日相倡和時以子潛僅初舜咨及施子羽爲錫山
四友

移家湖上作

夙昔厭喧擾湖湄聊聚廬五柳陰到門客子攜家初歡言治隱計織屨兼
藝蔬妻孥哂荒陋而我良自得魚鳥適幽性木竹澄貧居閒簾峰翠繁停
舟潭月虛心與勝槩迴跡將城府疎養生黃精飯銷憂老氏書了悟損益
理何須僭石儲食力魏伯營攻文匪相如所長惟違命天地寧窮予

始家湖上寄城中諸友

負郭無緒業因家濠湖濱扁舟歸艸堂東溪生夏雲居然滿幽致得與木
石群茲地風俗厚所事不尚文童年已樵採壯者俱耕耘予懷太古風出
門日新所稅地給家食借書廣前聞野趣足心目水流滌炎氛羣山映五
柳空翠常飭氣隱居以求志殷勤謝諸君

舟中與陸池彭丈酌酒

訪舊迴蘭橈風光適和煦卷帷望春山幾處含殘雨偶爾攜一樽歡焉閱
衆甫清言兼古今滿引無賓主桃花笑欲言鷗鳥翔可取烟波娛性靈
將友漁父

宿玉陽山房

澗道行轉深餘霞滅殘景然燈宿山房枕席雪泉冷始知玉潭隈乃有真
仙境翠微一磬幽霽月寥天靜葉落霜漸寒秋高夜彌永不寐若有懷啼
廳下松嶺

山中待施少府

美人太古心一見卽傾倒自別梁溪花相思長秋艸緘書昨寓言山中共

論討把袂雖有期挂席苦不早涼月映桂林夜思傷懷抱

毛氏樓居卽事

樓居山郭外登眺起幽思片雨沉江暗孤烟上嶺遲雁還逢寄字花發滯
歸期遠念吳山勝春游恐後時

同鴻山公過思開艸堂

黃葉滿村巷幽人成隱居木田禾刈後家醜酒香初地僻鳥群逸天寒山
翠疎衡門笑罷罷新月映前墟

同孔加淳父諸君集時濟山齋分賦得主人林館秋

寂寂楊雄宅清涼几席虛莢香餽來酒螢死讀殘書霜砌花仍發風林葉
向疎客懷同宋玉搖落竟何如

湖上隱居秋日漫興四首

寂寥桑柘外秋日賦閒居天氣清行藥溪聲和讀書每於幽事遇不覺世
情疎近復增頽情經可髮未梳

閒來北窗下了了見雲峰未釋形骸累徒懷禽尚蹤晤言清夜月留客翠
微鐘數畝長荒穢無心學素封

僻境但流水秋風隱計貧石門槐葉暗茅屋豆花新
晚食忘兼味天游嬾
徇人將師廣成子澹泊葆吾真
屢空亦自得偃息有衝門
不出人間世時爲象外言
撫琴聊永日藝圃任
無藩此意何人會裁書與巨源

春日留別諸子

勝會嗟無幾同心苦易離
花前不酩酊別後徒凄其
山鳥調新語風揚舞
弱枝徘徊春渚上落景恰分岐

冬日同潛坤道丈過學士公適志園作

客地罕登覽平泉聊共攀
到亭全見野遵徑每逢山
木落巖陰散魚藏水
態閒旅懷將物候蕭瑟自相關

春日懷金陵舊遊六首

仙觀青門外嘗從金馬過
桃花霞際吐黃鳥日邊歌
晚酌醒池木春衣暖
徑沙自聞清樂後長使夢雲和

右神樂歌

長干風景地臺上每淹留
雲樹空濛色烟江縹緲流
席前芳艸暮鐘外雨
花收夢寐城南路何年尋舊游

右雨花臺

去年修禊日曾往莫愁湖心醉歡娛地春隨歌詠徒風花香不斷烟柳弱

難扶一別無由到空悲歲月徂

右莫愁湖

禪宮雄帝里傳是報恩開慧鳥聞鐘聚香霞望樹來塔中觀世界四裏識

輪迴遠別維摩室塵心未盡灰

右報恩寺

匹馬依叢薄曾因訪化城松深藏梵響谷香蘊秋聲回壁巢禽污羅扉倚

樹成老僧招引處猶記說無生

右雲谷寺

王孫聞邸第窈窕遠人寰花樹春連夏樓臺水雜山舉觴空翠裏上馬月

明開勝賞幸情性時令憶往還

右西園

同鴻山公遊吳尚寶水雲居

時吳復宦京師

公子高標抗俗氛翠微開館坐氤氳回塘暗引荆溪水虛閣常蒸玉洞雲
花隱房櫺春不去席依松竹晝疑暝主人却有家山勝鶴怨空巖詎忍聞

姚學究寄無錫人

送人游句曲

鳧鳥鶴袍辭世紛望三峰下禮茅君祈年欲啖金光艸好道寧披玉檢文
絕巖琳宮當日見上方清磬隔花聞山中倘遇陶弘景願乞松風與白雲

贈鄧爲山

移家遠就古城隅，流水春來日滿渠。
跡已同貞士，隱殷勤不廢古人書。
當窗易語開簾後，泛几晴光灑翰初。
五十爲儒方自得，肯從京洛趕長裾。

山臺曉望陳階初不至

客舍起常早，曠然思遠遊。
彌傷歲華晚，來眺高臺秋。
落葉滿山徑，寒風吹
敝裘。夫君猶不至，湖水空悠悠。

郊居自遣

前溪烟水路漫漫，長日郊居性所歡。
老去自知雙鬢改，春歸一任百花殘。
閒窗寂寂晴絲繞，高樹陰陰鳥夢寒。
學易由來諳物理，慣將消息靜中看。

附見唐詩

詩字子言無錫人游于王姚之間

擬漢武還長安

漢武巡歸萬姓歡，旌旗千里入長安。
銘功碣石東封畢，罷罷獵長楊五滑殘。
玉輦不愁馳道遠，銅盤惟恐露華乾。
阿嬌金屋門還閉，萬樹宮花待共看。

顧布政夢圭

夢圭字武祥崑山人嘉靖癸未進士授刑部主事改南京吏部與高陵呂仲木在郎署會飲呂公擷梅花謂曰武祥如此花矣擢廣東參議歷福建按察使陞江西右布政未上疏請致仕爲人敦重所至閭戶讀書自奉如寒素年少登科愛遊八景宜在清華之地而又帶外省非其所樂嘗語所親曰北河權船者邪竄之聲曰腰彎折此今人以喻兩司官也其不能無望如此

擬古

雖離雲中雁八月徂南方念彼北風來怛焉懷稻粱九月氣已凄十月繁
米霜生來毛羽單高飛不成行君門有鐘鼓聽之徒自傷

心事

娶王禱桑林斷爪念愆咎春秋志災青法戒垂不朽臺寺布貞純何必生
三秀筍有千歲龜不如人壽者煌煌實陽歌詎協咸英奏鳴雀爲鸞鳳伊
人獨頽厚

雜擬

妾住越江邊江花照顏色清晨下機杼日昃不停織綉出雙鴛鴦隣媪屢

歎息采蘭以自衣，
授糶以自食。綺戶闔，
芳木懸。此父母劬，
伯姊嫁五侯。少
妹備官掖，含羞謝
良媒。拵鏡長黯黯。

濟縣行

入城半里無人語，
枯木寒鴉幾茅宇。
蕭蕭酒埽誰當爐，
武濟西來斷行旅。
縣令老羸猶出迎，
頭上烏紗半塵土。
問之不答攢雙眉，
但訴公私苦復苦。
雨雹飛蝗兩傷稼，
春來泥遭連日雨。
縣城之西多艸場，
中官放馬來旁午。
中官占田動阡陌，
不出官租地無主。
縣中里甲死，
誅求請看荒墳遍村塢。

雷雪行二首

昨夜雷轟今日雪，
安德門前西山裂。
河南檄報人食子，
更聞飛蝗滿江浙。
千古高人魯兩生，
漢文謙讓流英名。
精衛年年負木石，
海中波浪何時平。
群方水旱歲不虛，
郡國正奈無倉儲。
何人建議募輸粟，
只恐米來民半無。
天子親耕后親織，
轉見民間多菜色。
明堂清廟事且遲，
一土一木民膏脂。

裘葛行

夏月行部至雷州，
思製一葛且復休。
冬月行部至廉州，
思製一裘且復休。
故衣雖穿尚可補，
秋毫擾民亦苦先。
朝不有軒尚書墮，
水忍寒卻新襦。

千鍊萬鏹入私橐碩鼠碩鼠心何如

感事六首

栢梁舊管建章起武帝雄心殊未已金楹玉碣千萬重駘蕩春光侔太紫
海東鞭石血橫流燕雀徜徉彩雲裏君不見天庖椎牛倘大匠荷鍤了夫
誰餽

翩翩獵騎臨邊城邊城艸深山路平豐狐狡兔各有穴鳴鏑張罟殊不驚
邇來地勢南徙北廣莫風至猶無冰君不見桃蟲拚飛卽鵬鳥首下尻高

答非小

昭陽前殿玉樹枝榮華不奈秋風吹慶雲甘露永乖隔鳳管鸞蕭增我悲
千金買得相如賦豈識人心難轉移君不見楚江文鱗巧相按復使龍陽
淚承睫

長安一日封五侯輝煌華轂擁貂裘明珠萬斛來海嶠朱邸何人中夜投
羊公緼袍徒寂寞趙生擊筑歌伊優君不見卽且甘帶鴟噉鼠雲際龍鬣
白翔

鸞旌孔雀幸汾陰丹霞紫霧瑤臺深陽靈于宮儼簪紱太乙招孺皆頌欽

處妃揚臚玉女笑穰穰降康為福歸君不見通天洪臺耀日月未得金莖
調絳雪

回戟門前車馬稀東市灑血沾朝衣雙眸只辨斗間氣中台轉盼無光輝
華亭清淚如哽咽月中空喚行人歸君不見法家火鑊吁可怖他年恐墮
匡州戶

謁康陵

早霧籠山暝新松匝殿稠三邊餘武烈八駿想神遊花萼皇情遠衣冠歲
事修傷心大官酒猶得獻千秋

周太僕復俊

復俊字子顙崑山人嘉靖壬辰進士歷工部郎中陞四川提學副使歷四
川雲南左右布政使還南京太僕卿致仕于顙器度純雅風神韶令弱冠
與王同祖顧夢圭稱崑山三鶴居官貞介三十年一節里居杜門掃軌凝
塵晏然至滇中交楊用修雅相矜許為監司父于滇蜀故遊履歌吟於西
南為多

寒江釣雪

嵐雲凍不飛，江水明素練。千林真若空，遙峰隱還見。漁歌岩下起，落日聲猶轉。

咏落葉

朔風厲修朔，三浦氣方肅。飄飄山崩雲，耿耿葉辭木。駢駢下萍川，械械翻蘿屋。飄飄任迴環，零亂鮮羈束。莫以九秋凋，惋彼三春縹。蕭條紫烟岑，超忽丹林麓。於茲欲何言，歲暮儼修躅。

有所思 西水舟次作

去年三月濱水陰，今年二月沅州路。風光晚晚愁殺人，春色飄飄忽遲暮。楊溪昨夜春泉發，竹寨沙邊弄明月。始見繁花落亂飛，愁多不願理春衣。花飛已怯傷春別，何忍還聽喚子歸。沅湘兩岸垂楊碧，白日牽絲送行客。草際烟橫浦渚香，江聲千轉流雲長。夢魂驚我臥寤水，廣何由度王孫天。未歸來，公子江南先有賦，公子王孫散夜愁。愁人難下杏花樓，樓臺第鬱迥清漢。山水清圓映去舟，停橈日欲晚。紫嶺嵒嵒啼遠何處積，幽思幽思似隴坂。臨流歌復歌，濯纓瀟湘裏。菁菁芳艸心，森余紛何已。浮雲有時卷艸色，參時結相送。過吳宮殿勤向君，別吳宮趨切三轉。逶迤層層玉樹蔭，連樞

芳非帆浦迷香徑窈窕菱潭帶竹池萬里淹仍西復東一年涼暑春徂夏
春臨絕喚叩文營曉涉空津浮白馬我日思歸今得歸山中美人音信稀
東風浩蕩吹梧樹極目天南鴻雁飛

潘洵中德元

德元字都玉崑山人領嘉靖甲午鄉薦授商河知縣轉信陽知州同知承
天府陞應天府治中能詩兼工書翰爲婦太僕所稱王伯稠校定其遺集
落梅

一從風信過元宵南北枝頭竝寂家人有新粧江燕在樹無殘怨粉痕消
難憑驛使傳千里忍使春波渡六橋總有通仙詩百首香魂狼籍不堪招
無題

月向天邊夜夜生秋風何處綵雲橫魚無密信來青海蟾有閒絲掛曉晴
春玉漸看腰似削愁城不怕酒如兵而今只合籠鸚鵡能向琵琶喚小名
秋江釣者

江湖最樂是漁翁何地無天着釣蓬見慣白鷗渾不避一絲晴鷗蓼花風
包御史節

節字元達華亭人嘉靖壬辰進士以東昌府推官拜監察御史出按湖廣
抗章劾守陵大璫廖斌驕橫不法狀斌格其章不得上反誣奏寢驚陵寢
逮詔獄賊死戍莊浪衛九年聞母訃已又聞弟孝卒哭益悲竟不起遺言
以斬衰經入棺有涅中稿行世孝字元愛乙未進士爲南臺御史元達遠
戍孝奉母家居母喪哀毀而卒兄弟同日祀警宗

臨淮遇雪贈劉漸齋侍御謫居

白簡彤庭幾抗章一麾劍墨便爲郎關門變柳猶飛雪縣郭無花祇避霜
雲接楚山聊隱吏地臨淮海舊與王可應禁闥違長孺帝念中都是沛鄉
同周岐麓臺長泛西湖遂宿藕花居

湖畔乍逢驄馬使沙行同入鷺鷥群六橋水抱珠林月兩竺峰盤寶界雲
岸柳藏禽仗坐窳園花隱麝隔溪分況同佛院移遺榻共息塵機理貝文
晚望蒼山卽事

吏散庭閒靜掩扉點蒼西望翠霏微雲蒸玉葉和烟溜瀑滅珠花映雨飛
石洞經秋龍不起松枝將暝鶴初歸冷然忽動餐霞思擬陟丹梯一振衣
夏日雨後過陳園

選勝遊郊郭，衝泥試杖藜。溪水新濕水，山渡欲晴霞。看竹人先至，穿花鳥
百迷笑。予來幾度，才識小亭西。

將入京卽事

歇馬津樓望禁城，鳳凰宮殿綉雲行。游人盡醉新豐酒，野樹群飛上苑鶯。
山扼九關開帝闕，地縈八水遠神京。風前遙度鈞天樂，疑是君王御紫清。

秋夜

要濟旅館寂，徒倚對明河。庭樹銷潘省，寒蟲避翟羅。雁啼砧響急，峰至角
聲多。不寐殷憂者，長更奈若何。

莫布政如忠

如忠字子良，華亭人。嘉靖戊戌進士，授南虞衡主事，改儀制，擢貴州提學。
副使道遠，不能將毋，投劾歸。家居十五年，補湖廣副使，歷河南、參政、陝西。
按察使，浙江布政，乞歸。子良，東修，自好恬于榮進。賈溪相死，西市門下士
皆避匿，獨奮身經紀其喪。朝士以此多之。善艸書，爲詩尤工，近體有崇蘭
館集。王元美初登第，時子良爲前輩，稱詩元美因仲山人往交，稱其詩清。
令蔚有唐風，晚年爲之詩曰：子良豈不文，死者田父社。饑來甍清泌，衡門

亦灑灑

和董紫岡

頻年不復賦秋悲，秋盡江城昨始知。
身向閒居寧論拙，客來問字久無奇。
中厨黍熟焚枯後，小閣樽開釀菊時。
問道瘦園猶懶性，肯攜險巖過東籬。

印事弔古

驛路紅梅始着叢，春光將半未全融。
蓬扉曙色經冬雪，麥隴餘寒盡日風。
殘劫有灰秦故國，疎鐘隨月漢離宮。
古來無限興亡慨，莫倚肴函百二雄。

留都

一自先朝勅守臣，千秋魚鑰鎖流塵。
班休禁旅識訶卒，頭白中璫給掃人。
春時有基松椽合寢園，無行鹿麋馴。
祗餘雲氣時來往，想憶離宮望幸辰。

張雲南祥霖

祥霖字道卿，金壇人。嘉靖己未進士，爲戶曹。卅十餘年出爲雲南知府，鎮靜有體，執法平反，觸逆當路，遂請告歸。讀書賦詩足跡不入城市，病劇作詩二章以告終。道卿與七子同時，亦相遷往。其詩以清澗爲主，不染叫囂之習，故不爲時人所稱。有華陽洞稿二十二卷。先祖贈官保府君公之同。

年進士也嘗有警句云雁嘶江塞月人枕戍樓霜公亟賞之以爲獨絕篇
竟散佚未能成家謹附記於此

秋晴泛舟過董家舍

秋水碧如玉秋樹紅於花酒船綠听轉溪路逐村斜菱荇亂柔櫓鳥鷺狎
淺沙所親居近遠隔浦問人家

新秋泛舟過西莊聽雨話舊三首

放船秋水落能載雨三人坐愛清波影輕搖白氍毹市到門纔繫纜藉艸傾
垂綸野飯無兼味嘉魚色勝銀

蓬蒿長門徑客到旋教鋤稚子炊菰米隣家饋野蔬浦沙雲滄滄梧竹雨
疎疎艸閣畫如水坐聽兒讀書

歷歷韶年事分明昨與今不因清話又那悉故情深歲月且遲暮官曹寧
陸沉所欣同巷陌伏臘每招尋

重陽後庭中晚步

叢菊幾枝吐重陽昨夜過美人別我去懷抱奈秋何月露開階砌衣裳舊
薜蘿手攜小兒女顧影舞婆娑

五月望潞河舟夜

潞水雨餘漲燕山雲外微又圓蓬底月頻換客中衣路近心逾急鄉遙夢亦稀漢京冠蓋滿懷抱欲何依

渡淮春晚

朝辭桐栢水時序又殊方河抱中原轉天圍遠樹蒼緒風啼鳥變紅雨落花忙坐惜春芳晏高歌西日黃

早春野望

新水沒漁磯迳林收夕霏柴門堪小立沙鳥自孤飛臘閨梅花早官休賓客稀所欣元夕近不夜月輝輝

園居

人境重重隔溪流宛宛分竹陰飛翠雨花氣結晴雲籬缺牽蘿補園蕪植杖共禽言能細譯幽事賴先聞

同韓雙湖泛舟訪直峰昆季

野航坐知已盡日話閒情木落青山遠波澄白鳥明揚帆沙岬過吹笛浪花生知近高人宅橫塘竹外清

初夏曉起

已知無客到亦復啓晨扉刺水新秧長從人乳燕飛書聲隔篁竹荷氣透
絺衣百畝欣常稔無嗟生事微

雨晴晚步

晚霽乘輕屐溪遙步落花夕陽低艸閣烟水帶漁家巢暖鴉雛長風柔燕
子斜無嗟紅似雨新綠喜交嘉

積雨

積雨蓬門掩連陰艸閣涼荷香池上榻雲氣竹間涼峴峴新流沒村村濕
霧黃釣船迷去住長繫短籬傍

省夜

裊裊明河帶苑牆蕭蕭亂葉下微霜風颺寒柝沉遙堞天近疎鐘出未央
共道漢庭方貴少可知顏駟尚爲郎一官無補思田里歲晏南中橘柚黃

無題

不見常年團扇郎雙垂紅淚濕流黃樓空燕子隣無主謦有歌塵在画梁

方侍郎弘靜

弘靜字定之歙人嘉靖庚戌進士知東平州遷南戶部員外歷郎中出爲
四川僉事閏歷潘臬累官廣東左布政以右副都御史撫浙起治郎陽召
爲南京戶部右侍郎請老年九十五而卒定之初冠與鄉人王仲房陳達
甫爲詩社迨入仕汪伯玉方擅時名倡饒中社再三招致匿謝不肯往晚
年稍自發舒多所結撰其於大函深所不滿而未嘗見諸筆舌蓋其爲長
者如此王仲房曰定之抱性幽閒溫秀故其修詞吐氣有似于入若流水
不知處幽禽相與飛不知春色減忽見林花飛永日空山寂幽蟬時自吟
春色驚人早雲山與世違舊業微蟬翼窮途信馬蹄死然王孟遺響也

東巖

巖端日暉巖下啓松扉流水不知處幽禽相與飛青山常對席白髮久
忘機試與西隣叟携壺上翠微

訪程山人不遇

避喧來谷口愛此青松陰永日空山寂幽蟬時自吟花源應未隔蘿逕杳
難尋稍覺塵襟豁方知仙境深

題李山人祠堂

巖前宿鳥飛林外曉光微春色驚人早雲山與世違泉流採藥徑花映釣魚磯借問金門士誰同蘿薜衣

送王以珍

爾抱鸞鳳志云何枳棘棲十年猶未達斗酒惜分攜舊業微蟬翼窮途信馬蹄贈言無自薄風雨有鳴鷄

徐官保學謨

學謨字思重嘉定人嘉靖庚戌進士本名學詩朝士有同姓名者抗疏劾分宜相故改焉以禮部祠祭郎中出爲荊州府坐遼藩事逮繫得白遷副使守荆南道拜僉都御史巡撫鄖陽通達國故諳曉吏事所至皆有聲跡江陵才之用外條特拜禮部尚書江陵沒之明年被言而去文集凡百卷別有世廟識餘錄記載時事多可觀

醉中題醉人圖

我從燕山望京闕五陵豪客傷離別相逢不飲君奈何甕潑葡萄色如血須臾吸盡三百壺西陵之日驅金烏眼中誰是高陽徒醉來忽見醉人圖圖中之人誰最醉美而愜者肯如淚翻身跳浪招且號夜半山精引群魑

東隅之叟頹不禁擁爐鼻作蒼蠅吟夢中舒拳賭六博猶呼一鄙于黃金
蹲者陰崖伏餒虎走者風舫蕩小楫何人仰面御作吼何人歌咽水升厚
何人露頂髮不梳咄誰持酒澆其顛何人掉臂揮大斗一灑沾唇苦于茶
謾道真珠兼琥珀翠屏錦縹聲喀喀流涎殘沫迸地走珊瑚鋪滿金吾宅
衆中飲者誰最多衰衣之客傾江河恰如廉頗老善飯眼看醉者皆么麼
么麼疊疊何足較或鼓或泣或大嘯玉山自在誰能推欲上青天挽雙眸
劉伶畢卓俱塵埃慕天席地安在哉今宵不聞婦人語明日看花我復來

喜宋山人夜過府署

南紀蕭疎老客星鴛池遙憶艸堂靈滿城何處堪攜杖深夜相過聞扣扃
秋遠江聲寒小簟月高鳥影在閨庭自來公府無拘束一任狂歌醉復醒
省僚夜集南館觀教坊樂部

一去湘江散酒徒重開鑿館夜呼盧休憐前席心飛動且問當年興有無
老去梨園猶黑髮春來桃樹更玄都醉看殘月催歸客誰倩玲瓏馬上扶

賈傅祠

一疏危明主千秋怨未平相嚙如有待宜室竟無成夜雨湖南艸春風江

上城可憐卑濕地還夜祀先生

茅副使坤

坤字順甫瑞安人嘉靖戊戌進士知青陽丹徒二縣擢禮部儀制主事改吏部稽勲滿廣平府通判還南京車駕主事出爲廣西按察司僉事升副使備兵大名中吏議罷歸林居五十餘載至萬曆中年九十乃卒順甫自命有文武才好談兵事在廣西府江賊據鬼子等皆督撫將會兵大勦順甫曰會兵非數十萬不可賊走險旅拒老師費財非計之得也諸簡練五千入自署以往多縱反間攜其竄與以奇兵直搗其巢破十七砦以一千書生提一旅之師深入崖巒萬累年百固之賊大功不賞而吏議隨其後於是乎息機推擅之思浩然不可挽矣家居多暇用其心計修業治生不以寂寞自府嘉靖末年東南中倭胡嶺溪爲制府以同年生虛心咨訪料敵設謀用順甫之策爲多順甫亦沾沾自喜以爲扣囊底餘智猶足以辨倭也爲文章沿沿澆莽莽謂文章之逸氣司馬子長之後千餘年而得歐陽子又五百年而得茅子疾世之爲僞秦漢者批點唐宋八大家之文以正之人謂順甫之才氣殆可以追配古人而惜其學之不逮也順甫於同時

惟惟荆川一人胡績溪嘗以徐文長文示之詭云荆川順甫讚歎不已曰
非荆川不能作已而知爲文長也復取視曰故是名手惜後半稍弱不振
耳其自負護前如此子國縉舉進士爲工部郎少子維孫元儀皆名士與
余好

南山行爲梅林司馬賦四首

行行入南山靡蕪日以深不見津亭吏但聞颺颺音夕陽斜在樹谷風起
中林下有種豆歌歎戲傷我心

我心空自推太息今與古上山多饑禽下山多猛虎道路寂無人日暮愁
三戶停車一以悲深林有巢父

巢父無名子相對語瓜田夜聞李都尉醉獵南山前射殺白額虎飛鳥落
青天歸來感往事叱詫黃金鞭

金鞭勿復揮古來事如此仲連破聊城薛冉歸田里子房定漢室言從未
松子何如酌金罍酒酣猶熱耳

夜泊錢塘

江行日已暮何處可維舟樹裡孤燈雨風前一雁秋離心逆落葉鄉夢入

寒流酒市那從問微吟寄短愁

登叢臺

一眺叢臺上孤城秋暮時綺羅言已寂芳艸暗合滋
露積移堞嘶花雀
隱枝忽聞雍里曲併落照眉池

首春次安肅

山城喧社鼓遊冶屬芳晨陌上探丸騎林中射雉人
年光浮綺吹日氣抱紅塵馬首多春色還憐旅鬢新

徐奉化獻忠

獻忠字伯臣淮亭人嘉靖乙酉舉于鄉再試不第授奉化知縣約已惠民
殊有民譽故人薦寧波守用本版相臨伯臣笑曰若以我不能爲陶彭澤
耶卽日弃官歸樂吳興山水遂徙居焉時掉小舫扣舷吟弄以天隨玄奘
自況生平著述外無它嗜好白蓮羽扇蘆汀蓋泉諸賦皆爲時人傳誦憫
松民解布之苦作布賦一篇讀者咸酸鼻焉論詩法初唐六朝雜組成章
工真艸書所著書數百卷樂府原吳興掌故皆行于世卒年七十私謚曰
貞憲先生

自小晦至西晦與曹新昌議民事

行縣淹朝雨盤山轉路遲溪聲連壑起雲氣併峰移候鳥催耕急梯田貼石危農官方在野端爲有年期

癸卯應朝北上晴泊清口

野泊斜陽近江村亂水明帆檣千客語見雁一群輕東嘯寒沙淺風離古燒平昔年淮上月猶自照韓城

金陵

南朝王氣昔分明盛業千年始作京春樹久迷江總宅寒江長傍秣陵城三山落日明秋練六花輕風動早鶯聞說高皇初駐蹕閱江麾蓋定專征奉懷射陂朱子

久別烏程令經秋思轉微林光暮烟發菊氣早寒歸出縣看山近開衙客稀還將蕭瑟意還逐白雲飛

攜孺子果定居吳興守望

湖上雲山費掃除半生心迹始酬予兵戈轉眼催人老旅食隨年作計鴻寶竟難參洞籙陰符只合讓農書郊坰不作南陽隱行路人猶說艸

俞 文獻

文獻字伯初德化人嘉靖甲辰進士

送子靜南還

十年纔返國何事復南歸歲月冰霜晚江湖鴻雁稀青山還舊業落日
初衣去住乾坤裏無嗟與世違

送少司成朱文石之金陵

鍾阜龍蟠赤帝庭更從北斗借文星燕臺仙侶憐雙管白下諸生有六經
璧水細通玄武曲講堂朝對孝陵青請看松柏參天處翠蓋當年竟日停

胡荻卿安

安字仁夫餘姚人嘉靖甲辰進士歷官知衢州府陝西苑馬寺卿

有感

晴雲挂壁無人收時見樹影橫中流晚風借涼催夢到一片明月依虛舟
長江東流不可止宦海飄搖亦如此斜風細雨歸去來誰知世有玄真子

江上

松間岸幘不知暑滿地花香夜來雨枕流嫩石客未從明月自隨波影去

不倚清溪卽對山正憐倦鳥帶雲還朱門華屋多車馬何似幽人早閉關

江村

綠柳陰陰深幾許閒心欲共黃鸝語背指滄江坐晚風客帆何事瀟湘去
隔江烟柳掩孤村渡口飛花欲到門自折松枝向茶竈客來應得當清尊

溪行

岸影映溪似溪淺溪光覆岸如岸遠扁舟盡日沒岸間花香拂衣簾半捲
興長不碍孤雲飛心閒恰與明月遲漁歌欸乃聲斷續有酒不飲當何時

古意二首

種松常待雪種禾常及春榮悴雖有時違性彌失真折腰彭澤畔濯足滄
浪濱此理亦易達今人空問津

濛濛雲畔月離離雨底花花發雨偏妬雲過月倍華盛衰如行迹往來何
足嗟世無園綺徒遂覺而頷賒

客亭松

蒼松當爾厓自謂傲歲寒移來華屋間感節若所安無復霄漢志未直先
摧殘將與花升同嫵媚令人歡草木亦有知何顏見芝蘭

秋日

朝見芙蓉霜暮聞梧桐雨縱有清夜月秋光復幾許賓鴻自北來野泊未
有主耿耿銀河開無人見牛女老至自悲秋空階聽蛩語流螢照我牀餘
涼生白紵樽中酒不空與君忘爾汝

有感

花開復易謝花謝令人哀
泫然厭春雨何如花莫開
月來復易落月落傷人懷
中宵寒露零何如月不來
有琴欲絕絃有酒欲傾杯
譬若已逝波誰能使重
回來者日以逝去者日以
違故人今已矣已矣將安
婦依依夢中見安知是與
非

有感

長笑何時向碧山歲華誤落利名關
梅如輕別隨風下湖似多情帶月還
攬鏡誰能饒白髮開尊暫許借朱顏
欲如徐福尋蓬島縱未長生亦得閒

秋思

袖手長吟悲路窮
綈袍不是怯西風
縱嘲小草應終出
欲賦長楊恐未工
皂帽久依遼水曲
黃冠願隱鑑湖中
菊花滿插休相笑
老態還知少壯同

擬隱

荒園小徑上蒼苔，猶有花前舊月來。
憑客莫談經亂事，逢時且舉賞春杯。
遠山雲起隨鴻去，芳徑泥融待燕回。
兩水平流江岫濶，更誰解作釣魚臺。

飲酒

菊間被酒竹間行，待得雲銷看月明。
莫笑郎當鮑老態，已知傾倒麴生情。
丹楓葉落分溪色，黃鳥群鳴雜雨聲。
曉起凭闌紵衣薄，秋風吹夢墮江城。

客館

閒中詩卷愁中酒，漫向殘春惜落花。
栽柳已多陶令宅，藏書將擬鄴侯家。
蒼痕受雨初行屐，潮候兼風欲泛槎。
歷歷青山湖上路，似從遊子送年華。

送別

洲畔蘆花到野橋，曉風催浪伴歸潮。
醉中捉月憐波淺，別後看雲恨路遙。
江月遙關非故國，霜華驚夢又明朝。
問君鼓柁游何處，閒向髯翁試洞簫。

金陵

時平更覺宦情閒，次第春光烟水間。
獨向尊前問明月，多從馬上看青山。
陵藏衣劍傳龍遠，臺繞笙歌想鳳還。
可道繁華同上國，只憑清夢到朝端。

秋思

長堤選樹陰微風擊節高吟酒欲空
梧葉乍零秋色裏雁聲相續月明中
依依釣艇歸何暮隱隱山城望未通
客路鄉心爭歲月百年笑口幾人同

山館

秋螢嘗照小窗書流水青山是客居
自許閒心如野鶴誰知餘樂及池魚
雲踪來往清風後萍葉分離驟雨初
曾約明晨訪巖屋殷勤折簡未應虛

遇風

連日尋春到酒家東風作惡暗黃沙
已曾報過平安竹祇是吹殘富貴花
冷落茅簷開社燕微茫水澤鬧官蛙
流鶯何處傳消息却讓垂楊得歲華

秋日閒行

蒼松偃蓋覆吾廬俯視澄潭可數魚
風到乍起流去葉螢飛時照讀殘書
西山拄笏氣應爽北海開尊坐未虛
游屐轉從雲畔入朱門寂寞近何如

山舍

赤屋初成蕙水濱空思酌謝作芳隣
月如佳客過清夜花似離人去隔春
萍掩小池魚躍棗垂深院鳥啼頻
每嫌佳景多違暮欲問陰晴竟未真

江村

常年抱病臥江村，黃得春醪手自溫。
閉戶艸玄心獨苦，臨池飛白興猶存。
欲開未放花依檻，似別重來月到門。
此意市朝渾未解，塵機羸少共晨昏。

固原

柳色凋殘雨未收，陽關西去更堪愁。
平川落照連秦苑，古道炊烟覆驛樓。
刁斗風清初禁夜，毳帷月冷盡防秋。
雲山最是淒涼地，今夜邊關第一州。

衡嶽雜興

幽泉自注石崖銷，度壑寒雲去未遙。
松畔茯苓無處劚，騎黃犢自吹簫。

湘江雜興

百丈牽風浪，作山別情何必恨。
陽關蕭蕭客坐依，燈影知是瀟湘夜雨間。

旅途雜興二首

春水微茫驛路長，夢魂先自到瀟湘。
不應更向盧溪住，夜雨蕭蕭對客牀。
小窗夜雨滴殘枝，客館燈寒歸夢遲。
明日猶尋西路去，青山長似越中時。

有感

樗櫟材庸歲月深，松筠避地竟何心。
托根空向高岡上，祇作溪園數畝陰。

歸枝詞

請取揚枝葉復朝未經攀折欲魂消聞中喜得無離別緩步春風潯水橋

客窗雜興

酒渴呼童汲井華借眠苔徑月初斜小窗紅葉時飛下誤作春風送落花

程烈

烈字維光歙人嘉靖己丑進士歷官工部主事王寅曰惟光博學苦吟虛中取友數篇一出振譽天朝若朔風如有鏗寒日欲無光山形關塞北日影樹林西孤舟不同載行露有深悲康路方馳萬里在目逸足未駐房櫳沈耀前有以正後有惟光才並可憐壽俱不逮

送李伯華餉軍宣府便道還家

聞道胡塵動那堪使節忙朔風如有鏗寒日欲無光殺氣邊雲上鄉心濟水傍離筵予尚爾把酒憶南荒

春日同皇甫子循遊吉祥寺

尋春同出郭下馬問禪棲花梵流清霽雲鍾度遠溪山形關塞北日影樹林西老衲能留客歸途渾欲迷

過露筋祠

古廟清淮口相傳烈女祠孤舟不同載行露有深悲日向菰蒲落山隨洲渚移千秋一感慨爲誦浣紗詞

許給事相卿

相卿字台仲海寧人嘉靖丁丑進士兵科給事中引疾歸山中四十年累徵不起有雲邨集十卷

除夕感懷

酒冷香銷夢不成逼人殊覺歲崢嶸老如舊曆渾無用醉戀殘燈亦暫明雲霞已應隨臘盡梅花寧復與春爭向來筋力虛名盡白髮無愁也自生

月林僧舍

月午天霜破衲寒梵音蕭颯度林端經殘香盡秋寥泲時有風枝語夜闌

金山吞海亭

江面峰頭巧著亭澄波玉宇兩爭清倚闌客子心如木何事沙鷗亦浪驚

肩輿

遠路歸來已白頭豈能藉以舊時秋長藤短屨行吟處不道山翁是故侯

張尚書詩微

時微字惟靜鄞縣人嘉靖癸未進士兵部武選主事改禮部儀制出爲提學副使歷官南京兵部尚書以日本入犯勒歸有芝園集五十六卷尚書詩學殖富有工力深重樂府古詩標舉典會時多創獲七言今體歷奎蕪穢若出兩手揚用修評其詩云頃得縱觀全集自四言以至六言冲澹穢穉沉鬱雄壯巨意鑄詞色具體備七言之什自鄙無譏用修可謂能言矣

采葛篇

種葛南山下春風吹葛長二月吹葛綠八月吹葛黃腰鎌逝采掇織作君衣裳經以長相憶緯以思不忘出入君篋笥長得近輝光層冰布河水中野暗凝霜吳羅五文采蜀錦雙鸞君恩當斷絕歎息摧中腸中陽日以搖葛菲日以衰願留枯根株化作萱艸枝

有所思

清鏡久不御朱鉛那復施恐看雲並雁愁見月穿帷華燈冷紅艷庭艸委芳蕤不及梁間燕雙雙啄紫泥

隴頭流水歌三疊

隴水下隴頭東西南北流浮萍逐隴木一去不復收
隴坂迴九折七日乃得越如何下隴水瞬息成訣絕
殘月寶刀白微霜隴樹黃笛中聞折柳那得不思鄉

長安道

曙動開長樂鶯鳴遠建章龍媒馳道出風吹彩旌揚繡陌生朱霧銅溝映
綠楊渭橋春水漲日日汎鴛鴦

昭君怨

虜帳風沙粉黛摧空將青塚瘞娥眉人生不用如花貌只把黃金買回師

俠客行

登君堂肥君肘生從衛霍遊復與金張友主讐尚不報肝胆向誰剖脫下
驢驕裘與得新豐酒千錢作使邯鄲倡北斗關千卦朱牖平明走馬長安
市翻身戲折章臺柳

子夜四時歌八首

春歌

朝朝聽鶯報日日掩重關莫踏門前艸留踪待燕歸

乍來結女伴江頭去浣紗問訊郎消息夜來燈燭花

夏歌

女郎宛轉歌輕舟棹碧波打動明珠碎團團落青荷
日出望車塵徘徊至日曛拾得紅蓓艸染就石榴裙

秋歌

淒淒復淒淒月出光尚微郎衣猶未綻何得理儂衣
惻惻復惻惻桑黃秋露白持糜不能食持麻不能織

冬歌

夜來風似箭晨起雪盈牀侯門教歌舞剪綵闌紅粧
河水結層冰疾風吹曠野嗟爾衣裳單獨宿在車下

宛轉歌

明星粲露華宛轉歌宛轉月白烏夜啼絃長曲何短綠水芙蓉夜夜
聞芭蕉葉落心常捲

幽澗泉

幽澗泉飛珠玉道傍白花細如粟繩樞小戶架山麓翁折薪婦煮粥小兒

敲冰斷青竹風吹艸屋寒蕭蕭

潯陽歌五首

九江江水九流盤彩鷁朱旗霄漢間七十二峰今夜月龍門相對路駝山
龍虎開天取上游旌旄東下定神州檣帆直照磊羅窟日月雙懸錦繡樓
錦雲堆樹浪花長桃李飛來片片香打鼓鳴撈何處客恠來驚散兩鴛鴦
澤北喧喧商賈廬澤南隱隱蛟龍居蓬頭赤腳沙中子蕩漿竿釣學捕魚
漁郎渡頭燈火明潯陽市上酒旗橫沙白水清烟水冷琵琶猶作斷腸聲

古別離

春思已無那如何又早秋偏將一片葉飛作萬重愁
鳳枕蘭香細瑤階霜杵柔暗揮雙淚眼一望大刀頭

行路難三首

君不見太行山撐天拄日高鬱盤君不見黃河水翻雲倒霧千萬里渡河
苦無梁上山苦無羽颯沓蓬蒿常偃僕我往訴帝帝我拒虎豹當關攫人
肉雄鳩佻巧不爲理時運苟未逢材藝棄如土蘇秦空上咸陽書韓信猶
蒙里兒袴

君不見連城壁碎不復完平地水覆難再收昔日御冠取卿相片言不合
興戈矛雷開被寵比于死靈嬰失勢灌夫囚道旁荆棘汝自力進退惟谷
心煩憂縛約春華豈久妍青青松柏委山丘君如念東門之黃犬何如彼
西域之青牛

御君文茵暢轂之寶車升君旋題刻桶之華堂飲君蒲萄琥珀之美酒服
以華鞋繡結之衣裳妾顏不如花與玉妾心自比雙鸞鴛朝奉君前夕侍
君旁承君之歡不出洞房豈知貴貌不貴心轉眼秋風霜霰侵明月長虛
文錦帳清宵不斷白頭吟行路難心煩冤自家結髮尚如此路上之人何
足言

梁父吟

朝上泰山鬱何盤盤崩崖薛嶽石齒關斑虺蛇橫樹虎豹當關僚哉慄
曷以盤桓一解幕上泰山白日西匿前有榛莽後有鬼蜮道險天寒饑不
得食欲見雲君何由可得二解泰山巍巍魯邦所宗智矣齊相七國之雄
二奄何甘以殺三士惟其忍心嗟嗟晏子三解虞羅藏機蜂螫致螫口舌
之微慘慘戈戟長沙竄誼汨羅沉平誰爲始禍嗟嗟晏嬰四解

結客少年場行

少年縱飲博落魄廢生涯陰謀鬼谷勇氣薄荆軻象齒飾雕弧黃金裝
莫邪較獵平陵下一發中五豕橫行都市中殺人如刈麻官司急追捕
名魯朱家親交易名姓劇孟相經過投我千金贈白刃重摩挲驅胡出上
谷轉戰入交河就食大宛城飲馬條支波錢刀買首級擣蒲百萬多生富
甘馬鑊死卽棄山阿

空城雀

空城索索鼠穴孤栖白竹不藝悲風淒淒爾黃雀何不去此逃朝鳴啾
啾夕呼嗷嗷慊慊長苦餓爾生一何勞雀閒心中苦口噤不能語大澤饒
風波其上鷓鴣多東人挾彈西家張羅各自懷機智愛惜田中禾覆車之
粟人尚收官倉之儲寧汝由何如闕闕空城裏艸根木實無人主經年不
見有行踪蓬蒿跳踉誰禁汝出出爾黃口慎莫生吞嗟待得毛羽成努力
自爲家

陌上柳

陌上柳陌上柳春風披拂長短條不知攀折誰人手爲問去年折柳人今

年柳發歸來否雉朝飛車轆轤柳花飛飛愁殺人

留郎曲

三月以來無一晴郎今欲行猶未行日日鳥啼行不得郎心不定妾心驚
芳花盡被淫雨妬出門只尺迷毒霧風吹白浪立如山勸郎莫問江頭渡
哀猿叫月不可聞妖蛾銜沙詎知數深林魑魅巧弄人百尺長蛇斷行路
黃金之印大如斗數竒不得懸君肘有時錯誤犯刑書咄嗟那復保身首
此時遊魂何處歸此時空房難獨守不如炊黍且蒸藜相對繩樞與甕牖

北征雜詠三首

容窺不能寐舊慮雜新思中旦鷄初鳴呼童理裳衣初日照疏牖倉皇臨
路岐風塵塞四野車馬若雲馳去者未云息來者復如斯鼎鼎百年內形
神空爾疲顧彼蓬蒿士旦暮偃荆扉蒸藜以爲食編麻以爲衣不知有朝
市豈復辯雄雌芳餌非所羨網羅安得施

牽牛不爲麟西施不負薪貴賤各有尚知者察其真周公下白屋天下乃
歸仁田實稻傾奔玉石俱見焚大雅秉明哲富貴成丘雲昨日趨踏地今
爲灰與塵濟濟鴻都士何者結交親我欲竟此曲此曲難具陳

東澗結層冰西澗涵清冷北枝方委葉南枝已含榮本是一氣物炎涼不同形何況雲間翼翻飛豈能并朝客孟嘗門日夕投信陵得意膠漆歡失意尋戈兵仇多終自賊豈獨喪其朋不念王貢交子臧揚芳名

武陵莊雜詠二首

秉願物外遊結忻在何許竟路辨青山沿洄遵枉渚丹丘忽戾止烟霞密如堵中有千年松滴翠紛成雨叢篁茁新玉樛木羅珍羽眺聽不勝奇日夕憺容與

河水何瀾瀾白石何齒齒誅茅以爲官閒曠絕間里雜犬不復聞漁樵時至止碧巖插雲端銀河投澗底苔生階布繡花發戶施綺況有蟲鳥鳴彷彿諧宮徵

積雨簡嘉則

陰風吹宿雨陰霧蔽庭堦怯寒花委砌避濕鳥分枝天暝非因夜泥深不辨踐親賓斷來往孤負黃流厄兀坐悄無聊一賦愁霖詩詩成再三歎四顧將寄誰爲語雲棲者啟戶當知之

秋懷詩四首

虎兕狎曠野鱗魴懷廣池如何游客子飄蕩無返期
朝發扶桑阿夕息望崦嵫山谷屢徂遷寒暑互推移艱難經百務鬢髮變成絲
腰帶不盈束中心愁如饑

朝登太行坂雪滿太行山改轍渡黃河天寒冰塞川處世多網羅憂患坐
相牽哲士鄙龔勝佞臣趣董賢如何卑執戟投閣空自捐

木落尚可榮水涸尚可盈如何蓬蒿士抱藝竟無成
神龍制螻蟻斥鷃噓鷓鴣小大各有過得失安可憑
達將連駒騁窮卽蓬纒行

蝓蠖不畏重螭牛好高升涎盡不返宅力疲竟顛領
華亭悲鶴唳上蔡思蒼鷹光寵難久恃機阱互相仍
寧甘首陽餓無作五鼎烹

君房下第歸至

在在有芳艸處處有青山君去與之去君還與之還
燕臺空駿骨漢宮墮朱顏自古有如此沉寘且閉關

郊居八首

朝出野田遊暮向林臯宿策杖入蓬門溪雲猶在足
顏霞曷肯翔皓月江心浴樵釣共爲徒庶幾鄭子谷

幽居屏煩喧觸目恣遐眺烟霞出屢奇峰巒互騰踔宿鳥競陽枝寒泉迸
陰竅欣茲十畝宮托跡亦竊窳

村居何所有歷歷多修竹明星閣樹頭白雲飽溪腹釣月引鱗魴樵霞臥
山麓枯稿故所耽飲啄亦自足

籬菊欲辭榮林楓亦隕赤清尊湛芳醕園果繁以碩隣里相勸酬酣歌擊
白石俯視池中魚仰睇雲間翼

奇遊匪云遠清溪卽故樓崇樓邀月近列岫洩雲齊曷至自相悅人來乍
遺言訪蓬瀛路丹丘倘可梯

有鼓不自鼓有琴不自彈端若習清燕闐寂寡所歡寒泉盤戶碧墜葉滿
庭丹采采芙蓉花零露何溥溥

種禾已堪炊種蔬已堪摘梧竹儼成行展矣幽人宅烏篆文苔階雲衣罽
蘭澤翹首望長空青山淨如拭

伏枕不成寐側聽司晨嗥嚴霜切重衾疾風梳敗楫寒燠固有常龍蛇由
所遭集菴本非羨白首甘蓬蒿

好春相看莫相笑，同是竹林人。

新秋詠懷

芳杜秋艸冷，蘭舟剡水遲。美人在何許，遠道本難期。皓月臨瓊樹，青樓出鳳吹。曲中有深怨，不奈妬娥眉。

隱居

島嶼春常在，桃源路不迷。山禽衝霧落，野鹿抱霞棲。蔓引青松弱，崖懸碧艸齊。逍遙堪避世，從此覓丹梯。

秋日次南禺韻

綠樹千章合，玄蟬日夜閒。林疎不礙月，水靜漫書雲。野艇從鷗引，漁磯與伴分。還因耕藝隙，一誦太玄文。

次南禺見新月有懷

衙門緣徑啓花榭，倚雲成照水。月初出，近人蟲自鳴。踈鐘風外落，碧漢樹頭平。無限傷秋意，同誰次第評。

除夕次高屋山

天涯愁病總難除，况復殘年憶故墟。到處風塵還徯目，由來泉石可安居。

三巴未布平戎檄四海空聞獻瑞書坐對寒燈不放寐呼童數問夜何如

田家樂四首

茅舍東方日出隣家何處朝春黃鸝喚起春睡猶在芳洲夢中
海近長飛霧雨山深自起朝霞遶屋短長松樹延離紅白槿花
離外人行犬吠樹頭日出鳥驚壁上高懸耕耒織麻自補魚罾
碧州自繞階前青山正當屋角驚開水鳥遠來掃却林花更落

豐主事坊

坊字存禮鄞縣人嘉靖二年進士除禮部主事以吏議免官家居坐法窳
吳中改名道生字人翁年老貧病以死存禮高才博學下筆數千言立就
於十三經皆別爲訓詁鉤新索異每託名古本或外國本今所傳石經大
學子貢詩傳皆其僞撰也家藏古碑刻甚富臨摹亂真爲人撰定法書以
真易贗不可窮詰爲人狂誕傲僻縱口徇意所至人畏而惡之嘗要邑子
沈嘉則其盛饌結忘年交相得其驪或問之曰是嘗姍笑公詩卽大怒設
醢上章詛之上帝所詛凡三等一等皆公卿大夫有依隙者二等則布衣
文士嘉則爲首三等鼠蛇蚊蚤虱其狂易可笑皆此類也張司馬時徹序

其集曰公質稟靈竒才彰卓詭論事則談鋒橫出摛詞則藻撰立成士林
擬之鳳毛藝苑方諸逸駟然而性不諧俗行或整中片語合意輒出肺肝
相啗唾毗蒙噴卽援戈矛相刺亦或譽嫫母爲嬋娟斥蘭荃爲蕪蕞旁若
無人罕所顧忌知者以爲激詭而不知者以爲竊竒也繇是雌黃間作轉
相詆諆出有爭席之夫居無式閭之敬鶻衣藍縷濕突不炊僮奴絕粒而
道亡賓客過門而不入顧領氣獨以終其身不亦悲夫存禮負俗多累蒙
謗下流司馬持論瑕瑜不掩使後人猶有撫卷歎惜者存禮可以無憾于九京矣

感遇

威懷愛幽僻暇日聊遊戲微風過庭蘭新月移巖桂欣然濯虛襟不知人
間世民生常有終身外何足計

雜詩

孤松挺穹壁下臨萬里波激湍喘其根驚颺撼其柯紛紛穴赤蟻裊裊纏
青蘿群攻未云已生意當如何嚴霜一夕墜高標復嗟峨君子固窮節感
慨成悲歌

小中元日夜泛月湖作

小中元日夜泛月湖作

三

五

孤舟泛湖水月色如寒玉白雲忽滿衣清風時濯足不知人間世因唱滄浪曲歸臥讀書窗聽蛙啼艸綠

送人

缺月古城東相送出蘭渚遊魚時避去宿鳥忽空舉頓忘離別情孤舟同笑語今日掌中杯明朝蓬上雨

十月十一日作

去國已逾紀玄節及茲臨修晷何電逝壯懷終陸沉鬢鬢寒露結慷慨悲風吟芳艸委遙澤鷺鳥翔空林朝龕尚蠅羽夕寐惟虫音疲精有斷簡卒歲無重衾餘襟奚足陳雲海馳余心孤燈未忍滅凄然對露襟

陽山艸堂爲姑蘇顧大有賦

新暉送山青點點入茅屋平原秀芳艸流泉帶喬木籬篁墮涼影庭蘭動徐郁主人侵朝興鶴衣巾一幅淨几發爐燎就牀取書讀坐中無俗賓砌下有馴鹿短扉竟日掩香醪四時漉閒情寄嶧桐佳詞散湘竹翹企孤山意想像柴桑延晞擁雲峰滿聽澌霜濕又與市塵遠已共山靈熟後名諒非求潛德思厚蓄落梅正宿雨予來破幽獨

效古

我行逢暮春，惆悵辭山阿。鶯花徒爛熳，光陰已無多。慊慊城鳥語，烈烈耕田歌。倚梧生高岡，浮雲蔽其柯。豈無鸞與鶴，悲鳴將若何。

病馬行贈少宰何燕泉

路傍病馬棄不收，乃是天上真驂騑。君子玄默罷遠遊，爾輩逸氣空橫秋。憶昔山西戰，爭起嫖姚手。提三尺水，夜半傳呼振鐵衣。材官十萬同殊死，此時銀鞍出塞行。甲光一道如流星，宵突重圍忽拉解。晨馳厚陣皆奔崩，蹄來步向丹關東。圍人太僕俱動容，却疑房宿觸地裂。百仞躍出悲泉龍，茂陵蕭蕭土花碧。王良旣死誰復惜，非關誓魘損前功。端爲一鳴終見斥，陰雲高高入。荒昏灑淚不到長安塵，日落荒城鳥栖背。天明野田霜滿身，聞說胡窺白登道。邊人被殺如刈草，用爾豈無騰驥力。冉冉年華坐成老，出門偶見令我哀。買骨誰置千金臺，試問天關十二駟。卽今未必非驚材，嗚鳳行贈楊給事惟仁。

嗚鳳行贈楊給事惟仁

君不見精衛一小鳥，銜石翻飛東海頭。不知身微海復鉅，悲鳴誓欲填洪流。又不見螳螂奮臂當車轍，轍不可回軀已裂。安得長遇越勾踐，試蛙屨。

士皆激烈吁嗟二物之微古則傳輕生血誠良可憐哀歌慷慨我故態今日送子鄞西船問君此去何爲者一鳴不墜立仗馬鳳凰池頭何足戀博取聲名滿天下憶昔君王初納諫終朝虛已明光殿時有張劉與鄧安正色危言稱鐵漢諸公相謝忽幾春世事變化如浮雲龍蛇俱仰德神物賢者括囊思保身後江先生愚且狂有口直欲旋天綱一入諫垣數十疏復覩鳴鳳鳴朝陽君王寬仁等天地何人却有移天勢王章殺身君竟免唐介高風今有二吁嗟先生非狂亦非愚風前勁艸真丈夫感恩報國元自許不然安用七尺軀送君之行勸君酒富貴于我亦何有但作昂昂千里駒何忍嗟嗒爲妾頌東山驟雨西山晴白鳥飛去天冥冥人生夢幻亦如此請君試聽鳴鳳行

桃李歌

東風一夜吹桃李桃花吹開又吹落開時不記春有情落時偏道風聲惡東風吹樹無日休自是桃花太輕薄

余羈秣陵乞休累疏而格于新令鬱鬱之懷伏枕埤劇遂效杜子美同谷體爲秣陵七歌時丙戌九月旣望也

悲哉蒼天胡有知，遙遊海無還期。丈夫生男不如女人閒，安用吾生爲黃金。橫腰矜氣，穢猩猩笑人唇未斂，狂呼九關死不開，痛極慷慨思伏劍。嗚呼！一歌兮誰忍歌，秋風號動沅湘波。

吾家鄧邑之城，西百椽破屋餘竹籬。前年倭奴苦殺戮，祖母垂白走且啼。幸存餘生膽已裂，昨日書來驚病發。別時衣線猶在身，菽水山中仗誰設。嗚呼！二歌兮涕泗流白日，慘慘爲我愁。

我祖全端鄧山穴，青山如簪木如瑛。時殊勢失，民共欺，宰木千章爭斬伐。憶初射策，酬祖願，願得幽泉開笑面。那知一別五六年，冢上無人澆麥飯。嗚呼！三歌兮情更苦，陰雲四塞飛秋雨。

側身西望岷山長，長天隱隱白玉堂。人言士爲知己死，于旌一去愁茫茫。憶昔吳越幾千士，青眸偏矚真父子。言猶在耳，孝與忠悠悠，此生堪愧死。嗚呼！四歌兮調轉急，欲贈瑤華將何及。

有友有友來界塘，温其如玉白面方。步出西清日未午，握手談笑神揚揚。慧搖東壁館飛鵬，君身甫出鄒陽獄。嗟我生餘行路難，何似當年同鬼錄。嗚呼！五歌兮懷管鮑，落花紛紛滿庭州。

天下窮民我最苦弟兄三四皆黃土兀然獨留多病身退不能得進何補
自從辭家室罄懸古田春艸自年年北山移文誰與勒萬古傷心棠棣篇
嗚呼六歌兮祇自知欲徃愬之人共疑

少年攻文恥爲吏群公謬許青雲器陸機賦何足竒徒令四海知名字
黃鶴鍛翼無雄飛邯鄲才人斲養妻况復夫人有美子折腰垂首端爲誰
嗚呼七歌兮歌且住春來拔劍還山去

南隱歌

步出城南門曠然遠塵俗江流奔白龍山色凝蒼玉丈人別業元近家時
鼓瑤琴對碧霞曲終拂衣無一事閒看仙人掃落花

春遊曲

十旬風雨清明節昨夜窗前見新月喜謂春情可出遊平明攜樽南陌頭
陌頭不見花開處城中城外多桑樹桑樹連天綠葉濃落花盡在春泥中
春泥浩蕩從馬踏香魂宛轉蹄蹀躞看花淚眼忽潸然人生安得長少年

贈太僕李遇齋北上

天門開佚蕩蕩風烟銷盡日月光負圖龍馬榮河上此時誰不慕彈冠伏

劍寧愁行路難吳江桃李迎錦纜長安楊柳拂銀鞍君家高門百年舊近
者詩名遍江右好學常過司馬門時時酌我洲中酒我病吳山歲載徂何
能把盞臨前除贈君長鞭還四顧王良伯固今何如

臥病述懷二首

短日悲年促他鄉苦病侵疎砧偏傍耳歸雁忽驚心寒柳猶含凍江柳正
滿林衰羸難自強早晚合抽簪

宦況從來薄幽居頗自厭寒雲開遠岫落日盪虛簷煮藥爐常活題詩筆
久拈無人來問訊向夕閉空簾

極悶

繁憂中夜起身世獨茫茫過眼浮雲滅傷心白髮長荷衣霜意苦用琴操
事蘭初露華涼萬緒誰能理懷沙欲弔湘

和東沙春日言志

夢迴初隱几黃鳥忽關關靜日無人到春風共我閑幽花迷曲徑修竹滿
東山穉子慰岑寂提壺黃酒還

十六日晚歸見白樓

襜褕經過少支離宇宙空
歸眠北窗下消受滿樓風
浴罷移水簾吟成對
艸蟲早知身是幻寧復問窮通

秋日卽事二首

老農遺舊業世事厭新闢
落日明蒼野秋風散白雲
樹陰唯債共渚月許
鷗分寄語州仇輩何心預此文
入秋殘暑退向晚病心清
露葉和螢墜風條雜鶴鳴
最甘蔬飯潔漸怯葛
衣輕坐聽西樓角嗚嗚向月明

除夕

白髮烟江成丹心日月懸
安危付童僕骨肉限山川
有恨思填海無言可
問天蕭條愁病裡况復值窮年

答俞子木見問

東海仙人枉尺書問余宦况近何如
青山屋上雲常起綠柳門前葉半疎
遺輝花間調小鳥看兒蓮下養生魚
秋光日日催詩興只是幽憂病未除

六月十五夜

通宵幽月照清池池上新篁動遠颺
誓墓文如王逸少汚人塵豈庾元規

雙雙宿鷺迷青岸發發潛魚振綠綺主聖官清烽火息勺泉餐栢總相宜
梔子花題画

金鴨香消夏日長拋書高臥北窗涼晚來驟雨山頭過梔子花開滿院香
雪夜過西湖南屏山

千岩萬壑玉層層夜半山腰見佛燈竹影掃窗塵不到滿牀風雪定中僧
李車駕時行

時行字少借番禺人嘉靖辛丑進士知嘉興縣晉南京兵部車駕主事以
事罷官遂不復歸徧遊吳越齊魯諸名山宴情詩洒落落世故若無所嬰
于中者有駕部集文翰詔爲序

經易州界

塞北時聞鐵馬嘶前門霜柳漸淒淒天邊野燒連烽火城下寒砧雜鼓鼙
陰磧艸荒狐隊出平原風急雁行低暮前不見悲歌客易水東流何日西
有感

三輔頻年說募兵黃龍羯虜幾時平兒童月下吹蘆管牛是秋風塞上聲
旅思

寒月下疎桐清霜醉晚風客心元自冷不是爲秋風

楊經歷文卿

文卿字子質鹽山人知稷山縣升南京都察院經歷當路知其才將擢用而遽卒學博辭藻有鷗海集秣陵吟行世

宿山寺遇雨

獨抗塵容過梵宮殘陽猶自拖微紅黃牛下坂前溪雨綠竹搖窗曲徑風石露危巉山骨出水流深澗地喉通繩牀元坐清無寐滿耳蛙鳴蘆荻中

曉發京都

俗吏曾隨計吏來可堪復別鳳城隈清時自闕公孫閣此日虛經郭隗臺火路差黃山鳥哢向人顰笑野花開倚風南望滄江渺擬上高堂壽一杯

舊滄州鐵獅二首

獨倚遙空據道周頽顏頑鐵兩悠悠不辭瓦石形應醜爲換人民恨未休
沉澱飲殘猶枵腹烟雲壓重自昂頭眞成乂祝仙人分看畫豪華逐水流
艸埋金馬沒銅駝到處踪麥秀歌聚鐵何人成錯謾長年見汝欲塵坐
吼風泣雨縈愁劇負鸞冠雅受侮多我意轉銷作農器買牛耕稼夕陽坡

秋日送曾公子實卿之延安書扇頭

車馬翩翩送汝行，離愁逐逐海雲生。
三杯籬落菊花節，一路蛩螢豆葉聲。
荒艸澗河連古戍，悲笳明月動山城。
鯉庭趨後勞相報，婚嫁如今累尚平。

經鹽山廢縣

何年移置青齊道，遺壤頽墉猶四圍。
白露滿田牛上塚，淡烟浮廟艸鈞衣。
客過都當瓦礫後，鶴來豈止人民非。
秦宮漢殿亦興廢，天地無窮哀雁飛。

過郭林宗墓

曾披漢史羨冥鴻，身脫虞羅漢已終。
遙望仙舟悲逝水，獨留荒塚泣寒蛩。
碑歆有字腰垂斷，樹老無枝腹半空。
不敢折巾強自附，爲君沽酒酌秋風。

黃副使中

中宇文卿括蒼人，嘉靖中以鄉薦知鉛山縣。
擢監察御史，升天津道兵備副使。
錢唐田汝成叙其集，謂我朝括蒼詩派倡自郁離子，
郁離子沒凡二百年無聞而有黃西野出焉。

不寐

多病眠常早，移燈近臥牀。
重翻經驗本，那有斷情方。
樹響秋先到，窗虛月

正涼寂寥愁不寐更漏以何長

讀陳白沙詩

天風吹散鏡橋花白日江門臥釣槎欲問烟波舊消息藤蓑今去落誰家

過朱陽仲墓

江關詞賦舊凌雲何事深山早築墳天上豈真無李賀人今猶自說劉蕡
西風歸鶴空留恨落日啼猿不可聞三十年前交誼在獨來披艸薦溪蘋

廖希顏

希顏字叔愚茶陵人嘉靖壬辰進士

題南山卷二首

上黨諸峰紫氣通迤南山色遶王宮關城萬井黃河壯臺閣三秋白露中
長日琴樽歌有祀往時圭璧憶分桐最憐深谷巖前桂信拂賢王殿上風
三年爲客向并州兩見南山屬暮秋宋玉多愁應有賦梁王高興幾登樓
爐烟孔雀新屏上花氣芙蓉別殿頭今日廣歌梅酒裏瑤華豈少報應劉

薛宗諱謫謫遠傳有星變

明堂再續周王禮宣室能容賈誼狂亢世有人還諫艸清時憐汝獨遐荒

龍吟鎮澤千峰雨雁度偏橋八月霜去住天涯各何意長星猶在太微傍
送李約齋敵前峰二疎謫謫衆郡

客風吹雨送蕭森行盡江南地桂林萬死投荒明主惠一封排闥犯人心
城臨曲斗桄榔出花暗春山瘴霧深彈劍長歌倍憐汝許身吾亦愛南金
送方兵備赴蜀兼懷楊芳洲座主

西路元戎看仗節南宮詞賦起同經天門初日餘殘雪江國浮雲伴使星
乘輿還移浣溪棹幾時同過艸玄亭生憎楊柳催春發故向愁邊却盡青
陳副使子文

子文字在中閩人嘉靖八年進士除麻城知縣歷戶部郎出知長沙府土
賊尹大憲阻水寨自困屢數守莫能捕子文故緩之盜奇憤甚多竊出賀
易乃伏壯士數十人于水次而遣一人微服買饋往誘之伏兵卒發生擒
其渠魁其方略如此服除知池州遷湖廣副使撫勦諸苗以勞卒官有子
山堂稿

夜泊浣城村舍

孤舟小泊初遠寺疎鐘起茅屋兩三家懸燈深樹裏

林員外垠

垠字天宇閩縣人嘉靖十年鄉貢官桂陽知州遷撫州同知終戶部員外郎雅有詩名居官以文學爲治所至有聲跡

沙河行宮

宮殿連雲起城樓入漢低寒鴉如望幸朝文自悲啼

袁知府表

表字景從閩縣人嘉靖三十七年鄉貢萬曆初授中書舍人遷戶部郎終黎平知府與諸名士結社嵩山烏石間精研格律爲閩人所推

梅花落

妝樓夕掩扉獨坐望春歸忽見梅花落猶疑隨雪飛因風點瑤瑟亂月影羅幃欲折南枝寄邊庭驛使稀

湘妃怨

烟波杳何之汀洲鬱寒翠一江春水生是妾相思淚

題漁梁客舍

漁梁凌頭新雨歇大竿嶺外飛雲沒遲回不見故鄉人却見雲間故鄉月

何運使御

御字範之福清人嘉靖十七年進士歷官兩浙鹽運使有白湖州十一卷
符子入秦郊遊

寒日行白陸朔吹揚飛塵送客在廣陌中情多苦辛野雲覆長路執轡東
西秦臨發執前綬願爲陳所因曙彼二黃鶴淚下不能伸

有鳥歌

有鳥有鳥集華池長嘴得食短嘴餓何不彎弓射長嘴前行丈人朝見啗
有鳥有鳥在中遠長嘴能飛短嘴遲何不彎弓射短嘴後行公子獨憐之

山南作

小隱依陵藪山南良可家一洲環橘柚十里陰桑麻白幘歌深醜青鞋獵
遠沙倘逢李都尉射虎亦生涯

少年行

少年礪劍心含冤潛入長安東上門怒髮上衝雙背裂問之舉脫無一言
日暮得仇策馬去九衢凜凜黃塵昏莫怪此徒輕殺人千金曾報一飯恩

過慶原

野燒萋萋帶雨痕，平山斜日近黃昏。
學亭阻絕來時路，烟火蕭條戰後村。
倦鳥驚人移浦樹，寒潮帶月上江門。
長年書劍催行色，白首蘄瓜報主恩。

徐永安梯

梯字子瞻，閬縣人。嘉靖末，以易學名家。明經歲貢，除茂名教諭。遷永安知縣，有徐令集，燬劫其二子也。

落花怨

曉起西園望空堦，散落紅自嗟。
根蒂淺不敢怨東風。

尋隱者不遇

杖藜徐步出荒原，漠漠寒雲掩洞門。
流水桃花人不見，孤鶯飛過綠楊村。

列朝詩集

丁集第三終